


পানিনি ।

পানিনি, কাत्याয়ন ও পতঞ্জলির
আবির্ভাব-কাল-নির্ণায়ক
প্রস্তাব ।

২৭/১০/১১

শ্রীরজনীকান্ত গুপ্ত

প্রণীত ।



“ননু বক্তৃ-বিশেষ-নিষ্কৃতা
গুণগৃহ্য। বচনে বিপশ্চিতঃ ॥”


কলিকাতা ;

জি, পি, রায় এণ্ড কোম্পানীর যন্ত্রে

জীণোপালচন্দ্র বসু কর্তৃক মুদ্রিত ।

২১ নম্বর বহুবাজার স্ট্রীট ।

সংখ্যা ১৯৩৩ ।



পরমারাধ্য। স্নেহময়ী

জননীর

চরণযুগলে

এই

প্রবন্ধ-কুসুম

সমর্পিত হইল।

বিস্তৃতি ।



নানাবিধ দুর্ঘটনা নিবন্ধন “জয়দেব-চরিত” প্রকাশের পর এ পর্যন্ত সহস্রদয় পাঠকবর্গের সমক্ষে উপস্থিত হইতে পারি নাই। অত্ৰ ‘পাণিনি’ হস্তে করিয়া তাঁহাদিগকে অভিনন্দন করিতেছি।

‘বাক্‌ব’ নামক মাসিক পত্রের সুবিজ্ঞ সম্পাদক মহাশয়ের অনুরোধে প্রথমে পাণিনির বিষয় লিখিতে প্রবৃত্ত হই। লিখিত বিষয়ের কিয়দংশ বাক্‌বে প্রকাশিত হয়। এইক্ষণে সেই প্রবন্ধ সম্পূর্ণ ও তাহার সহিত কাভ্যায়ন এবং পতঞ্জলির বিষয় সংযোজিত করিয়া এই পুস্তক প্রচারিত করিলাম।

স্বর্গীয় পণ্ডিতবর গোলড্‌ফুর্কর-প্রণীত ‘পাণিনি-বিচার’ এই পুস্তকের ‘পাণিনি’ শীর্ষকযুক্ত প্রস্তাবের প্রধান অবলম্বন। কিন্তু সমুদয় বিষয়েই গোলড্‌ফুর্করের মতানুসরণ করি নাই। স্থল-বিশেষ তাঁহার বিকল্প পক্ষও সমর্থিত হইয়াছে। ফলে অভিনিবেশ সহকারে এতদ্বিষয়-সংক্রান্ত গ্রন্থাদি আলোচনা করিয়া যেরূপ ধারণা জন্মিয়াছে, তদনুসারেই পুস্তক খানি লিপিবদ্ধ করিয়াছি। গোলড্‌ফুর্কর ব্যতীত অধ্যাপক মোক্ষমূলর, বোতলিক বেবের, লাসেন, মণিরায় উইলিয়াম্‌স্ ও রামকৃষ্ণ গোপাল ভণ্ডারকর প্রভৃতি প্রাচীন তত্ত্বানুসন্ধারী পণ্ডিত-বর্গের মত যথাস্থলে সমালোচিত হইয়াছে।

অঙ্ককারময় প্রাচীন বিষয়ের তত্ত্বানুসন্ধান যে কত দূর ক্লেশ-সাধ্য তাহা সহস্রদয়গণের অবদিত নাই। এরূপ অনুসন্ধাত্তি পদে পদে দিশাহারা হইবার সম্পূর্ণ সম্ভাবনা। ‘পাণিনি’ যে

সর্বাংশে নির্দোষ হইয়াছে, এরূপ মনে করা নিরবচ্ছিন্ন অহঙ্কৃত-
তার পরিচায়ক। ইহাতে অনেক ভ্রম লক্ষিত হইতে পারে।
আশা করি, সামাজিকগণ তৎসমুদয় সংশোধন করিয়া আমাদের
সংগত প্রদর্শন করিবেন।

এই পুস্তক-প্রণয়নে যথাসাধ্য পরিশ্রম বিহিত হইয়াছে।
প্রস্তাব প্রতিপাদ্য প্রমাণাদির সংগ্রহে কোনও প্রকার ত্রুটি হয়
নাই। ঈদৃশ যত্ন-সেবিত রূপ এক্ষণে কলাবনত হইলেই চরিতার্থ
হইবে। ইত্যলং পাল্লবিতেন।

কলিকাতা।

হিন্দু হোস্টেল।

১৮ই অক্টোবর।

সংখ্য ১২৩৩।

শ্রীরজনীকান্ত গুপ্তস্বা।

সূচী ।

পাগিনি	১—১১২
ব্যাকরণের সংক্ষিপ্ত ইতিহাস,	১—১৮
তদীয়-কাল বিনির্গয়	১৯—২১
অধ্যাপক বেবের ও লাসেনের মত	২০
অধ্যাপক মোক্ষমূলরের মত	২০—২৫
হুহৎকথা-লিখিত উপস্থাপন	২২—২৬
অধ্যাপক বোত্লিঙ্কের মত	২৭—২৮
এই মতের অসারবত্তা	২৮—৩০
মোক্ষমূলর ও বোত্লিঙ্কের মত ধণ্ডন	৩০—৩৮
আচার্য্য গোলড্‌ফুকের মত	৩৮
উহার সমালোচন	৩৮—৭৫
যাঙ্কের প্রাচীনত্ব	৭৫—৭৯
এ বিষয়ে মোক্ষমূলর ও গোলড্‌ফুকের মত	৭৫—৭৭
গোলড্‌ফুকের ভ্রম প্রদর্শন ও } মোক্ষমূলরের পক্ষ সমর্থন }	৭৭—৭৯
যাঙ্কের আবির্ভাব সময় সম্বন্ধে বিভিন্ন মত	৭৯
ব্যাড়ি	৮০
তৎপ্রণীত সংগ্রহ	৮১
পাগিনি ও ব্যাড়ির সম্বন্ধ-নির্গয়	৮১—৮৩
পাগিনি ব্যাড়ির পূর্ববর্তী	৮৩—৮৬
বোঁদ্ধ ধর্ম	৮৬—৮৭
উহার চরম উদ্দেশ্য	৮৭—৮৯
পাগিনিরূপে "নির্বাণ" শব্দের ব্যাখ্যা	৮৯—৯০
শাক্য সিংহের আবির্ভাব সময়	৯১
শাক্য সিংহ অপেক্ষা পাগিনির প্রাচীনত্ব	৯১
পাগিনির জন্ম ভূমি...	৯২
ঋষি-সমাজে তদীয় প্রাধান্য	৯২—৯৩
তৎপ্রণীত গ্রন্থ	৯৩—৯৪

অক্ষাধারী হ্রস্বপাঠের প্রাচীনত্ব	৯৭
উগাদি হ্রস্ব	৯৮—৯৯
কিট্ হ্রস্ব	৯৯
প্রাতিশাখ্য	৯৯—১০১
লিপিকাখ্য	১০১—১০৬
মোকমুলরের মতে লিপিকাখ্য পাণি- নীর সময়ে প্রচলিত ছিল না	}		১০২
এই মতের খণ্ডন	১০৩
‘ঐহু’ শব্দের অর্থ...	১০৩
‘বর্ণ’ লিখিত অক্ষরের ছোটক	১০৪
‘যবনানী’ শব্দের অর্থ	১০৪—১০৫
‘লিপিকর’	১০৫
পাণিনির সময়ে বৈদিক গ্রন্থ সমূহ লিপিবদ্ধ হইত	}		১০৬
ভৌগোলিক তত্ত্ব	১০৬—১১২
পাণিনির উল্লিখিত ‘কাপিণী’ নগরর অবস্থান-সন্নিবেশ	}		১০৭
‘বর্ণু’ নামক স্থান	১০৭—১০৮
‘সুবাস্ত্র’ নদীর বর্তমান নাম...	১০৮
সেকন্দর-বিজিত ‘অর্ণস’ নামক পার্বত্য দুর্গের অবস্থান-সন্নিবেশ	}		১০৮—১০৯
অর্ণসের ব্যুৎপত্তি সম্বন্ধে অধ্যাপক উইল- সন্ ও জেনারেল কানিংহামের মত	}		১০৮
পাণিনির ব্যাকরণ হইতে উহার যথার্থ ব্যুৎপত্তি প্রদর্শন	}		১০৮—১০৯
ওষ্ঠস্পান	১০৯
উইলসনের মতে উহার সংস্কৃত নাম	১০৯
উক্ত মতের খণ্ডন	১০৯
পাণিনি হ্রস্বানুসারে উহার সংস্কৃত নাম নির্দেশ	১১০
পঞ্চাবের পাণিনির সমগ্র-প্রসিদ্ধ নাম...	১১০

'সাজল' নগর	১১০
ইউরোপীয় পুরাতত্ত্বজ্ঞানিগের	}	১১০
মতে ইহার সংস্কৃত নাম				
অধ্যাপক উইলসন্ ও জেনা-	}	১১০
রেল কানিংহামের মত				
এই মতের খণ্ডন	১১০
'সাজল' নগরের যথার্থ ব্যুৎপত্তি	১১০—১১১
উহার অবস্থান-সন্নিবেশ	১১১
'পল কেটো' ও 'পার্বত' নামক স্থান	১১১
সেকন্দরের বিজিত 'মালী' ও 'অক্ষিক' জাতি	১১১
উইলসনের মতানুসারে শোষোক্ত	}	১১২
জাতির সংস্কৃত নাম				
এই মতের খণ্ডন ও পাণিনির সূত্রানু-	}	১১২
সারে উক্ত জাতিদ্বয়ের ব্যুৎপত্তি প্রদর্শন				

কাত্যায়ন	১১২—১১৭
তদীয় আবির্ভাব-কাল	১১৩—১১৬
কাত্যায়নের সম্বন্ধে মোক্ষমূলরের মত	১১৩
এই মতের খণ্ডন	১১৪
কিট্জ এডবার্ড হল সাহেবের ভ্রম প্রদর্শন	১১৪
কাত্যায়নের সম্বন্ধে বিভিন্ন মত	১১৪—১১৫
এই মত সমূহের অসারবত্তা প্রদর্শন	১১৫
কাত্যায়ন নামে অপর ব্যক্তির অস্তিত্ব	১১৬
কাত্যায়ন-প্রণীত গ্রন্থ	১১৬
তদীয় জন্ম-ভূমি	১১৬—১১৭

পতঞ্জলি	১১৭—১৪২
তদীয় আবির্ভাব সময় নির্ণয়	১১৮—১৩৩
আচার্য গোলাড়কৃষ্ণের মত	১১৮—১২১
উক্ত মতের সমালোচন	১২১—১২২

বেবেরের মত	১২২—১২৫
‘মাধ্যমিক’ শব্দের যথার্থ অর্থ	১২৬
গাঙ্গীসংহিতার যবনাক্রমণ বিবরণ	১২৭
দেমেত্রিয়স্ ও মেনান্দ্র	১২৮
দেমেত্রিয়সের অধোধ্য ও মধ্যদেশ আক্রমণ	১২৮—১২৯
পুষ্পমিত্র	১২৯—১৩০
পতঞ্জলি পুষ্পমিত্রের সমকালীন ব্যক্তি...	১৩০
পুষ্পমিত্রের সময় নির্ণয়	১৩০—১৩৫
যবনাক্রমণ বিষয়ে ডাক্তর কার্ণের মত	১৩৬
এই মতের খণ্ডন	১৩৬—১৩৭
পতঞ্জলির আবির্ভাব সময় ও } মহাভাষ্য প্রণয়নের কাল }	১৩৭
গোলড্‌কর ও রামকৃষ্ণগোপাল ভট্টাচার্য } করের মতে ‘যবন’ পদ মেনান্দ্রের নির্দেশক }	১৩৭—১৩৮
এই মতের খণ্ডন	১৩৮—১৩৯
বেবেরের মতের সমালোচন	১৩৮—১৪১
পতঞ্জলির জন্মভূমি	১৪১—১৪২
এসম্বন্ধে বেবেরের মত	১৪২—১৪৩
এই মতের খণ্ডন	১৪৩—১৪৫
‘আচার্য্য দেশীয়’ শব্দের অর্থ...	১৪৫—১৪৬
ইন্ডি	১৪৬
মহাভাষ্য...	১৪৬—১৪৭
মহাভাষ্যের টীকা	১৪৭
বাক্য পদীয় ও ‘কারিকা’	১৪৭—১৪৯
উপসংহার	১৪৯—১৫৪
পরিশিষ্ট	১৫৫—১৫৮

পাণিনি ।



ব্যাকরণের সংক্ষিপ্ত ইতিহাস ।

১১৫০

রত্ন-প্রসবিত্রী ভারতভূমি পূর্বতন সময়ে কোন বিষ-
য়েই উপেক্ষণীয় বা অশ্রদ্ধেয় ছিল না । প্রাচীন-
ভারত, দেশোজ্জ্বলকর রত্নসমূহ প্রসব করিয়া, যথার্থই
স্বীয় রত্ন-প্রসবিত্রী নামের অদ্বৈততা সম্পাদন করিয়াছে ।
ভারতবর্ষীয় আৰ্য্য সম্ভানগণ, একদা অসাধারণ তর্ক-
শক্তি, অসাধারণ শাস্ত্র-জ্ঞান, ও অসাধারণ বুদ্ধিমহিমা
বিকাশ করিয়া পৃথিবীর সমস্ত জাতিকে অধঃকৃত
করিয়াছিলেন । যে সময়ে ইউরোপ-ভূখণ্ডের সভ্যতার
উপদেষ্টা রোম রাজ্য মাতৃ-গর্ভে ছিল, সে সময়েও ভারতে
বিদ্যা ও সভ্যতা জ্যোতিঃ বিকীর্ণ হইয়া পরিবর্তনশীল
পৃথিবীকে উদ্ভাসিত করিয়াছিল । ভারতীয় আৰ্য্য-
গণের উদ্ভাবিত কোন শাস্ত্রই অপরের অনুকরণ-স্পৃহায়
সমুখিত হয় নাই । তাঁহারা যখন স্বীয় অসামান্য
মস্তিষ্কশালিতার পরিচয় প্রদান করিতেছিলেন, তখন
পৃথিবীর প্রায় সমস্ত সভ্য জাতিই অনাগত কাল-গর্ভে

নিহিত ছিল। পঞ্চনদের পবিত্র-সলিল-কণ-বাহি-সিন্ধু-
তীর-বাসী মহর্ষিগণের যে বেদগানে আধ্যাবর্ত স্বর্গীয়
সৌন্দর্য্যরসে পরিপ্লুত হইয়াছিল, সেই ঋগ্বেদের তুল্য
প্রাচীন গ্রন্থ ভূমণ্ডলের কোন স্থানে পরিদৃষ্ট হয় না^১।

^১ শাস্ত্রদর্শী ভট্ট মোক্ষমূলর সমস্ত বৈদিক গ্রন্থকে জ্ঞান,
মন্ত্র, ব্রাহ্মণ ও সূত্র এই চারি ভাগে বিভক্ত করিয়াছেন। তন্মধ্যে
জ্ঞানভাগ সর্ব্বাপেক্ষা প্রাচীন। ঋগ্বেদসংহিতা এই ভাগের
অন্তর্গত। মোক্ষমূলর খ্রীঃ পূঃ ১২০০ বৎসর হইতে খ্রীঃ পূঃ
১০০০ বৎসর পর্য্যন্ত এই বিভাগের কাল নির্ণয় করিয়াছেন।
Vide Max Müller's 'History of Ancient Sanskrit Literature,'
P P. 70, 572.

পণ্ডিতবর কোলক্রুক জ্যোতিষ শাস্ত্রের প্রমাণানুসারে প্রাচীন-
তম বেদ সংহিতার কাল খ্রীঃ পূঃ ১৪০০ বৎসর নিরূপণ করিয়া-
ছেন। Vide Colebrook's 'Miscellaneous Essays' vol. 1 (Ed. by
E. B. Cowell) P. 99, or As. Res. vol. viii. P. 493.

শাস্ত্র-প্রবীণ উইলসন ও লাসেন কোলক্রুকের এই গণনায়
বিশ্বাস স্থাপন করিয়াছেন। Wilson's 'Introduction to the
Rigveda,' P. XLVIII, and Lassen's 'Indische Alterthumskunde,'
Vol. I. P. 747.

আচার্য গোবিন্দচন্দ্রকর বেদ সংহিতার কালনির্ণয় প্রসঙ্গে কোল-
ক্রুকের মতানুসারী হইয়া ভট্ট মোক্ষমূলর ও অধ্যাপক বেবের
(Weber) সাহেবের মত খণ্ডন করিয়াছেন। Goldstucker's 'Panini:
His place in Sanskrit Literature,' P. 72 77, ff.

অধ্যাপক মূলর অপ্রকাশিত ঋগ্বেদের ভূমিকায় কোলক্রুক
প্রভৃতির প্রাচীন বেদসংহিতার কাল-নির্ণায়ক মতের খণ্ডন করিয়া
স্বমত দৃঢ়তর করিয়াছেন।

মোক্ষ মূলর-প্রকাশিত ঋগ্বেদ সংহিতা। ৪র্থ খণ্ড।

ভূমিকার ৫-৭২ পৃষ্ঠা দেখ।

গ্রীকজাতি স্বদেশীয় হোমর ও হিসিরদ^২ প্রণীত যে প্রাচীন গ্রন্থাবলির এত গৌরব করিয়া থাকেন, ঋগ্বেদের সমক্ষে তৎসমুদয়কেও নিতান্ত আধুনিক বলিয়া বোধ হয়। অধিক কি, পারসিকগণের বর-ণীয় জোরোস্তার প্রণীত অবস্তা^৩ গ্রন্থও ঋগ্বেদের পরসাময়িক বলিয়া প্রতিপন্ন হইয়াছে^৪। যে

^২হোমর গ্রীস দেশের অতি প্রাচীন কবি। কথিত আছে তিনি খ্রীঃ পূঃ দশম ও নবম শতাব্দীর মধ্যবর্তী সময়ে বর্তমান ছিলেন।

হিসিরদ ও হোমরের ছায় গ্রীস-দেশ-বাসী কবি। কেহ কেহ তাঁহাকে হোমরের অব্যবহিত পূর্ববর্তী এবং কেহ কেহ পরবর্তী বলিয়া থাকেন।

^৩মচরাচর এই গ্রন্থ “জেন্দাবস্তা” নামে অভিহিত হইয়া থাকে। পরন্তু পহ্লবী ভাষায় ইহার নাম “অবস্তাজেন্দ” উক্ত হইয়াছে। আধুনিক পারসীক যাজক সম্প্রদায়ের মত অবস্তার অর্থে পবিত্র গ্রন্থের মূলভাগ, এবং জেন্দ শব্দে অবস্তার পহ্লবী ভাষায় অনুবাদিত অংশ বুঝাইয়া থাকে। খ্রীযুত মার্টিন হাগ সাহেবের মতে “জেন্দ” শব্দ অনুবাদ বা ভাষা মাত্রেরই প্রতি-পাদক। এই অনুবাদের সঙ্গে টিপ্পনী স্বরূপ যে সমস্ত বাক্য আছে, তৎসমুদয় “পাজেন্দ” নামে উক্ত হইয়া থাকে। Vide ‘Essays on the Sacred Language, Writings and Religion of the Parsees.’ By Martin Haug, Dr Phil. P. P. 120, 121, and “American Oriental Society’s Journal” Vol. V. P. 348-358.

^৪‘জেন্দাবস্তা’ কোন্ সময়ে প্রচারিত হয়, তাহা যত্নাপি স্বাক্ষরপে নির্ণীত হয় নাই। গ্রন্থ-প্রণেতা জোরোস্তারের*

* অবস্তার যগভাগে ইহার নাম “জোরথুস্ত স্পিতম” বলিয়া উল্লিখিত হইয়াছে। গ্রীকগণ এই শব্দের অপভ্রংশে ইহাকে “জোরোস্টেস” বা

একাম্রভুক্ত আদিপুরুষদিগের সন্ততিবর্গ, পরস্পারবিচ্ছিন্ন

Researches' in Bunsen's Out. of Phil. of Un. Hist. vol. I. P. 129-131 'Ancient Sanskrit Literature,' P. 13, and 'Chips from a German Workshop' vol. I. P. 63-65.

ভারতবর্ষের উত্তর পশ্চিম দিকবর্তী মধ্য আসিয়ার জনপদ বিশেষ প্রাচীনতম আর্যগণের বাসস্থান ছিল। পরে তাঁহারা পরস্পার বিচ্ছিন্ন হইয়া পশ্চিম, দক্ষিণ ও পূর্ব দিকে গমন পূর্বক উপনিবিষ্ট হইলেন। Muir's 'Sanskrit Texts,' second edition, vol. II. P. 278 ff.

মধ্য আসিয়া, আর্য জাতির পূর্ব পুরুষগণের বসতি স্থান। উহার উচ্চতর ভূমি ভাগই মানব জাতির বাল্য লীলা-ক্ষেত্র বলিয়া সর্বত্র আদৃত ও সম্মানিত হইয়া থাকে। Weber's 'Modern Investigations on Ancient India' P. 10.

পূর্বতন আর্য-বসতির মধ্যস্থল বাক্ত্রিয়া (বাক্কীকদেশ আধুনিক বাল্খ)। পরে তাঁহারা হিন্দুকুশ, বেলুতাগ, অক্সস ও কাশ্মিরান সাগরের মধ্যবর্তী প্রদেশে যাইয়া বাস করেন। M. Pictet's 'Les Origines Indo Européennes,' vol. I. P. 51.

হিন্দু, গ্রীক, রোমান প্রভৃতি এক মূল হইতে সমুৎপন্ন হইয়াছেন। এই আদিম আর্যজাতি কাশ্মিরান সাগরের নিকটবর্তী প্রদেশে অধিবাস করিতেন। A. W. Von Schlegel's 'De L'Origine des Hindous,' in 'Essais Littéraires et Historiques,' P. 514-517.

হিন্দুগণ আদিম আর্য জাতি হইতে বিচ্ছিন্ন হইয়া বহু উত্তর-বর্তী প্রদেশ হইতে ভারতবর্ষে আগমন করেন। Lassen's 'Indian Antiquities,' Second Edition, P. 618.

তিন সহস্র বৎসর গত হইল, হিন্দুগণ মধ্য আসিয়ার উত্তর পশ্চিম প্রদেশ হইতে আসিয়া ভারতবর্ষে উপনিবিষ্ট হইলেন। কেলটিক বংশীয়গণেরও মধ্য আসিয়ার আদি নিবাস ছিল। ইহারা সংস্কৃত ও জেন্ড্ ভাষার জ্ঞান আৰ্য্যতাবী ছিলেন। Huxley's "Forefathers of the English People," published in "Nature," 17th March, 1870.

ও বহুদলে বিভক্ত হইয়া, দেশবিশেষে গমন পূর্বক

বেদ সংহিতাতে উত্তর দিকের অনেক প্রসঙ্গ পাওয়া যায় ।
ঋগ্বেদের অনেক স্থলে শীত-প্রধান দেশে কালাতিপাত-বিষয়ের
উল্লেখ আছে* । ইহাতে বোধ হয় আর্য্যগণ একদা হিমালয়ের
উত্তরবর্তী শীত-প্রধান স্থলে বাস করিতেন । Comp. Wilson's 'In-
troduction to Rigveda,' Vol. I. P. xlii.

কৌবীতকী ব্রাহ্মণে উত্তর দিক ভাষা শিক্ষা ও বাক্যের দিক
বলিয়া কথিত হইয়াছে† । যদিও টীকাকার বিনায়ক ভট্ট 'উদীচী'
শব্দ কাশ্মীর ও বদরিকাশ্রম প্রতিপাদক বলিয়া উল্লেখ করিয়াছেন‡
তথাপি উহা হিমালয়ের উত্তর দেশ-বাচক হওয়া অসম্ভাবিত নহে ।

* চক্ৰত্যং মরুতঃ পৃথ্বীং দুষ্টিরং দুঃসন্তঃ শুভ্রাঃ মঘবৎ পুংসন ।

ধনস্পৃ তমুর্কথাং বিশ্বচর্যগিৎ তোকং পুণ্যোম তনয়ং শতং হিমাঃ ॥

১।৫৪।১৪।

তদ্বো যামি দ্রবিশং সদাউত্তরো যেনা ঘর্ন ততনাম নূরতি ।

ইদং অ মে মরুতো হব্যতা বচো যস্য তরেন তরসা শতং হিমাঃ ॥

৪।৪২।১৫।

নুনো অগ্নেঃরকেভিঃ সন্তি বেমি রায়ঃ পপিভিঃ পংখ্যঃ ।

তা নুরিত্যো গুণতে রাসি সুরং মদেম শতহিমাঃ সুরীরাঃ ॥

৬।৪।৮।

† “পথ্যাবস্তিরুদীচীং দিশং প্রাজানাম বাণ্ বৈ পথ্যাবস্তিরুদীচী-
দুদীচীং দিশি প্রজাততরা বাণ্ডদ্যতে । উদক উ এব যন্তি বাচং শিকি-
তুহ । যো বা তত আগচ্ছতি তন্ত বা শুভ্রবস্তে ইতি শ্রাব । এবা হি
বাচো দিকু প্রজাতা ।” কৌবীতকীব্রাহ্মণ । ৭।৫।

‡ “প্রজাততরা বাণ্ডদ্যতে । কাশ্মীরে সরস্বতী কীর্ত্যতে । বদরিকাশ্রমে
বেদঘোষো ক্ষয়তে, বাচং শিকিতুহ সরস্বতী প্রসাদার্থ মুদক এব যন্তি ।
যো বা প্রসাদং লব্ধ্ব তত আগচ্ছতি । শ্রাব প্রসিত শ্রাবশ্চ সরস্বতীকঃ ।”

উপনিবেশ স্থাপন করেন । তন্মধ্যে এক দল ইউ-

যাক্ষ ঋষি স্বপ্রণীত নিকঙ্কর এক স্থলে লিখিয়াছেন “শবতির্গতি-কর্য্য
কম্বোজেষেব ভাষ্যতে” (৩ অ। ২।) “অর্থাৎ কম্বোজ দেশে
শবতি ক্রিয়া গত্যর্থ প্রচলিত আছে ।” পুরারত্নানুসন্ধায়ী পণ্ডিত-
গণ এই কম্বোজ দেশ বোধারার সম্বিহিত বলিয়া অনুমান করেন ।
ইহাতেই বোধ হইতেছে হিমালয়ের উত্তরেও সংস্কৃত ভাষা প্রচ-
লিত ছিল । অথর্ব বেদে হিমালয়ের উত্তর দিক্-সঙ্গাত কুঠ
নামক এক প্রকার উদ্ভিদের উল্লেখ দৃষ্ট হয় । উক্ত বেদের মন্ত্রে
লিখিত আছে এই উদ্ভিদ হিমালয়ের উত্তর দিক্ হইতে পূর্ব দিকে
আনীত হইত^৭ । ইহাতে স্পষ্ট প্রতীত হইতেছে, এই মন্ত্রের রচয়িতা
হিমালয় পর্বতের উত্তর দিক্-বর্তী প্রদেশের বিষয় অবগত ছিলেন ।

সংস্কৃত গ্রন্থে উত্তর কুক জনপদের উল্লেখ দৃষ্ট হইয়া
থাকে § । মিশর দেশীয় প্রসিদ্ধ ভূগোলবেত্তা টলেমী এই উত্তর
কুকর বিষয় অবগত ছিলেন । তিনি উত্তর কোরা (Ottorokorra)
নামে একটা পর্বত একটা জাতি ও একটা নগরের উল্লেখ
করিয়া গিয়াছেন । অধ্যাপক লাসেনের মতে টলেমীর এই
Ottorokorra (সংস্কৃত উত্তর কুক) বর্তমান কাসগারের পূর্ব দিকে
অবস্থিত ছিল । হিমালয়ের উত্তরে যে আখ্যগণের বসতি ছিল,

৭ “উদঃ জাতো জিমবতঃ প্রাচ্যাঃ নীরসে জনয় ।” অথর্ববেদ । ৩।৪।৮।

§ “তস্মাদ্ এতস্মাদুদীচ্যাং দিশি মে কে চ পরেণ হিমবন্তং জনপদা
উত্তরকুরব উত্তরমুদ্রা ইতি বৈরাজ্যার তেহভিমচ্যন্তে ।” ঐতরেয়
ব্রাহ্মণ ।

“উত্তরৈঃ কুরুভিঃ সাক্তৈঃ দক্ষিণৈঃ কুরব স্তথা ।

বিস্পর্জমানা ব্যহরন্তথা দেবর্ষি-চারণৈঃ ॥

মহাভারতঃ ।

“তান্ গচ্ছত হরিণেষ্ঠা বিশালানুত্তরান কুরব ॥

দামশীলান্ মহাভাগান্ শিত্যতুষ্ণান্গতজ্বরান ॥

ন তত্র শীতমুকং বা ন জরা নাময়ন্তথা ।

ন শোকো ন তরং বাপি ন বর্ষং নাপি ভাস্করঃ ॥

রাযায়ণঃ ।

রোপস্থ গ্রীস দেশে গমন করিয়া গ্রীক, এবং অন্যতর দল ভারতবর্ষে প্রবিষ্ট ও উপনিবিষ্ট হইয়া হিন্দু-জাতিতে পরিগণিত হইলেন* । যদিও সেমিতিক

ইহাও তাহার একটি উৎকৃষ্ট প্রমাণ । See Muir's 'Sanskrit Texts', 1st Edition, Part II P. 336-337, and Note G. P. 478.

রামায়ণের কিক্কিদ্ধাকাণ্ডে লিখিত আছে, প্লবঙ্গরাজ স্ত্রীশ্রী বসীতারবেষণ-নিরোজিত বানরবর্গের সমক্ষে উত্তর দিকের পথ নির্দেশে প্ররত হইয়া হিমালয়, কৈলাস (কিউন্লন ?) প্রভৃতি পর্বতের পর উত্তর কুরু জনপদের উল্লেখ করিয়াছেন । এই জনপদ বিবিধ ভোগ্য-বস্তু-সময়িত বলিয়া রামায়ণে বর্ণিত হইয়াছে । এতদ্বারা প্রতীত হইতেছে, হিমালয়ের উত্তরে আধ্য-গণের অধিবাস ছিল ।

বাল্মীকি রামায়ণ, কিক্কিদ্ধাকাণ্ড ।

ত্রিচত্রিংশ অধ্যায় দেখ ।

পারসীকদিগের অবস্থা গ্রন্থের বেহ্মিদাদ নামক পরিচ্ছেদে অত্মরমজদ জরথুষ্ট্রকে বলিতেছেন :—“আমি একটি সুখ-জনক দেশ স্বজন করিয়াছি । এই দেশ স্বজনের পূর্বে কোন স্থানই বাসোপযোগী হয় নাই । যদি আমি এই দেশ স্বজন না করিতাম তাহা হইলে সমুদয় প্রাণিগণকে ঐর্য্যনবএজো স্থানে যাইতে হইত ।”

এবিষয়ে অধ্যাপক হগ সাহেব এই দৃঢ় প্রকাশ করিয়াছেন যে, ঐর্য্যনবএজো প্রদেশেই আর্দো মানব জাতির বসতি ছিল । ইহার পূর্বে আব কোন স্থানই মনুষ্য কর্তৃক করিত ও অধ্যুষিত হয় নাই । খ্রীষুত পিগেল সাহেবের মতে অবস্থা লিখিত ঐর্য্যনবএজো প্রদেশ অক্সস্ ও জঙ্গারতেস্ নামক নদীদ্বয়ের উত্তর-ক্ষেত্র ইরাণ দেশীয় বিস্তৃত অধিত্যকা ভূমির পূর্ব দিকে অবস্থিত ছিল ।

* হিন্দু ও গ্রীকগণ যে একটি মূলজাতি হইতে সমুৎপন্ন*

জাতির মধ্যে আরব্য ও ইহুদিগণ স্ব স্ব দেশীয় ভাষার ব্যাকরণ সূত্রপ্রণালীর সমুৎকর্ষ সাধন করিয়াছিলেন, তথাপি তাঁহারা ব্যাকরণ বিজ্ঞানের নিদানভূত পদসাধন বিষয়ে গ্রীক পণ্ডিত মহামহোপাধ্যায় আরিস্ততলের^১ নিকট শ্লগ-পাশে আবদ্ধ আছেন^২। ফলে হিন্দু ও গ্রীকজাতিই পৃথিবীস্থ অপরাপর জাতির ব্যাকরণ শাস্ত্রের উপদেষ্টা। ভাষাবিজ্ঞানের এই অংশ গ্রীস দেশ হইতেই ইউরোপের অন্যান্য স্থানে নীত হইয়াছে। যে গ্রীক জাতি সমস্ত ইউরোপকে ব্যাকরণের উপদেশ দিয়াছেন, সেই গ্রীকগণকেই ভারতবর্ষীয় ব্যাকরণের নিকট মস্তক অবনত করিতে হইয়াছে। অতি প্রাচীনকাল হইতে ভারতবর্ষীয় আৰ্য্যগণ ভক্তি-

হইরাছেন, পরস্পরের ভাষা-সাদৃশ্যই তাহার প্রকৃষ্ট প্রমাণ। কৃত্ত-
হল পর পাঠকগণ Bopp's 'Comparative Grammar,' Max Müller's 'Lectures on the Science of Languages' 1st and 2nd Series, 'History of Ancient Sanskrit Literature,' 'Chips from a German Workshop,' Vol. I., Prichard's 'Researches into Physical History of Mankind,' Muir's 'Sanskrit Texts' Vol. II., Lassen's 'Indian Antiquities,' Schlegel's 'Origin of the Hindus.' প্রভৃতি গ্রন্থ পাঠ করিলে ইহার বিশেষ বিবরণ অবগত হইতে পারিবেন।

^১ আরিস্ততল, স্তেগ্রিয়া (Stagrya, others, stageria) নগরে খ্রীঃ পূঃ ৩৮৪ অব্দে জন্ম পরিচিৎ করেন। খ্রীঃ পূঃ ৩২২ অব্দে তাঁহার মৃত্যু হয়। Vide 'Encyclopædia Britannica' Vol. II. P. 286-287, and 'Peany Cyclopædia' Vol. II P. 332-336.

^২ Müller's 'An. San. Literature,' P. 158.

রসার্দিচিতে স্বীয় আরাধ্য দেবতার উদ্দেশে বেদ গান করিতেন । এই উপগীয়মান বেদের স্বরগ্রামের প্রতি তাঁহাদিগের বিশেষ দৃষ্টি ছিল । অবিশুদ্ধ স্বর-সংযোগ ও উচ্চারণ-বৈষম্য সজ্জ্বলিত হইলে, তাঁহারা আপনাদিগকে প্রত্যাবার-গ্রস্ত ও প্রনষ্ট-শক্তি মনে করিতেন^{১৭} । এই কল্পিত আশঙ্কা জাগরুক থাকাতে আর্ধ্যগণ বেদের উচ্চারণ-বিশুদ্ধতা রক্ষার্থ নিরতিশয় যত্নপর হইয়া বৈয়াকরণিক জ্ঞানের তত্ত্ব উদ্ভাবনে প্রয়াসবান্ হইলেন^{১৮} । বেদের ব্রাহ্মণভাগের অনেক স্থলে, অক্ষর, পদ প্রভৃতি ব্যাকরণ-প্রযুক্ত সংজ্ঞার উল্লেখ থাকাতে ইহার আভাস উপলব্ধিত হয়^{১৯} । শুক্ল যজুর্বেদের মাধ্যন্দিনী বাজসনেয়ী শাখার শতপথ ব্রাহ্মণে একবচন, বহুবচন ও ছান্দোগ্যোপনিষদে স্বর, উয়া, স্পর্শ প্রভৃতি বর্ণবিভাজক সংজ্ঞার উল্লেখ

^{১৭} পলিনেসিয়া বাসিন্দাদের মধ্যেও ঠিক এইরূপ আত্ম-প্রত্যয় আছে । Vide Sir. G. Grey's 'Polynesian Mythology.' P. 32.

^{১৮} কালক্রমে বেদসংহিতার বিভিন্ন শাখাস্থ স্বরগ্রামে উচ্চারণ পদ্ধতি-জ্ঞাপক হ্রস্ব সমূহ বিভিন্ন ব্যক্তি কর্তৃক রচিত হইয়া প্রাতি-শাখ্য নামে অভিহিত হয় । ইহা প্রস্তাবের স্থানান্তরে পরিবর্ত্ত হইবে ।

^{১৯} Weber's 'Indische Studien.' IV. P. 76.

আছে ^{১২} । পরন্তু সামবেদ সংহিতার ঋকে মহর্ষিগণ
ব্যাকরণ নির্দিষ্ট পদচতুষ্টয়ের উল্লেখ করিয়া আরাধ্য
দেবতার স্তুতি করিতেও পরাঙ্মুখ হইয়েন নাই ^{১৩} ।

^{১২} “মানো মিত্রোবকণো অৰ্ঘমায়ুরিত্যেতৎ সূক্তমগ্নিগাব-
পতি চতুস্ত্রিংশদ্বাজিনো দেববন্ধো রিত্যুহৈকহত্রতাৎ বহুক্ৰীণাৎ
পুৰস্তাদ্ধতি নেদনায়তনে প্রণবং দধানৈত্যথো নেদেকবচনেন
বহুবচনং ব্যবারামেতি ন তথা কুর্যাৎ সার্ধমেব সূক্তমাবপেদ্রুপ
প্রাগাচ্ছমনং বাজার্বোপ প্রাগাৎ পরমং যৎ স ধনুমিতি” । ১৮ ।

১৩ । [৫।১] শতপথ ব্রাহ্মণম্ । White Yajurveda. Vol.
II. P. 990. Ed. By Dr. Albrecht Weber, Berlin.

“সৰ্কে স্বরা ইন্দ্রস্তোত্ৰানঃ সৰ্ক উত্থাণঃ প্রজাপতেরাশ্বানঃ সৰ্কে
স্পর্শা মৃত্যোরাস্বানন্তং যদি স্বরেষুপালভেতেন্দ্র ঐ শরণং
প্রপন্নোহভুবৎ স ত্বা প্রতি বক্ষ্যতীত্যেনং জ্ঞয়াৎ ।” ৩ ।

অথ যত্নেনমুত্থাসুপালভেত প্রজাপতি ঐ শরণং প্রপন্নোহ-
ভুবৎ স ত্বা প্রতি পেক্ষ্যতীত্যেনং জ্ঞয়াৎ যত্নেন ঐ স্পর্শেষু-
পালভেত মৃত্যু ঐ শরণং প্রপন্নোহভুবৎ স ত্বা প্রতি বক্ষ্যতীত্যে-
নং জ্ঞয়াৎ । ৪ ।

“সৰ্কে স্বরা যোববন্তো বলবন্তো বক্তব্য্য ইন্দ্রে বলং দদানীতি
সৰ্ক উত্থাণোহগ্রস্তা নিরস্তা বিরক্তা বক্তব্য্যঃ প্রজাপতেরাশ্বানং
পরিদদানীতি সৰ্কে স্পর্শা লেশেনাভিনিহিতা বক্তব্য্য মৃত্যোরাস্ব-
ানং পরিহরণীতি” । ৫ । ছান্দোগ্যোপনিষৎ । দ্বিতীয় প্রপা-
ঠক । ২২ খণ্ড ।

৩ ১ ২ ৩ ১২ ৩২ ২ ৩ ১২

১৩ পাহি, মো অগ্নি ! একরা পাহুহ ওত দ্বিতীয়রা ।

এইরূপে বেদ-বিহিত স্বরগ্রামের উচ্চারণ প্রসঙ্গে ব্যাকরণের অনুশীলন আরম্ভ হইল । প্রাচীন গ্রীক জাতির মধ্যে ব্যাকরণ যখন বাল্যলীলা-তরঙ্গে দোলায়-মান হইতে ছিল, তখন আৰ্য্যগণের মধ্যে উহা কিশোর-ভাব অতিক্রম করিয়া যৌবন-সীমায় পদার্পণ করে । গ্রীসদেশীয় সুপ্রসিদ্ধ দার্শনিক প্লেতো^{১৪} কেবল বাক্য সংযোজক নাম (সংজ্ঞা) ও ক্রিয়ার বিষয় অব-গত ছিলেন । তৎশিষ্য আরিস্ততলের দর্শন শাস্ত্রো-পযোগিনী ব্যাকরণ-বিজ্ঞতাও এই সংজ্ঞাদ্বয়ের মধ্যে সীমাবদ্ধ ছিল । পরে অলঙ্কার শাস্ত্রের সুত্রানুশীলন প্রসঙ্গে তিনি আর কএকটি সংজ্ঞা ব্যাকরণে প্রবে-শিত করেন । জিনোদোতসের^{১৫} (Zenodotos) পূর্বে

৩ ২ ৩২ ৩৩ ২

৩ ৩ ২০ ৩ ২

পাহি, গীর্তিস্তিস্তিরুজ্জ্বল্যপাতে ! পাহি, চতস্তির্ভবমো ! ॥

২।৩৬।

ঐত্বশ্রুত সামাধ্যায়িতট্টাচার্য্য-প্রকাশিত সামবেদসংহিতার কোথুমী শাখার ২৫ পৃষ্ঠা দেখ ।

^{১৪} প্লেতো খ্রীঃ পূঃ ৪২৯ অব্দে মে মাসে জন্ম-পরিগ্রহ করেন ।

খ্রীঃ পূঃ ৩৪৭ অব্দে তাঁহার মৃত্যু হয় । Penny Cyclopædia. Vol., XVIII. P. 233-241.

^{১৫} গ্রীক-ব্যাকরণবেত্তা জিনোদোতস্ খ্রীঃ পূঃ ২৮০ অব্দে টলেমীর রাজত্ব সময়ে বর্তমান ছিলেন । Penny Cyclopædia, Vol. XXVII. P. 772.

সর্বনামের অস্তিত্ব ছিল না, এবং আরিস্তারকসের ^{১৬} (Aristarchos) পূর্বতন পণ্ডিতগণের মধ্যে কেহই উপ-সর্গের বিষয় পরিজ্ঞাত হয়েন নাই ^{১৭} ।

এইরূপে বৈয়াকরণিক জ্ঞানের অনতি পরিস্ফুট ক্রীণালোক যখন গ্রীসদেশে শনৈঃ শনৈঃ প্রসূত হইতে-ছিল, তখন উহা আর্য্যাবর্তবাসী মহর্ষিগণের নির্মল প্রতিভাফলকে সংহত হইয়া পূর্ণাবস্থা পরিগ্রহ করে । প্লেতোর পূর্ববর্তী আপিশালী, গার্গ্য প্রভৃতি ভারত-বর্ষীয় পণ্ডিতগণ ব্যাকরণে বিশিষ্ট অভিজ্ঞতা প্রদর্শন করেন । আপিশালী-প্রমুখ পণ্ডিতগণের পরবর্তী মহর্ষি পাণিনি অসাধারণ ব্যুৎপত্তি সহকারে বৈয়াকরণ জ্ঞানের পরাক্রান্ত প্রদর্শন পূর্বক পৃথিবীর মধ্যে সর্ব প্রধান ব্যাকরণাচার্য্য বলিয়া পরিগণিত হয়েন ^{১৮} । এই সময়ে জিনোদোতস্ প্রভৃতি উইরোপের ব্যাকরণোপদেষ্টা পণ্ডিতগণ ভবিষ্যকাল-গর্ভে নিহিত ছিলেন । আরি-

^{১৬} আরিস্তারকস্ খ্রীঃ পূঃ ১৫৮ অব্দে প্রাদুর্ভূত হয়েন । P. C. Vol. II. P. 332.

^{১৭} Max Müller's 'History of Ancient Sanskrit Literature' P. 161.

^{১৮} আপিশালি, কাশ্যপ, গার্গ্য, গালব, চাক্রবৰ্ত্তন, ভারদ্বাজ, শাকটায়ন, শাকল্য, সেনক এবং স্কেটায়ন, এই কএকজন বৈয়াকরণ পাণিনির পূর্ব সাময়িক । ডাক্তর বোত্লিক্ স্বপ্রকাশিত পাণিনি ব্যাকরণে ইহাদিগের বিষয় বিবৃত করিয়াছেন ।
*Vide Dr. Otto Boehtlingk's Pānini, Vol. II. P. III-V.

স্তূল বচনের বিভিন্নতা গ্রীসদেশে প্রথমে প্রকাশ করেন, কিন্তু আমরা আরিস্ততলের পূর্বসাময়িক বেদের ভ্রাক্ষণভাগে এবিষয়ের সুস্পষ্ট বিবরণ দেখিতে পাই। আরিস্ততল কারকের বিষয় অবগত ছিলেন না। কিন্তু তৎপূর্বে সংস্কৃত ব্যাকরণে সপ্তকারকের বিষয় পুঙ্খানুপুঙ্খরূপে বিবৃত হইয়াছিল। যে আরিস্তারকস (Aristarchos) গ্রীস রাজ্যে উপসর্গের অন্বেষণে, সেই আরিস্তারকসের পূর্বে মহর্ষি কাত্যায়ন স্বপ্রণীত প্রাতিশাখ্য নাম, আখ্যাত, উপসর্গ প্রভৃতি পদনির্দেশক সংজ্ঞার উল্লেখ করিয়া গিয়াছেন^{১৯}। এইরূপে ব্যাকরণ-বিজ্ঞানের যে অংশেই দৃষ্টি নিক্ষেপ করা যায়, সেই অংশেই গ্রীকজাতি অপেক্ষা হিন্দুজাতির প্রাচীনত্ব ও প্রাণীণ্য পরিলক্ষিত হইয়া থাকে। শাব্দিক-শ্রেষ্ঠ যোক্ষমূলর গ্রীক-দার্শনিক স্বনাম বিখ্যাত প্রোতাগোরাসকে^{২০}

^{১৯} “নামাখ্যাতমুপসর্গো নিপাতশ্চত্বার্বাছঃ পদজাতানি শব্দঃ ।

তন্মাম যেনাভিদধাতি সত্ত্বং তদাখ্যাতং যেন ভাবং স ধাতুঃ ॥

প্রাভ্য পরা নিহঁরনু ব্যুপাপ সং পরি প্রতি স্তত্যধি হৃদবাপি ।

উপসর্গা বিংশতিরর্থবাচকাঃ সহেতরাত্যামিতরে নিপাতাঃ ॥

ক্রিয়াবাচকমাখ্যাতমুপসর্গো বিশেষকঃ ।

সত্ত্বাভিধায়কং নাম নিপাতঃ পাদপূরণঃ ॥”

কাত্যায়ন প্রাতিশাখ্য ।

^{২০} প্রোতাগোরাসের আবির্ভাব সময় সম্বন্ধে পণ্ডিতগণের মধ্যে মতবৈধ আছে। কেহ কেহ তাঁহাকে খ্রীঃ পূঃ ৪৭০ অব্দের লোক বলিয়া নির্দেশ করেন। Penny Cyclopædia, Vol. XIX. P. 55.

(Protagoras) ব্যাকরণের লিঙ্গ-বিনির্গয় বিষয়ে হিন্দু-গণ অপেক্ষা প্রাচীন বলিয়া নির্দেশ করিয়াছেন^{২১} । তাঁহার মতে প্রোতাগোরাসের পরবর্তী পাণিনি হিন্দু-দিগের মধ্যে প্রথমে ব্যাকরণসম্বন্ধে লিঙ্গনির্গায়ক সূত্র-সমূহ প্রচার করেন^{২২} । আমরা এস্থলে প্রস্তাবিত বিষয়ে তুক্ষীভাব অবলম্বন করিলাম । প্রোতাগোরাস পাণিনির পূর্বে কি পরসাময়িক, যথাসময়ে তাহা উপ-ন্যস্ত হইবে ।

আমরা অতি সংক্ষেপে ভারতবর্ষীয় আৰ্য্যগণের বৈয়াকরণ জ্ঞানের প্রাচীনত্ব প্রদর্শন করিলাম । পূর্বেই উক্ত হইয়াছে যে, মহর্ষি পাণিনিই আৰ্য্য বৈয়াকরণ সমূহের মধ্যে পূজনীয় ও বরেণ্য । আপিশলি-প্রমুখ যে কতিপয় ব্যাকরণবেত্তা পাণিনির পূর্বসাময়িক ছিলেন, তাঁহারা কেহই পাণিনির ন্যায় প্রাচীনত্ব প্রদর্শনে সক্ষম হয়েন নাই । কলে ঋষিশ্রেষ্ঠ পাণিনিকে পৃথিবীর মধ্যে সর্ব প্রাধান ব্যাকরণাচার্য্য বলিয়া নির্দেশ করিলে অতুক্তিদোষে দূষিত হইতে হয় না । এই মহামনস্বী কোন্ সময়ে কোন্ দেশ সমলঙ্কৃত করিয়াছিলেন,

আবার কেহ কেহ বলেন, প্রোতাগোরাস খ্রীঃ পূঃ ৪০০ অব্দে বর্তমান ছিলেন । Vide Encyclopædia Britannica, Vol. XV. P. 605-606.

^{২১} Müller's 'Ancient Sanskrit Literature.' P. 163.

^{২২} Ibid. P. 163.

তাহা প্রকৃষ্ট পদ্ধতিক্রমে কোন পুস্তক বা প্রস্তরকলক বিশেষে লিপিবদ্ধ হয় নাই । এতদ্বিষয়ক সমুদয় সত্যই ইতস্ততো বিক্ষিপ্ত হইয়া রহিয়াছে । সুতরাং ঈদৃশ অনিশ্চিত বিষয়ের সত্যবিনির্ণয়, কালান্তরাগত ঘটনাপুঞ্জের বিচার-সাপেক্ষ । সংস্কৃতবিৎ পণ্ডিতদিগের অনেকেই কেবল স্বকপোলকল্পিত অনুমানের উপর নির্ভর করিয়া পাণিনির সময় নির্ণয় করিয়াছেন । কেহ কেহ বা দূরবগাহ কুট-তর্ক-জালে স্ববক্তব্য বিষয় এমনই আচ্ছন্ন করিয়া ফেলিয়াছেন যে, তাহা হইতে প্রকৃত ঘটনার উন্ময়ন একরূপ দুঃসাধ্য ব্যাপার হইয়া উঠিয়াছে । দুর্ভাগ্য ক্রমে ভারতের একখানিও প্রকৃত ইতিহাস বিদ্যমান নাই । একটা হিরোদোতস বা জিনোফন ভারতের হইয়া জন্ম পরিগ্রহ করেন নাই । ভারতের নিমিত্ত অতীত-সাক্ষির নিদর্শন স্বরূপ একটা এক্সোডাসও বিরচিত হইয়া ভবিষ্যৎশীলগণের অন্ধতমমাচ্ছন্ন তর্কপথের আলোক-বর্তী হয় নাই । অতুল ভারতী কীর্তি ভারতের সম্মান-গণের হস্তে পড়িয়া কেবল কল্পনামূলক অপ্রাকৃত বর্ণনাতেই পর্য্যবসিত হইয়াছে । কালের কি অচিস্তনীয় প্রভাব ! নিয়তি-নেমির কি নিদারুণ পরিবর্তন !! যে প্রাচীন ভারতবর্ষের মহিমা প্রভাবে ইউরোপের ইয়তী স্তম্ভিত হইয়াছে, সেই ভারতবর্ষ এক্ষণে জ্ঞানের জন্য লালসিত হইয়া ইউরোপের নিকট তিক্ষাপ্রার্থী !! ইউরোপীয় পণ্ডিতগণ বদ্ধপারিকর হইয়া অমৃতলাভাশায়

ভারত-মহিমার নিদানভূত সংস্কৃতশাস্ত্র-সিন্ধু মন্থন করিতেছেন, ভারত নিশ্চেষ্টভাবে তাহা চাহিয়া দেখি-
তেছে। ভারতের শক্তি নাই, চেষ্টা নাই, জাতীয় জীব-
নের কোন চিহ্ন শরীরে বর্তমান নাই। অদ্য ভারত
প্রমাদ-শয্যা-শায়িত হইয়া যোগনিদ্রাভূত অনন্ত-
শায়ী ভগবান্ ভূতভাবনের ন্যায় মোহনিদ্রা অনুভব
করিতেছে। স্বীয় অক্ষয়তাণ্ডার পরকরতলগত দেখি-
য়াও ইহার স্নিগ্ধ শোণিত ধমনীমধ্যে যুহু যুহু প্রবাহিত
হইতেছে। বস্তুতঃই অদ্যতন ভারত সূত্রসঞ্চালিত
ক্রীড়াপুত্তলীর ন্যায় নিরবচ্ছিন্ন জড়ভাবাপন্ন।

কিন্তু শাস্ত্রদর্শী ইউরোপীয় পণ্ডিতদিগকে শত ধন্য-
বাদ। আমরা কেবল তাঁহাদিগের যুক্তি ও বিচারশক্তি
প্রভাবেই ভারতের অনেক অপরিজ্ঞেয়কম্প বিষয়
জানিতে সমর্থ হইতেছি। এই শাস্ত্রবিশারদগণের মৃত-
সঞ্জীবনী বিদ্যা প্রভাবে এক্ষণে প্রাচীন ভারতে জীবনী-
শক্তি পরিলক্ষিত হইতেছে। মহামহোপাধ্যায় পাণিনির
কাল নির্ণয় করিতে যাইয়া যদিও অনেক ইউরোপীয়
পণ্ডিত স্থলিতপদ হইয়াছেন, তথাপি কেহ সত্যপরায়ণ-
তার প্রণোদিত হইয়া স্বীয় অনন্য সাধারণ বিচারশক্তি-
প্রভাবে এবিষয়ে অনেকাংশে কৃতকার্য হইয়াছেন।
আমরা যথাক্রমে যুক্তি ও প্রমাণ সহকারে, এই পণ্ডিত-
গণের হেতুবাদের বৈধাবৈধতা প্রদর্শনপূর্বক প্রস্তাবিত
বিষয় লিপিবদ্ধ করিতে প্রবৃত্ত হইতেছি।

পাণিনি ।



তদীয় কাল বিনির্ণয় ।

সংস্কৃত সাহিত্য মধ্যে মহর্ষি পাণিনি-প্রণীত গ্রন্থই সর্বত্র সমাদৃত হইয়া থাকে । যথানিয়মে এই গ্রন্থের আলোচনা করিলে পূর্বতন সাহিত্য-সম্বন্ধিনী অনেক অভিজ্ঞতা উপলব্ধ হয় । প্রাচীন ভারতের সভ্যতা ও বৈষয়িক জ্ঞান প্রভৃতির গূঢ়তত্ত্ববিনির্ণয় এই অপূর্ব গ্রন্থের উপর সম্যক্ নির্ভর করিতেছে । যে শব্দশাস্ত্রের মধ্যে পাণিনির এতদূর মর্যাদা, সেই সংস্কৃত শব্দশাস্ত্র-কারগণই সূক্ষ্মরূপে পাণিনির কাল-বিনির্ণয় করিতে পৃষ্ঠপ্রদর্শন করিয়াছেন । ঋষিশ্রেষ্ঠ পতঞ্জলির ভাষ্য-বিষয়ক আলৌকিক জ্ঞান অথবা ভগবান্ শঙ্করাচার্যের দর্শনশাস্ত্র-প্রসারিণী অমাত্যবী বুদ্ধি প্রস্তাবিত বিষয়ে সমাকুল হয় নাই । এরূপ হিন্দুজাতির গৌরবকর জ্যোতিষশাস্ত্রের উদ্ভব ও বিলাস কেন্দ্রের পরীক্ষায় হিন্দুগণ বহুকাল হইতে নিরস্ত ছিলেন । ইহা অনঙ্গ-কোষের বিষয় সন্দেহ নাই ।

ঋষি-প্রধান পাণিনির আবির্ভাবকাল-নির্ণয় সম্বন্ধে ইদানীন্তন শাস্ত্র-প্রবীণ পাণ্ডিত্যগণের অনেক মতবৈধি আছে। অধ্যাপক লাসেন ও বেবেরের মতে পাণিনি শাক্যসিংহ বুদ্ধের পরসাময়িক ^{২০}। বেবের আবার সমধিক পাণ্ডিত্য প্রদর্শন করিতে যাইয়া চৈনিক পরি-ব্রাজক হোয়েন্সুনাঙ্গের মতানুসারে পাণিনির দুটী অস্তিত্ব কল্পনা করিয়াছেন। তাঁহার মতে পাণিনির শেষ আবির্ভাবের সময় খ্রীষ্টীয় ১৪০ অব্দ বলিয়া স্থিরী-কৃত হইয়াছে ^{২১} !! আমরা বেবেরের এই মতকে শত-হস্ত দূর হইতে প্রণাম করিয়া মতান্তরের বিচারে প্রবৃত্ত হইতেছি।

শাব্দিক-শ্রেষ্ঠ মোক্ষমূলর প্রস্তাবিত বিষয়প্রসঙ্গে বিভিন্নস্থলে বিভিন্নমত বিন্যস্ত করিয়াছেন। বিষয়ান্ত-রাগত অবাস্তুর ঘটনাগরম্পরায় তাঁহার উদ্দিষ্ট বিষয় এমনই সমাচ্ছন্ন হইয়া রহিয়াছে যে, তৎসমুদয়কে অব-লম্বন করিয়া সিদ্ধান্তক্ষেত্রে উপনীত হইতে হইলে নিশ্চয়ই জ্বলিতপদ হইতে হয়। মোক্ষমূলর-প্রদর্শিত মতসমূহের সার নিষ্কর্ষ করিলে আমাদিগের ক্ষুদ্রবুদ্ধিতে ইহাই প্রতিভাত হয় যে, সূত্রকার পাণিনি বার্তিককার কাত্যায়নের সমসাময়িক। মোক্ষমূলর খ্রীঃ পূঃ সার্দ্ধ

^{২০} Lassen's 'Indische Alterthumskunde' Vol. 1. Second Edition. P. 864.

Weber's 'Indische Studien' V 136 ff.

^{২১} Müller's 'An. San. Literature' P. 305.

ত্রিশত অঙ্ক কাত্যায়ন বররুচির আবির্ভাব কাল বলিয়া নির্দেশ করিয়াছেন । যদি আমরা তৎপ্রদর্শিত মতের মর্ম্মগ্রাহী হইয়া থাকি, তবে ইহাও স্বীকার করিতে হইবে যে, তাঁহার মতে মহর্ষি পাণিনিও ঐ সময়ে বর্তমান ছিলেন * । মোক্ষমূলর, কাশ্মীর-নিবাসী সোম-

* মোক্ষমূলরের চরমসিদ্ধান্ত কি, তাহা আমরা নিঃসন্ধিধ-রূপে স্থির করিতে পারিলাম না । এতন্নিবন্ধন বাধ্য হইয়া সহ-দয়গণের বিবেচনার্থ প্রস্তাবিত বিষয় সংক্রান্ত বাক্যগুলির সারাংশ উদ্ধৃত করিয়া দিলাম ।

মোক্ষমূলর লিখিয়াছেন, “কাত্যায়ন, পাণিনির সমালোচক ও সমকালীন ব্যক্তি” (An. San. Lit. P. 138) । “যদি পাণিনি খ্রীঃ পূঃ চতুর্থ শতাব্দীর মধ্যভাগে * বর্তমান থাকেন” (Ibid P. 245.) । “প্রাচীন কাত্যায়ন বররুচি পাণিনির সমকালীন ব্যক্তি” (Ibid P. 303.) । “পাণিনির মূল ও কাত্যায়ন প্রণীত অতিরিক্ত সূত্র খ্রীঃ পূঃ তৃতীয় শতাব্দীর প্রারম্ভে বিরচিত হইয়াছে বলিয়া নির্দেশ করিলে আমরা অধিক ভ্রান্ত বলিয়া পরি-গণিত হইব না” (Ibid P. 244.) । “যদি কাত্যায়ন ও পাণিনির আবির্ভাবের সময় এক না হয়” ইত্যাদি (Ibid P. 184.) । এস্থলে স্পষ্ট বোধ হইতেছে, মোক্ষমূলর পাণিনি ও কাত্যায়নকে এক সময়ের লোক বলিয়া স্থির সিদ্ধান্ত করেন নাই । “যদি অখ-লায়ন পাণিনির সমকালীন অথবা অন্ততঃ অব্যবহিত পরবর্তী বলিয়া প্রমিত হইতে পারেন” ইত্যাদি (Ibid P. P. 44, 45.) । “আমাদিগকে অবশ্য এই পাঁচ জন শিক্ষক ও ছাত্রের পারস্পর্য স্বীকার করিতে হইবে, যথা ; প্রথম শৌনক, দ্বিতীয় অখলায়ন, তৃতীয় কাত্যায়ন, চতুর্থ পতঞ্জলি, ও পঞ্চম বেদব্যাস” (Ibid

* মোক্ষমূলর ইহাই কাত্যায়নের আবির্ভাব-সময় বলিয়া নির্দেশ করিয়াছেন । Vide An. San. Lit. P P. 242, 243.

দেব ভট্ট-সংগৃহীত বৃহৎকথানুসারে প্রস্তাবিত বিষয়ের সময় নির্দেশ করিয়াছেন। প্রথিত আছে, পূর্বে কাত্যায়ন যুনি বৃহৎকথা নামে একখানি মণ্ডলক্ষণোক্ত্যক গ্রন্থ রচনা করিয়া, কাণভূতিকে শ্রবণ করাইয়া ছিলেন^{১১}। পরে সোমদেব ভট্ট খ্রীষ্টীয় দ্বাদশ শতা-

P. 239.)। “এই সকল লক্ষণানুসারে সহজেই বিশ্বাস করা যাইতে পারে যে শৌনক ও কাত্যায়নের পারস্পর্য সম্বন্ধ বিশিষ্ট ঘনিষ্ঠ এবং প্রথমোক্ত ব্যক্তি দ্বিতীয়ের পূর্ববর্তী” (Ibid. P. 230.)। এক্ষণে দেখা যাইতেছে যে, মোক্ষমূলর প্রণীত পুস্তকের ৪৫ ও ২৩৯ পৃষ্ঠানুসারে যদি অশ্বলায়ন, পাণিনি ও শৌনকের অব্যবহিত পরবর্তী হয়েন, তবে পাণিনি ও শৌনক অবশ্যই সমসাময়িক বলিয়া পরিগণিত হইবেন; এবং যদি ২৩০ পৃষ্ঠানুসারে শৌনক কাত্যায়নের পূর্ববর্তী হয়েন, তবে পাণিনিও অবশ্যই কাত্যায়নের পূর্ব-সাময়িক হইবেন। মোক্ষমূলরের বাক্য এইরূপ পূর্বাধার সঙ্গতিবিকল্প হওয়াতে আমরা তাঁহার বৃহৎকথানুসারি প্রথমোক্ত মতকেই (অর্থাৎ কাত্যায়ন, পাণিনির সমসাময়িক) সিদ্ধান্ত স্বরূপ স্থির করিয়া লইলাম। Comp: Goldstücker's Pāṇini. P P. 80, 81.

^{১১} অনেকে আবার গুণাঢ্যকে বৃহৎ কথার রচয়িতা বলিয়া নির্দেশ করেন। যথা;

“বৃহৎকথা ভূতভাষাখ্যো গ্রন্থভেদঃ । গুণাঢ্যস্তৎকর্তা ।

ভূতভাষাপ্রণীতা সো গুণাঢ্যঃ কবিকচ্যাতে ।”

(বাসবদত্তাটীকার নরসিংহ বৈজয়ন্ত বাক্য ।)

“ভূতভাষাকবিরূষো গুণাঢ্যশ্চাপি কীর্তিতঃ ।”

উত্তর তন্ত্র ।

(হল সাহেব প্রকাশিত বাসবদত্তা ভূমিকার ২২ পৃষ্ঠা দেখ ।)

উপন্যাস অনুসারে মলয়বান্ নামক পুন্সদত্তের জনৈক বন্ধুও

দীতে অনন্ত-পত্নী সূর্য্যবতীর চিত্তবিনোদনার্থ উহার সারাংশ সঙ্কলন করিয়া কথাসরিৎসাগর নামক আখ্যায়িকা প্রচারিত করেন ২৭ । এই কথাসরিৎসাগরের একস্থলে লিখিত আছে, পুষ্পদন্তনামক মহাদেবের জ্ঞানৈক অনুচর গৌরীকর্তৃক অভিশপ্ত হইয়া মর্ত্যলোকে আগমন পূর্ব্বক কাত্যায়ন বররুচি নামে বৎস-রাজধানী কৌশায়ী নগরীতে সোমদত্তনামা ব্রাহ্মণের গুহ্রমে জন্ম-পরিগ্রহ করেন । তাঁহার জন্মের অব্যবহিত পরে এই আকাশবাণী হয় যে, “এই বালক শ্রুতিধর হইবে, এবং বর্ষ পণ্ডিত হইতে সমস্ত বিদ্যালাত করিবে । ব্যাকরণশাস্ত্রে ইহার আত্যন্তিক ব্যুৎপত্তি জন্মিবে, এবং

পুষ্পদন্তের স্থায় শাপগ্রস্ত হইয়া মর্ত্যলোকে আগমন করেন, এবং প্রতিষ্ঠান নগরীতে ব্রাহ্মণকূলে জন্ম পরিগ্রহ করিয়া গুণাঢ্যনামে অভিহিত হইলেন । See Wilson's 'Essays on Sanskrit Literature,' Vol. I. P. 162.

২৭ অধ্যাপক উইলসনের মতে কথাসরিৎসাগর খ্রীষ্টীয় ১০৮৮ অব্দে সোমদেব কর্তৃক সংগৃহীত হয় (Wilson's 'Essays on San. Lit.' Vol. II. P. 112) । কিন্তু অত্র স্থলে তিনি আবুল কাজেলের নির্দেশানুসারে উল্লেখ করিয়াছেন যে, কথাসরিৎসাগর খ্রীষ্টীয় ১০৫৯ ও ১০৭১ অব্দের মধ্যবর্তী সময়ে অথবা ইহার কিঞ্চিৎ পূর্বে প্রচারিত হইয়াছিল (Wilson's 'Essays on San. Lit.' Vol. I. P. 159) । ডাক্তর ব্রোথন্ স্বপ্রকাশিত কথাসরিৎসাগরের ভূমিকায় লিখিয়াছেন, সোমদেব তট খ্রীষ্টীয় ১১২৫ অব্দের কিছু পরে বর্তমান ছিলেন । Dr. Hermann Brockhaus's 'Katha Sarit Sagara,' Vol. I. Preface, P. VIII

সমুদয় বর অর্থাৎ শ্রেষ্ঠ বিষয়ে রুচি জন্মিবে বলিয়া বররুচিনামে অভিহিত হইবে ২৮ ।” মোক্ষমূলরের উদ্ধৃত কিম্বদন্তী অনুসারে বাল্যকালাবধি এই কাত্যায়নের অসীম বুদ্ধি ও স্মৃতিশক্তি ছিল । একদা তিনি কোন নাটকের অভিনয় দর্শন করিয়া মাতৃসমীপে সেই নাটক আদ্যোপান্ত আরতি করিতে সমর্থ হইয়াছিলেন, এবং উপনয়নের পূর্বে ব্যাড়ি প্রমুখাৎ প্রাতিশাখ্য বিশেষ অবগণ করিয়া তাহা সমস্ত কণ্ঠস্থ করিয়াছিলেন । কাত্যায়ন অবশেষে বর্ষের শিষ্যত্ব গ্রহণপূর্বক নানাশাস্ত্রে প্রাবীণ্য লাভ করিয়া বৈয়াকরণিক তর্কে পাণিনিকে পরাভূত করেন । পরিশেষে মহাদেবের বিশিষ্ট অনুগ্রহে বিজয়লক্ষ্মী পাণিনির অঙ্কশাসিনী হয়েন । কাত্যায়ন মহাদেবের ক্রোধশাস্তির নিমিত্ত পাণিনি-প্রণীত ব্যাকরণ অধ্যয়ন করিয়া তাহা সম্পূর্ণ ও সংশোধিত করেন । এই কাত্যায়ন অবশেষে মগধরাজ নন্দের মন্ত্রিপদে রূত হইয়াছিলেন ।

মোক্ষমূলর এই আখ্যায়িকার সারাংশ উপন্যস্ত করিয়া লিখিয়াছেন যে, যদিও সোমদেবের উপকথামূলক গ্রন্থ-ব্যবস্থাপিত ঐতিহাসিক ও সময়নিরূপণ-

২৮ “একপ্রতিধরো জাতো বিজ্ঞাৎ বর্ষাদবাপ্যতি ।

কিঞ্চ ব্যাকরণং লোকে প্রতিষ্ঠাৎ প্রাপয়িস্বতি ॥

নান্না বরকচিলোকে বহুদর্শে হি রোচতে ।

বহু বহু বরং ভবেৎ কিঞ্চিস্তুক্তা বাণপারমং ॥”

সম্বন্ধীয় সত্য বাথার্থ্য-প্রতিপাদক নহে, তথাপি ইতি-
হাস-ক্ষেত্র-বিলসিত মগধাধিপ নন্দের নাম কাত্যায়নের
উপাখ্যান-সংস্কৃত হওয়াতে আমরা অনায়াসে তদীয়
আবির্ভাবকাল নির্ণয় করিতে সমর্থ হইতে পারি। নন্দ,
নুবিশ্রুতনামা চন্দ্রগুপ্তের অব্যবহিত পূর্বে মগধরাজ্যের
শাসন-দণ্ড গ্রহণ করেন। চন্দ্রগুপ্ত খ্রীঃ পূঃ ৩১৫ অব্দে
মগধের সিংহাসনে অধিষ্ঠিত থাকিলে সোমদেবের
নির্দেশানুসারে কাত্যায়ন, খ্রীঃ পূঃ সার্ব্বিক ত্রিশত অব্দের
লোক বলিয়া প্রতিপন্ন হইতে পারেন। খ্রীষ্টীয় দ্বাদশ-
শতাব্দীর ব্রাহ্মণ-বর্ণিত কিম্বদন্তী যখন বিখ্যাত বৈয়াকরণ
কাত্যায়ন ও পাণিনিকে চন্দ্রগুপ্তের অভ্যুত্থানের
অব্যবহিত পূর্ববর্তী সময়ের সহিত সন্নিবদ্ধ করিয়াছে,
তখন ইউরোপীয় মতানুসারে আমরা ইহা অবশ্যই খ্রীঃ
পূঃ চতুর্থ শতাব্দীর পরাৰ্দ্ধে নিবেশিত করিতে পারি ২০।

মৌকম্বুলরের প্রদর্শিত যুক্তির বলাবল পরীক্ষার
অগ্রে আমরা তদ্বন্ধুত আখ্যায়িকার সম্বন্ধে কিছু বলিতে
প্ররত্ত হইতেছি। মৌকম্বুলর সোমদেবের এই আখ্যা-
য়িকা অনেকাংশে রূপান্তরিত করিয়া প্রকাশ করিয়া-
ছেন। কথাসরিংসাগরের চতুর্থ অধ্যায়ে এই গম্পটি
অন্য প্রকারে বর্ণিত হইয়াছে। আমরা এই স্থলে উহার
সারাংশ উদ্ধৃত করিয়া দিলাম। কাত্যায়ন বরকৃতি

কাণ্ডভূতির নিকট উপকোশার সহিত আপনার বিবাহের পরবর্তী ঘটনা এইরূপ বিবৃত করিতেছেন :—
 “বর্ষের (উপবর্ষ) ছাত্রগণের মধ্যে পাণিনি নামে একজন অতি স্থূলবুদ্ধি ব্রাহ্মণ বালক ছিল। এই বালক বিদ্যাভ্যাসে অপরাগ হওয়াতে স্বশ্রেণী হইতে তাড়িত হয়। এতন্নিবন্ধন পাণিনি আপনাকে নিতান্ত অপমানিত জ্ঞান করিয়া হিমাद्रিতে গমনপূর্বক বিদ্যালাতের নিমিত্ত কঠোর তপস্যা আরম্ভ করে। মহাদেব এই দৃশ্যের তপে সন্তুষ্ট হইয়া পাণিনিকে সমস্ত বিদ্যার নিঃশ্রেণী স্বরূপ একখানি ব্যাকরণ অর্পণ করেন। পাণিনি, এইরূপে সকল-মনোরথ হইয়া প্রকাশ্য বিচারে আমাদিগকে আহ্বান করে। সপ্তাহ কাল পর্যন্ত আমাদিগের এই বিচার হয়। অষ্টম দিবসে একটা ভয়ঙ্কর শব্দ সমুৎপন্ন হইয়া আমাকে এবং আমার সহযোগিবর্গকে হতবুদ্ধি ও বিচার্য বিষয়ে দিশাহারা করিয়া ফেলে। সুতরাং বিজয়ন্তী পাণিনির পক্ষ আশ্রয় করেন। এই সময় হইতে পাণিনির ব্যাকরণ, আমার ও ইন্দ্রদত্ত প্রভৃতির ব্যাকরণের ওপাতিক্রমী হইয়া উঠে, এবং আমাদিগকে বাধ্য হইয়া পাণিনির প্রাধান্য স্বীকার করিতে হয়।”

“Wilson's 'Essays on Sanskrit Literature' Vol. I. P. 169-170.

ইহার সহিত আচার্য্য গোল্ডস্টেকার-নির্ম্মিত আখ্যানিকার কিঞ্চিৎ বৈসাদৃশ্য আছে। Vide Goldstücker's Pāṇini P. 84-85.

প্রস্তাবিত বিষয় সম্বন্ধে অধ্যাপক বোত্লিক্‌সের গবেষণা-প্রসারিণী অভিজ্ঞতাও এই সোমদেব ভট্টের আখ্যায়িকার উপর ব্যবস্থাপিত । বোত্লিক্‌স এতদনুসারে খ্রীঃ পূঃ সার্ব্ব ত্রিশত অর্দ্ধ, পাণিনি ও কাত্যায়নের আবির্ভাবকাল বলিয়া নির্দেশ করিয়াছেন বটে, কিন্তু তিনি যে যুক্তিমার্গের আশ্রয় গ্রহণ করিয়া চরম-সিদ্ধান্তে উপনীত হইয়াছেন, মোক্ষমূলর তাহার অনুসরণ করেন নাই । বোত্লিক্‌স ইউরোপীয় গবেষণামূলত নিয়মের বশবর্তী হইয়া যে অদ্ভুত যুক্তি ও বিচারশক্তি-দ্বারা স্বমতের সমর্থন করিয়াছেন তাহার সারাংশ এই :—“রাজতরঙ্গিনী নামক কাশ্মীর দেশের ইতিহাসে লিখিত আছে যে, অভিমন্যু, চন্দ্র এবং অন্যান্য ব্যাকরণ-প্রণেতৃগণকে পতঞ্জলির মহাত্ম্য স্বদেশে প্রবর্তিত করিতে আদেশ করেন । এই অভিমন্যু (যাঁহার রাজত্বকালে চন্দ্র প্রভৃতি বৈয়াকরণ গণ বর্তমান ছিলেন) খ্রীষ্টের শত বৎসর পূর্বে কাশ্মীরের সিংহাসনে অধিষ্ঠিত ছিলেন । অতএব আমরা দেখিতে পাইতেছি, খ্রীঃ পূঃ ১০০ অব্দে চন্দ্র কর্তৃক পতঞ্জলির মহাত্ম্য কাশ্মীর দেশে প্রচারিত হয় । সুতরাং সমীচীনতা সহকারে নির্দেশ করা যাইতে পারে যে, ইহার পঞ্চাশৎ বৎসর পূর্বে অর্থাৎ খ্রীঃ পূঃ ৫০ অব্দে পাণিনি-সূত্রের এই মহাত্ম্য বিরচিত হইয়াছিল । এক্ষণে আমরা পতঞ্জলি ও পাণিনির মধ্যবর্তী তিন

জন ব্যাকরণ-রচয়িতার নাম (কাত্যায়ন, পরিভাষাকার, ও কারিকারচয়িতা) দেখিতে পাইতেছি । খ্রীঃ পূঃ ৩৫০ অব্দে উপনীত হইবার জন্য ইহাদিগের প্রত্যেক দ্বিতীয়ের মধ্যে পঞ্চাশৎ বৎসর ধরা উচিত । এরূপ হইলেই আমরা কথাসরিৎসাগর-নির্দিষ্ট পাণিনির সময় (খ্রীঃ পূঃ ৩৫০ অব্দ) অবধারণ করিতে পারি”৩৩ !!

আমরা এই কচ্ছ-নিঃসার পাণ্ডিত্যে সম্পূর্ণ অনাদর প্রদর্শন করিতেছি । খ্রীষ্টীয় দ্বাদশ শতাব্দীর জনৈক ভারতবর্ষীয়ের উপন্যস্ত কিম্বদন্তীতে ইদানীন্তন উনবিংশ শতাব্দীর বিদ্যালোক-সম্পন্ন ইউরোপীয় পণ্ডিতগণকে এইরূপ শ্রদ্ধা ও বিশ্বাস স্থাপন করিতে দেখিয়া সকলেই অনপ্প বিম্বিত হইবেন, নন্দেহ নাই । বিধাতা যদি সোমদেবকে সাধারণ মর্ত্যগণ অপেক্ষা বিশেষপ্রকৃতিক করিয়া সৃজন করিতেন, তাহা হইলে তিনি অদ্য ইউরোপীয় মতানুসারে স্বীয় উপন্যাসকে ঐতিহাসিক নিদর্শনের সম্মানিত পদে সমাসীন দেখিয়া অবশ্যই এই বিশ্বাসের অংশভাগী হইতেন । যে কোন কারণেই হউক, ইউরোপীয় মতানুসন্ধিৎসু পণ্ডিতগণকে একজন বিগতকাল-গর্ভশায়ী ভারতবর্ষীয়ের প্রতি এইরূপ আস্থা ও শ্রদ্ধা প্রদর্শন করিতে দেখিলে আমাদের হৃদয়ে যুগপৎ অভিমান ও আনন্দসাগর উদ্বেল হইয়া

উঠে । কিন্তু ন্যায় ও মতের অনুরোধে আমাদিগকে এই অন্ধভক্তির প্রতিকূলে দণ্ডায়মান হইতে হইতেছে । ইউরোপীয় মতানুসারে যাহা প্রামাণিক বলিয়া অব-
ধারণিত হইয়াছে, একজন ক্ষুদ্রমতি ভারতবর্ষীয়ের—
বিশেষতঃ বঙ্গবাসীর মতানুসারে তাহা কিরূপ প্রমিত
হয়, তদ্বিশয়ের বিচারভার সুক্ষ্মদর্শী পণ্ডিতগণকে গ্রহণ
করিতে বিনয়সহকারে অনুরোধ করিতেছি ।

বঙ্গ-প্রসূত লেখকগণের মধ্যে কেহ কেহ পাণিনির
কাল-নির্ণয়-প্রসঙ্গে চপলতা ও একদেশদর্শিতার পরি-
চয় দিয়াছেন । পণ্ডিত তারানাথ তর্কবাচস্পতির মতে,
ব্যাড়ি (ব্যালি), পাণিনি ও কাত্যাযন এক সময়ে
বর্তমান ছিলেন^{০৭} । তদীয় মত-পরিপোষণী যুক্তি
মোক্ষমূলরের ন্যায় সোমদেবের উপকথার অনুসারিণী ।
সুতরাং তর্কবাচস্পতি মহাশয়ের প্রদর্শিত মতের স্বতন্ত্র
বিচারের আবশ্যকতা উপস্থিত হইবে না । কোন লেখক
স্বীয় পুঙ্খপ্রাপ্তি দোষ পরিহার-ব্যপদেশে সমধিক
প্রাণীণ্য প্রদর্শন করিতে যাইয়া বিভিন্নস্থলে বিভিন্ন
মত প্রকাশ করিয়াছেন^{০৮} । ইহার কোনটাই প্রমাণ
ও যুক্তি দ্বারা দৃঢ়তর করা হয় নাই । আমাদিগের হৃদয়

^{০৭} শ্রীযুক্ত তারানাথ তর্কবাচস্পতি প্রকাশিত সিদ্ধান্তকৌমুদীর
“পাণিনীয়াগমকালাদি নির্ণয়” প্রস্তাব দেখ ।

^{০৮} আচার্যদর্শন । প্রথম খণ্ড । দশম সংখ্যা । গ্রীক ও
যবনদীর্ঘক প্রস্তাব দেখ ।

এইরূপ পাণ্ডিত্যের সারগর্ভতাস্বীকারে প্রস্তুত নহে। সুতরাং আমরা এবিষয়ে লেখনীর ব্যায়ামক্রিয়া হইতে বিরত হইয়া বোতলিঙ্ক ও মোক্ষমূলর-প্রদর্শিত যুক্তির বৈধাবৈধতা বিচারে প্রবৃত্ত হইতেছি।

পূর্বে প্রদর্শিত হইয়াছে যে, মোক্ষমূলর বোতলিঙ্কের সহিত ঐকমত্য অবলম্বন পূর্বক পাণিনি ও কাत्याয়নকে একসাময়িক বলিয়া নির্দেশ করিয়াছেন। বোতলিঙ্ক স্বমত নিরবলম্বনে না রাখিয়া যে যুক্তির উল্লেখ করিয়াছেন, তাহাও যথাস্থলে উপন্যস্ত হইয়াছে। এই যুক্তি-সম্মত প্রমাণ যে নিরবচ্ছিন্ন কম্পনামূলক তাহা মোক্ষমূলরই স্বয়ং প্রতিপন্ন করিয়াছেন। বোতলিঙ্ক কাশ্মীর-রাজ অভিমন্ত্যুর যে সময় নির্দেশ করিয়াছেন, তদ্বিষয়ে অন্যান্য পণ্ডিতগণের মতবৈধ আছে। বোতলিঙ্কের মতে অভিমন্ত্যু খ্রীঃ পূঃ ১০০ অব্দে বর্তমান ছিলেন। কিন্তু শাস্ত্রদর্শী লামেন্ প্রাচীনতম যুদোসমূহ পরীক্ষা করিয়া খ্রীষ্টীয় ৪০ ও ৬৫ অব্দের মধ্যবর্তী সময় অভিমন্ত্যুর রাজত্বকাল বলিয়া প্রতিপন্ন করিয়াছেন^{৩৩}। আচার্য্য গোল্ডস্টুকর ও অধ্যাপক মোক্ষমূলরের মতে ইহাই বাথার্থ্য-প্রতিপাদক বলিয়া স্বীকৃত হইয়াছে^{৩৪}। সুতরাং বোতলিঙ্কের কট-

^{৩৩} Indian Antiquities Vol. II. P. 413.

^{৩৪} Goldstücker's Pāṇini P. 85-86. Müllers, 'An. San. Lit.' P. 243.

কম্পনামূলক প্রমাণ যে সমীচীন নহে, তাহা স্পষ্টই অনুমিত হইতেছে । মোক্ষমূলর বোতলিক-প্রদর্শিত প্রমাণ খণ্ডন করিয়াও স্বমত-সমর্থন জন্য লিখিয়াছেন, “খ্রীষ্টীয় প্রথম শতাব্দীর প্রথমার্দ্ধে যখন পতঞ্জলির মহাভাষ্য এতদূর প্রচরুপ হইয়া উঠে যে, উহা রাজ-কীয় আদেশানুসারে কাশ্মীরদেশে নীত হয়, তখন পাণিনি-প্রণীত মূলসূত্র ও কাত্যায়ন প্রণীত তাহার বার্তিক খ্রীঃ পূঃ তৃতীয় শতাব্দীর প্রারম্ভে রচিত হইয়া-ছিল বলিয়া নির্দেশ করিলে বোধ হয় আমরা অধিক ভ্রান্ত বলিয়া পরিগণিত হইব না” ৫৬ ।

কাত্যায়ন, অষ্টাধ্যায়ী সূত্রের বার্তিক প্রণয়ন কালে, অনেক স্থলে পাণিনির ভ্রম প্রদর্শন করিয়া তৎসমুদয় স্বীয় ইচ্ছানুসারে সংশোধিত করিয়াছেন । মোক্ষমূলরের উদ্ধৃত সোমদেবের কথার সহিত ইহার বিশিষ্ট সামঞ্জস্য লক্ষিত হইতেছে । এই কাত্যায়ন আবার মাধ্যম্ভিন প্রাতিশাখ্যের প্রণেতা । এদিকে ব্যাডিও (ব্যালি) একজন বৈয়াকরণ । পাণিনির সহিত তাঁহার বিশেষ সম্বন্ধও নিবদ্ধ আছে । সোমদেব-সংগৃ-হীত উপকথা, যখন পরস্পর সম্বন্ধ-নিবদ্ধ এই বৈয়াকরণ ত্রিতরকে মগধরাজ সুপ্রসিদ্ধ মন্দের সহিত এক সময়ে সন্নিবেশিত করিয়াছে, তখন মোক্ষমূলর

ইতস্ততঃ না করিয়া তিন জনকেই একসাময়িক বলিয়া নির্দেশ করিয়াছেন । এরূপ প্রমাদ তাঁহার একদেশ-দর্শিতার পরিচায়ক সন্দেহ নাই ।

মোক্ষমূলর স্থান বিশেষে কাত্যায়নকে পাণিনির সম্পাদক ও সমালোচক বলিয়া নির্দেশ করিয়াছেন ৩৭ । তাঁহার মতে কাত্যায়ন-প্রণীত বার্তিক পাণিনির অতিরিক্ত সূত্রসংগ্রহ মাত্র । পাণিনি-প্রণীত গ্রন্থ অপেক্ষাও এই অতিরিক্ত সূত্রে সংস্কৃত শাস্ত্রাভিজ্ঞতার উৎকর্ষ প্রদর্শিত হইয়াছে ৩৮ । বাহা ইউক, কাত্যায়নের বার্তিক বস্তুতঃ পাণিনি-সূত্রের সমালোচন মাত্র । নাগোজী ভট্ট বার্তিকের সংজ্ঞানির্দেশ স্থলে বলিয়াছেন, পাণিনীয় সূত্রের অনুক্ত ও দুরুক্ত বিষয়ের সহজ-বোধ সম্পাদনার্থ সমালোচনকে বার্তিক কহে ৩৯ । কাত্যায়ন পাণিনীয় সূত্রের সমর্থন বা পোষকতা জন্য স্ববার্তিক প্রণয়ন করেন নাই । প্রত্যুত দোষোদ্ঘাটন করিয়া পাণিনিকে সাধারণ্যে নিন্দনীয় ও অপদস্থ করিবার জন্যই তাঁহার বার্তিক প্রণীত হইয়াছে । কাত্যায়ন, এই উদ্দেশ্য সাধনার্থ যতকণ মন পরিত্যাগ না হইয়াছে, ততকণ পাণিনির দোষ প্রদর্শনে কাস্ত হইবেন

৩৭ 'An. San. Lit.,' P. P. 353, 138.

৩৮ Ibid P. 241.

৩৯ “বার্তিকমিতি । সূত্রেঃসূক্ত-দুৰুক্ত-চিহ্নাকরস্বং বার্তিকম্ ।” নাগোজী ভট্ট-কৃত কৈরট-টীকা ।

নাই । তিনি কোন স্থলে পাণিনিকে অন্যান্য-
রূপে আক্রমণ করিয়াও স্বীয় জিগীষা ও কলহলিপ্সার
পরিচয় প্রদান করিয়াছেন^{৪০} । সুতরাং কাত্যায়ন যে

^{৪০} এনিষয়ে একটি উদাহরণ প্রদর্শিত হইতেছে, পাণিনি
৪।৩।১১৬ সংখ্যক সূত্রে উল্লেখ করিয়াছেন যে, কোন ব্যক্তি
বিশেষের কৃত গ্রন্থ বুঝাইতে সেই ব্যক্তির উত্তর অণু প্রত্যয়
হইয়া থাকে । যথা ; বরকচিনা কৃতো বারকচো গ্রন্থঃ । বরকচি
প্রণীত গ্রন্থ বারকচ । কাত্যায়ন এস্থলে মাক্ষিক (মক্ষিকান্তিঃ
কৃতং মাক্ষিকং মধু, মক্ষিকাকৃত মধু) শব্দ নির্দেশ করিয়া বলিয়া-
ছেন, অগ্রম্বার্থেও অণু প্রত্যয় হইয়া থাকে । সুতরাং পাণিনির
উক্ত সূত্রটি অব্যাপ্তি-দোষাত্মক হইয়াছে । কিন্তু পাণিনি পর-
বর্তী সূত্রে যে মাক্ষিক, ক্ষৌদ্র, সারথ, পৌত্তিক প্রভৃতি পদের
সাধন-প্রণালী প্রদর্শন করিয়াছেন, * কাত্যায়ন তাহাতে ক্ষেপণও
করেন নাই । বোধ হয় তিনি “কৃতে গ্রন্থে সংজ্ঞায়াং” এক সূত্র
মনে করিয়াই পাণিনিকে এইরূপ আক্রমণ করিয়াছেন । পতঞ্জলি
কাত্যায়নের এই একদেশদর্শিতা প্রদর্শন করিয়া “কৃতে গ্রন্থে” ও
“সংজ্ঞায়াং” এই সূত্রদ্বয়ের পার্থক্য স্বীকার পূর্বক বিশিষ্ট ধীরতা
সহকারে পাণিনির পক্ষ সমর্থন করিয়াছেন† ।

* ৪।৩।১১৭ সংজ্ঞায়াং । সিদ্ধান্তকৌমুদী :—তেনেঘ্যেব । অগ্র-
ম্বার্থ মিদম্ । মক্ষিকান্তিঃ কৃতং মাক্ষিকম্ মধু ।

† ৪।৩।১১৬ কৃতেগ্রন্থে । বার্তক :—কৃতে গ্রন্থে মক্ষিকাদিত্যোহ
কৃতে গ্রন্থতন্ত্র মক্ষিকাদিত্যোহণ, বক্তব্যঃ । মক্ষিকান্তিঃ কৃতং মাক্ষিকং ।
তদ্বিশেষেভ্যশ্চ ।

ভাষ্য :—তদ্বিশেষেভ্যশ্চাণ্ বক্তব্যঃ । সরষান্তিঃ কৃতং সারথং ।
সামুতং । পৌত্তিকং । স তর্হি বক্তব্যঃ । ন বক্তব্যঃ । ঘোণবিভা-
গাং সিদ্ধং । ঘোণবিভাগঃ করিয়াতে । কৃতে গ্রন্থে । ততঃ সংজ্ঞায়াং ।
সংজ্ঞায়াং তেন কৃত ইত্যেতদ্বিরোধে যথারিহিতং প্রত্যয়ো ভবতি ।
সরষান্তিঃ কৃতং সারথং । পৌত্তিকং । ততঃ কুলানাদিত্যো বৃত্তং সংজ্ঞায়া-
মিত্যেব ।

পাণিনির একজন মহা প্রতিদ্বন্দ্বী, তদ্বিষয়ে কাহারও সংশয় হইতে পারে না। পাণিনির দোষ প্রদর্শনার্থ কাত্যায়নকে যে প্রকার আয়াস স্বীকার করিতে হইয়াছে, তদ্বিষয় বিবেচনা করিয়া দেখিলে বিস্মিত হইতে হয়। কাত্যায়ন পাণিনি-প্রণীত ৩৯৯২ কিম্বা ৩৯৯৩ সূত্রের মধ্যে সাত্বদ্বৈক সহস্র অপেক্ষাও অধিক সূত্রে ভ্রম প্রদর্শন করিয়া স্বীয় ক্ষমতার পরিচয় দিয়াছেন। এত-স্নিগ্ধন চারি সহস্র বার্তিকক বিরচিত হইয়াছে। এই চারি সহস্র বার্তিকের মধ্যে আবার সূ্যনতঃ দশ সহস্র বিশেষ স্থল পরিলক্ষিত হইয়া থাকে।

এক্ষণে জিজ্ঞাস্য হইতে পারে, যে গ্রন্থ একরূপ দোষ-দুষ্ট, যাহাতে দশ সহস্র পরিমিত স্থূলিত বর্ত্তমান রহিয়াছে, সে গ্রন্থ কি প্রকারে এত সম্মানিত ও সমাদৃত হইয়া উঠিল? যদি এক জন একখানি গ্রন্থ প্রণয়ন করিয়া একরূপ ভ্রম প্রমাদে পতিত হয়েন, তাহা হইলে তিনি কখনই পূজ্যপাদ আচার্য্য বলিয়া সাধারণে সম্মানিত হইতে পারেন না। পশ্চাৎ প্রদর্শিত হইবে, পাণিনি, স্বপ্রণীত গ্রন্থের অনেক স্থলে অনেক প্রচলিত শব্দের অপ্রচলিত অর্থের উল্লেখ করিয়া গিয়াছেন। কাত্যায়ন অঙ্গুলিকোপ পূর্ব্বক তৎসমুদয় প্রদর্শন করিয়া প্রচলিত অর্থ নির্দেশ করিয়াছেন। যিনি শব্দের অর্থ-পরিগ্রহে সমর্থ নহেন, তিনি কখনই শব্দ-শাস্ত্রের অঙ্গবিশেষ প্রণয়নে সাহসী হইতে পারে না।

এরূপ হইলে তাঁহাকে নিশ্চয়ই অপদস্থ ও হতমান হইতে হয় । পাণিনি ও কাত্যায়ন একসাময়িক হইলে লোকে কখনও পাণিনির নামোচ্চারণ করিতে চলজিহ্ব হইত না । প্রত্যুত সমুচিত ভক্তি প্রদর্শন পূর্বক কাত্যায়নকেই অনন্য সাধারণ-জ্ঞান-সম্পন্ন বলিয়া সম্মান করিত । বোধ কর, ডিথ ও ডবিথ নামে দুই জন ব্যক্তি এক সময়ে প্রাদুর্ভূত হইলেন । উভয়েই এক শাস্ত্রে মনোনিবেশ করিয়া সেই শাস্ত্র-ব্যবসায়ী হইয়া উঠেন । অবলম্বিত শাস্ত্রে উভয়েরই ব্যুৎপত্তি জন্মে । তন্মধ্যে ডিথ আপনাকে জনসমাজে সম্মানিত করিবার জন্য অধীত-শাস্ত্র সম্বন্ধে একখানি গ্রন্থ প্রণয়ন ও প্রচারিত করেন । ডবিথ দেখিলেন ডিথ প্রণীত গ্রন্থ সম্পূর্ণ ও প্রমাদ-শূন্য হয় নাই । উহাতে অনেক বিষয়ের অনুলেখ আছে । যে যে শব্দের ব্যাখ্যা করা হইয়াছে, তাহাও অনেক স্থলে অপ্রযুক্ততা ও নিহতার্থতা প্রভৃতি দোষে সমাচ্ছন্ন হইয়া রহিয়াছে । এতদ্বিবাক্তন তিনি ডিথ প্রণীত গ্রন্থের দোষ সংশোধন ও শব্দ সমূহ প্রচলিত অর্থে ব্যাখ্যা করিয়া একখানি গ্রন্থ প্রচারিত করেন । এরূপ স্থলে ভবিষ্যৎ বংশীয়ে নিকট কে অধিক প্রদ্বাদ ও ভক্তিতাজন বলিয়া পরিগৃহীত হইবেন ? ডিথ যখন ডবিথের সমসাময়িক হইয়াও স্বপ্রয়োজিত শব্দ সমূহের মথার্থ অর্থ পরিগ্রহে অসমর্থ হইলেন, তখন তিনি অবশ্যই ডবিথ অপেক্ষা নিম্ন

শ্রেনীর ও নিম্ন পদের লোক বলিয়া সাধারণ্যে স্বীকৃত হইবেন, সন্দেহ নাই। কিন্তু কাত্যায়ন ও পাণিনির সম্বন্ধে এ বিষয়ে সম্পূর্ণ বৈপরীত্য লক্ষিত হইতেছে। যদিও কোন কোন স্থলে ইদানীন্তন মতের সহিত কাত্যায়ন-কৃত পাণিনি-সমালোচনের ঐক্য দৃষ্ট হইতেছে, তথাপি কেহই মহর্ষি পাণিনির প্রাধান্য ও প্রাবীণ্যের অপহুবে সম্মত নহেন। পাণিনি যে সমস্ত সূত্র প্রণয়ন করিয়া গিয়াছেন, সমস্ত পৃথিবী অদ্যাপি বিস্ময়মিশ্র ভক্তি সহকারে তাহার গুণ গান করিতেছে। অদ্যাপি নিজ্জীব ভারত পাণিনির নিমিত্ত সমুদয় সভ্য জাতির সমীপে অতুল কীর্তিক্ষেত্র বলিয়া সম্মান ও আদর সহকারে পরিগৃহীত হইতেছে। এইরূপ বিশ্বজনীন সন্ত্রম এবং গৌরবের আশ্রয় হওয়া অণ্ড ক্ষমতা ও অণ্ড গুণের পরিচায়ক নহে। স্মরণাতীত কাল হইতে মহা-মহোপাধ্যায় পাণিনির এই উজ্জ্বিত গৌরব-স্তম্ভ অক্ষুণ্ণ-ভাবে বিরাজমান রহিয়াছে। বার্তিককারের পুনঃ পুনঃ ভীষণ আক্রমণে ও বিগতকাল-প্রসূত বিপ্লব-পরম্পরায় ইহা অক্ষুণ্ণ ও বিচলিত হয় নাই; এবং উৎপৎসমান গ্রন্থের অট্টহাস্যেও ইহার প্রাধান্য কখন অপহৃত হইবে না।

কেবল ইদানীন্তন অতিষ্ঠ সম্প্রদায়ই যে পাণিনিকে সমধিক শ্রদ্ধা ও আদর সহকারে গ্রহণ করিতেছেন, তাহা নহে। বিগতকাল-গর্ভ-নিহিত ভারত-

প্রস্তুত বৈয়াকরণ-ব্যুৎপত্তির মধ্যেও অনেকে ঋষিপুঙ্কব পাণিনির প্রতি যথোচিত শ্রদ্ধা ও ভক্তি প্রদর্শন করিয়া গিয়াছেন । ইহারা কেহ পাণিনিকে আচার্য্য কেহ বেদপুরুষ, কেহ বা ভূতভাবন ভবানীপতির অবতার বলিয়া নির্দেশ করিতেও কুণ্ঠিত হইয়েন নাই^{৪১} । সূক্ষ্ম-দর্শী পণ্ডিতগণ যখন তারস্বরে পাণিনির এইরূপ গুণগান করিয়া গিয়াছেন, তখন অবশ্যই তাঁহাকে অসাধারণ শাস্ত্রজ্ঞ ও অসাধারণ ব্যাকরণবেত্তা বলিয়া স্বীকার করিতে হইবে । পাণিনি যদি স্বপ্রণীত গ্রন্থে সূক্ষ্ম-দর্শিতার পরিচয় দিতেন, তাহা হইলে তিনি কখনই এইরূপ সম্মানের অধিকারী হইয়া সাধারণ্যে পূজিত হইতে পারিতেন না । এতদ্বারা স্পষ্ট অনুমিত হইতেছে, পাণিনি ও কাত্যায়ন এক সময়ে বিশ্ব-সংসারে অবতীর্ণ হইয়েন নাই । উভয়েই একরূপ বিভিন্ন সময়ে বর্তমান ছিলেন যে, উভয়ের আবির্ভাব-কাল-গত প্রচ-

৪১ “পশুতি হ্রাচায্যো নাকাবহুস্তাতো লোপো ভবতীতি ।”

“পশুতি হ্রাচায্যো ন ব্যঞ্জনশ্চ ঙ্গো ভবতীতি ।”

“পশুতি হ্রাচায্যোঃ স্থানিবদাদেশো ভবতীতি ।”

ডাক্তর বালান্টাইন-মুদ্রিত পাতঞ্জল মহাভাষ্যের ১৪৫, ২৪৬ ও ৬১৫ পৃষ্ঠা দেখ ।

“স্বত্রকারো মহেশ্বরঃ । বেদপুঙ্কষো বা ।”

“শিবো বেদপুঙ্কষো বাব্রাচাৰ্য্যঃ ।”

নাগোজী তট ।

লিত শব্দ সমূহ বিভিন্নার্থদ্যোতক হইয়া উঠে । এরূপ না হইলে উভয়ের নির্দিষ্ট অর্থ সমূহের এত পার্থক্য পরিদৃষ্ট হইত না ।

আচার্য্য গোল্ডফুকের পাণিনি ও কাত্যায়নের আবির্ভাব সময়ের বিভিন্নতা সমর্থন করিতে যাইয়া কএকটা যুক্তির উল্লেখ করিয়াছেন, আমরা তাহার সারবতায় বিমোহিত হইয়া এইস্থলেই যথায়থ উপন্যস্ত করিলাম :—

১ম । পাণিনির সময়ে যে সমস্ত বৈয়াকরণিক নিয়ম প্রচলিত ছিল, তাহা কাত্যায়নের সময়ে অপ্রচলিত অথবা অবিশুদ্ধ হইয়া উঠে ।

২য় । কাত্যায়নের সময়ে শব্দ সমূহ যে যে অর্থদ্যোতক ছিল, তাহা পাণিনির সময়ে অনেক রূপান্তরিত হইয়া যায় ।

২য় । পাণিনি-প্রযুক্ত শব্দার্থ সমূহ কাত্যায়নের সময়ে অপ্রচলিত ছিল ।

৪র্থ । কাত্যায়নের সময়ে যে শব্দশাস্ত্র প্রচলিত ছিল, তাহা পাণিনির সময়ে পরিজ্ঞাত ছিল না ।

গোল্ডফুকের তর্ক-শাস্ত্রানুমোদিত পথের অনুসরণ পূর্বক একটা মূল যুক্তিকেই চতুর্ধা বিতক্ত করিয়া পাঠকগণের সমক্ষে উপস্থাপিত করিয়াছেন । তাঁহার এই যুক্তি-চতুষ্টয়ের সার নিষ্কর্ষ করিলে ইহাই প্রতি-
 তিত হয় যে, পাণিনি ও কাত্যায়ন এরূপ বিভিন্ন সময়ে

বর্তমান ছিলেন যে, শব্দ শাস্ত্রের যে যে অংশ পাণিনির সময়ে প্রচলিত ছিল, তাহা কাত্যায়নের সময়ে অপ্রচলিত এবং যাহা পাণিনীয় সময়ে অপরিজ্ঞাত তাহা কাত্যায়নের সময়ে প্রচলিত হইয়া উঠে । এই যুক্তিটী সান্দ্র তিমির-গর্ভগৃহে অনতিপারিস্ফুট দীপ-শিখার ন্যায় কথঞ্চিৎ অনুসন্ধান পদার্থ নির্দেশ করিতে সক্ষম হইতেছে ; এবং যন্নিবন্ধন পাণিনির উচ্ছিন্ন গৌরব-স্তুত অন্তঃশত্রুর ভীষণ আক্রমণেও বিচলিত না হইয়া অদ্যাপি অপ্রতিহত ও অক্ষুণ্ণভাবে বিরাজমান রহিয়াছে, এই যুক্তি তাহাও সাধারণের হৃদয়ঙ্গম করিয়া দিতেছে । পাণিনি ও কাত্যায়ন সমসাময়িক হইলে কখনও এরূপ বৈসাদৃশ্য সজ্জাতিত হইত না, এবং পাণিনিও কখন সামাজিক-সমাজে ঈশ্বরানুগৃহীত ঋষি বলিয়া পরিগৃহীত ও পূজিত হইতেন না ।

গোল্ডফুকের যে যুক্তিচতুষ্টয়ের আশ্রয়গ্রাহী হইয়া তর্ক-ক্ষেত্রে অবতীর্ণ হইয়াছেন, তাহার দৃঢ়তা প্রতিপাদক অনেক উদাহরণের উল্লেখ করা যাইতে পারে । প্রস্তাবের অনুচিত পল্লবিতত্ত্ব দোষ পরিহারার্থ কতিপয় স্থল-দৃষ্টান্তসহ উহার সমালোচনে প্রবৃত্ত হওয়া যাইতেছে ।

১ম । পাণিনির সময়ে যে সমস্ত বৈয়াকরণিক নিয়ম প্রচলিত ছিল, তাহা কাত্যায়নের সময়ে অপ্রচলিত অথবা অবিশুদ্ধ হইয়া উঠে ।

পাণিনি, সপ্তম অধ্যায়স্থ প্রথম পাদে পঞ্চবিংশতি

সংখ্যক সূত্রে নির্দেশ করিয়াছেন, উতর ও উতম প্রত্যয়ান্ত, এবং অন্য, অন্যতর ও ইতর এই পঞ্চ সৰ্ব্বনাম শব্দের উতর, ক্লীবলিঙ্গে প্রথমা ও দ্বিতীয়ার এক বচনে অদ্ হইবে । যথা ; কতরদ্, কতম্দ্, অন্যদ্ ইত্যাদি । কিন্তু তিনি আবার ইহার অব্যবহিতপরবর্তী একটি বিশেষসূত্রে এই বিধান করিয়াছেন যে, কেবল বৈদিক প্রক্রিয়া স্থলেই উল্লিখিত দুই বিভক্তিতে ইতর শব্দের ক্লীবলিঙ্গে “ইতরদ্” পদের পরিবর্তে “ইতরম্” পদ নিষ্পন্ন হইবে । পাণিনি যেমন বেদোক্ত “ইতরম্” পদ সাধনার্থ একটি বিশেষ বিধির উল্লেখ করিয়াছেন, উতর প্রত্যয়ান্ত “একতর” শব্দের স্থলে সেরূপ করেন নাই । সুতরাং তাঁহার মতে (৭।১।২৫ সূত্রানুসারে) “অন্যদ্” প্রভৃতির ন্যায় “এতরদ্” পদ ও বিশুদ্ধ ও প্রচরদ্রুপ বলিয়া প্রতিপন্ন হইতেছে । কাत्याয়ন, পাণিনির এই শেবোক্ত বিশেষ-বিধির বার্তিকে ইহার সংশোধন করিয়া বলিয়াছেন যে, কি বৈদিক প্রক্রিয়া কি সাধারণ ব্যবহার্য ভাষা সর্বত্রই “একতরম্” পদ প্রচলিত হইবে ^{৪২} ।

পাণিনীয় ৮।৪।৪৫ সংখ্যক সূত্রে লিখিত আছে, অনুনাসিক বর্ণ পরে থাকিলে পদের অন্তস্থিত ক, ট,

^{৪২} ৭।১।২৫ : অদৃভুতরাদিত্যঃ পঞ্চভ্যঃ ।

৭।১।২৬ : নেতরাঙ্কন্দসি ।

বার্তিক :—ইতরাঙ্কন্দসি প্রতিষেধ একতরাং সৰ্বত্র ।

ত, প স্থানে বিকম্পে অনুনাসিক বর্ণ হয়। অর্থাৎ পদা-
স্তম্ভ উক্ত বর্ণ চতুষ্কয়, যথাক্রমে গ, ড, দ, ব তেও
পরিণত হইয়া থাকে। যথা; এতন্মুরারি, এতদ্মু-
রারি ইত্যাদি। পাণিনি যখন এই সূত্রের বিকম্পাত্ত
স্বীকার করিয়াই তুষ্ণীভাব অবলম্বন করিয়াছেন, তখন
তঁাহার মতে অনুনাসিক বর্ণাদি প্রত্যয় পরে থাকিলেও
ক, ট, ত, প স্থানে গ, ড, দ, ব হইতে পারে। কিন্তু
কাত্যায়ন ইহার প্রতিষেধ করিয়া, অনুনাসিক প্রত্যয়
স্থলে এই সূত্রের বিকম্পের পরিবর্তে নিত্যত্ব স্বীকার
করিয়াছেন। তঁাহার মতে, অনুনাসিক প্রত্যয় পরে
থাকিলে প্রচলিত ভাষায় সর্বদাই ক, ট, ত, প স্থানে
অনুনাসিক বর্ণ হইয়া থাকে। যথা; বাঙ্ঘয়, ত্ভঙ্ঘয়
ইত্যাদি। প্রস্তাবিত বিষয়ে ভাষ্যকার পতঞ্জলি
বার্ত্তিকার কাত্যায়নের সহিত ঐকমত্য অবলম্বন
করিয়াছেন^{১০}।

পাণিনি ১।২।৬ সংখ্যক সূত্রে এই নিয়ম বিধিবদ্ধ
করিয়াছেন যে, লিটে ইদ্ধ ও ভূ ধাতুর কিং সংজ্ঞা হইবে।
৬।৪।২৪ সূত্রানুসারে লিটের প্রথম পুরুষের একবচনে
এই ইদ্ধ ধাতু হইতে 'ঐবে' পদ সিদ্ধ হয়। কিন্তু পাণিনি

^{১০} ৮।৪।৪৫; যরোহুনাসিকে হুনাসিকো বা।

বার্ত্তিক :—যরোহুনাসিকে প্রত্যয়ে ভাষায়াং নিত্যবচনম্।

ভাষ্য :—যরোহুনাসিকে প্রত্যয়ে ভাষায়াং নিত্যমিতি
ব্রুক্তম্। বাঙ্ঘয়ং, ত্ভঙ্ঘয়ম্।

অন্যান্য স্থলে যেরূপ করিয়া থাকেন, এস্থলে বৈদিক ক্রিয়ার সহিত প্রস্তাবিত সূত্রের সম্বন্ধ নির্দেশ করেন নাই। কাত্যায়ন স্ববার্ত্তিকে এই ভ্রম প্রদর্শন পূর্ব্বক ইন্ধ ধাতুর ছন্দোবিষয়ত্ব ও ভূ ধাতুর বৃকের নিত্যত্ব^{৪৪} উল্লেখ করিয়া পাণিনির এই সূত্রের নিরর্থকতা প্রতিপাদন করিয়াছেন। পতঞ্জলি এস্থলেও বিশিষ্ট ধীরতা সহকারে কাত্যায়নের অনুসৃত পথ অবলম্বন করিয়াছেন^{৪৫}।

উপরে দৃষ্টান্ত স্বরূপ যে কএকটি সূত্র উল্লিখিত হইল, তাহা ইদানীন্তন বৈয়াকরণিক নিয়মের সম্যক্ বিরোধী। ইহাতে আদৌ প্রতীত হইবে, পাণিনি সাধারণরূপে ব্যাকরণ শিক্ষা করিয়া এই সূত্রগুলি প্রণয়ন করিয়াছেন। আমাদের বিদ্যালয়ের ছাত্রগণ কতিপয় মাস মাত্র সংস্কৃত শিক্ষা করিয়া যে জ্যাম উপার্জন করে,

^{৪৪} ৩।৪।১১৭ : ছন্দস্যভ্যস্তথা।

৩।৪।৮৮ : ভুবো বৃগ্‌লুঙলিটোঃ।

^{৪৫} ১।২।৬ : ইন্ধিভবতিভ্যাং চ।

বার্ত্তিক :—ইন্ধেছন্দোবিষয়ত্বাভুবো বৃকো নিত্যত্বাত্তাভ্যাং কিঞ্চনানর্থক্যং।

ভাষ্য :—ইন্ধেছন্দোবিষয়ো লিট্। ন অন্তরেণ ছন্দ ইন্ধের-
নন্তরো লিড্ লভ্যঃ। অস্মা ভাষায়াং ভবিতব্যম্। ভুবো বৃকো
নিত্যত্বান্তবতেরপি নিত্যো বৃকুতে গুণে প্রাপ্নোতি। অকৃতেশ্চপি
প্রাপ্নোতি। তাভ্যাং কিঞ্চনানর্থক্যম্। তাভ্যামিন্ধিভবতিভ্যাং
কিঞ্চনানর্থক্যম্।

পাণিনির ব্যাকরণ-বিজ্ঞতাও তদপেক্ষা উচ্চ-বিষয়াশ্রয়িনী নহে। এক্ষণে জিজ্ঞাস্য এই, আমরা পাণনিকে কি এই প্রকার বালকের ন্যায় এতই অনতিজ্ঞ ও অদূর-দর্শী বলিয়া স্থির করিব যে, তিনি ‘ঈধে’ ক্রিয়াপদের ব্যবহার প্রদর্শনে, ‘একতর’ শব্দের ক্লীবলিঙ্গ-সম্মত পদ নির্দ্ধারণে, এবং ‘বাক্’ ও ‘ময়’ এই দুই শব্দের সন্ধি সংযোজনে অসমর্থ; না ইহাই সিদ্ধান্ত করিব যে, পাণিনির সময়ে সাধারণ ভাষায় ‘ঈধে’^{৪৬} ‘একতরদ্’ প্রভৃতি বৈয়াকরণিক পদ প্রচরুপ ছিল, পরে কাত্যায়নের বার্তিক প্রণয়নকালে তাহা অপ্ৰচলিত হইয়া উঠে, এবং ইদানীন্তন সময়-সম্মত ‘বাহ্ময়’ প্রভৃতি পদের ন্যায় পাণিনির সময়ে ‘বাম্ময়’ ‘তম্ময়’ পদও বিশুদ্ধ ও প্রচলিত ছিল? যদি পাণিনির প্রাধান্য স্বীকার

^{৪৬} ঈধে পদটী বৈদিক গ্রন্থ-বিহিত। বৈদিক গ্রন্থ ব্যতিরিক্ত অন্য কোন স্থলে ইহার প্রয়োগ দৃষ্ট হয় না। প্রচলিত ভাষায় লিটে ইন্ধ ধাতুর উত্তর ‘আম্’ হইয়া ‘ইন্ধাঞ্চক্রে’ পদ সিদ্ধ হইয়া থাকে। পাণিনির সূত্রে যদিও এই ‘আম্’ ও তদুত্তর ভূ, কু, অস্ ধাতু প্রয়োগের বিধান আছে, * তথাপি তিনি যখন ‘ইন্ধ’ ধাতুর ক্ষন্দোবিষয়ত্বের প্রাপ্তিতেও অতিরিক্ত ১।২।৬ সংখ্যক সূত্র প্রণয়ন করিয়া ‘কিং’ সংজ্ঞার বিধান করিয়াছেন, তখন বোধ হয়, তদানীন্তন সময়ে ‘ইন্ধাঞ্চক্রে’ পদের ন্যায় ‘ঈধে’ পদও প্রচলিত ভাষায় ব্যবহৃত হইত।

* ৩।১।৩৬ : ইজ্যেৎস্ব কুরুমতোহুহুঃ ।

৩।১।৪০ : কৃধ্যয়প্রযুক্ত্যতে লিটী ।

করা যায়, তাহা হইলে অবশ্যই শোষণোক্ত সিদ্ধান্তকে যুক্তি ও প্রমাণ-সম্পন্ন বলিয়া বিবেচনা করিতে হইবে ।

২য় । কাত্যায়নের সময়ে শব্দ সমূহ যে যে অর্থ-জ্যোতক ছিল, তাহা পাণিনির সময়ে অনেক রূপান্তরিক হইয়া যায় ।

যখন যিনি শব্দ শাস্ত্রে সহজ বোধ সম্পাদনার্থ কোন গ্রন্থ প্রণয়ন করেন, তখন তাঁহার বিশিষ্ট সূক্ষ্মতা সহ-কারে সেই শাস্ত্রাধিকৃত শব্দ সমূহের অর্থ বিনির্ণয় করা কর্তব্য । তিনি যদি প্রচলিত শব্দ সমূহের অপ্রচলিত অর্থ নির্দেশ করেন, তাহা হইলে তৎপ্রণীত গ্রন্থ কখনই সাহিত্য সমাজে আদৃত হইতে পারে না । তবে গ্রন্থকার যদি অসাধারণ শাস্ত্রদর্শী বলিয়া সর্বত্র সম্মানিত হয়েন, তাহা হইলে ইহাই স্থির করিতে হইবে যে, পরিবর্তন-শীল সময়ের লহরী-লীলার সহিত গ্রন্থ প্রযুক্ত অর্থ সমূহও পরিবর্তিত হইয়া রূপান্তর পরিগ্রহ করিয়াছে । পাণিনীয় সূত্র সম্বন্ধে এই সিদ্ধান্তেরই সার-বত্তা লক্ষিত হইতেছে ।

পাণিনি, ৩।১।১৪৭ সংখ্যক সূত্রে আশ্চর্য্য শব্দের “অনিত্য” (যাহা সচরাচর সংঘটিত হয় না, কাদাচিৎক) অর্থ নিষ্পন্ন করিয়াছেন । কিন্তু এদিকে কাত্যায়ন স্ববার্ত্তিকে “আশ্চর্য্য” শব্দ “অদ্ভুত” অর্থ প্রতিপাদক বলিয়া নির্দেশ করিয়াছেন । পতঞ্জলি এক্রূপ স্থলেও পাণিনির পক্ষ সমর্থন করিতে ক্রটি করেন নাই । তিনি স্বীয় ভাষ্যে বার্ত্তিককার কাত্যায়নের ভ্রম প্রদর্শন

করিয়া এই মত প্রকাশ করিয়াছেন যে, কদাচিৎক
দ্রব্য মাত্রেই অদ্ভুত অর্থ দ্যোতক হইয়া থাকে । ইহার
সমর্থনার্থ এই দৃষ্টান্তগুলি প্রদর্শিত হইয়াছে । যথা ;
স্বাক্ষের কি আশ্চর্য্য উচ্চতা, আকাশের কি আশ্চর্য্য
নীলিমা, আশ্চর্য্য ! অন্তরীক্ষে নক্ষত্র সমূহ অরুদ্ধভাবে
রহিয়াছে, তথাপি উহা পতিত হইতেছে না । এস্থলে,
স্বাক্ষের উচ্চতা, আকাশের নীলিমা ও অন্তরীক্ষ হইতে
নক্ষত্র সমূহের অপতন কদাচিৎক, সূতরাং ইহা অদ্ভুত-
ত্বের পরিচায়ক হইতেছে^{৪৭} । পতঞ্জলি পাণিনির
পক্ষ সমর্থন করিতে যাইয়া যেরূপ কষ্ট কল্পনার আশ্রয়
গ্রহণ পূর্বক অনিত্যতা হইতে “অদ্ভুত” অর্থ প্রতিপন্ন
করিয়াছেন, তাহা বোধ হয় কোনও সামাজিকের হৃদয়-
গ্রাহী হইবে না । কুট তार्কিক নৈয়ায়িকগণও বোধ

^{৪৭} ৬।১।১৪৭: আশ্চর্য্যমনিত্যে ।

বার্ত্তিক :—আশ্চর্য্যমদ্ভুত ইতি বক্তব্যম্ ।

ভাষ্য :—ইহাপি যথা স্মৃৎ । আশ্চর্য্যমুচ্চতা স্বাক্ষস্ত । আশ্চর্য্যং
নীলা দ্যোঃ । আশ্চর্য্যমন্তরীক্ষে বন্ধনানি নক্ষত্রাণি ন পতন্তীতি ।
ততর্হি বক্তব্যং । ন বক্তব্যম্ । অনিত্য ইত্যেব সিদ্ধং । ইহ
তাবদাশ্চর্য্যমুচ্চতা স্বাক্ষস্তেতি । আশ্চর্য্যগ্রহণেন ন স্বাক্ষোহভি-
সম্বধ্যতে কিং তর্হীচ্চতা সা চানিত্যা । আশ্চর্য্যং নীলাদ্যোরিতি
নাশ্চর্য্যগ্রহণেন দ্যোরভিসম্বধ্যতে কিং তর্হি নীলতা সা চানিত্যা ।
আশ্চর্য্যমন্তরীক্ষে বন্ধনানি নক্ষত্রাণি ন পতন্তীতি নাশ্চর্য্যগ্রহণেন
নক্ষত্রাণ্যভিসম্বধ্যতে কিং তর্হি পতনক্রিয়া সা চানিত্যা । তত্রানিত্য
ইত্যেব সিদ্ধম্ ।

এই অপসিদ্ধান্তের প্রশংসার দানে বন্ধপারিকর হইবেন না। সমুদয় অনিত্য পদার্থ আশ্চর্য্য জনক বটে, কিন্তু সমুদয় আশ্চর্য্য জনক পদার্থ অনিত্য নহে। পতঞ্জলি প্রদর্শিত তৃতীয় উদাহরণে এই ন্যায় শাস্ত্র-সিদ্ধ সূত্রের যথার্থ্য পরিস্ফুট হইবে। অন্তরীক্ষে নক্ষত্র সমূহ অবদ্ধ-ভাবে রহিয়াছে, তথাপি উহা পতিত হইতেছে না, এস্থলে বন্ধন-শূন্য নক্ষত্র সমূহের অপতন, কাদাচিৎক নহে, তথাপি উহা আশ্চর্য্য-দ্যোতক হইতেছে।

পাণিনি, ৭। ৩। ৬৯ সংখ্যক সূত্রে “ভোজ্য” শব্দ ভক্ষ্যার্থবাচক বলিয়া নির্দেশ করিয়াছেন। কাত্যাযন স্ববার্ত্তিকে পাণিনির এই অসম্যক প্রযুক্ত অর্থের সংশোধন করিয়া উল্লেখ করিয়াছেন, ‘ভোজ্য’ শব্দ ‘অভ্যবহার্য্য’ অর্থে প্রয়োজিত হইয়া থাকে^{৪৮}। এক্ষণে যদি ‘ভোজ্য’ ও ‘ভক্ষ্য’ এই উভয় শব্দের প্রয়োগের দিকে দৃষ্টিক্ষেপ করা যায়, তাহা হইলে উভয়ের অর্থ-গত পার্থক্য বিলক্ষণ প্রতিপন্ন হইয়া উঠে। শব্দ

^{৪৮} ৭। ৩। ৬৯ : ভোজ্যং ভক্ষ্যে।

বার্ত্তিক:—ভোজ্যমভ্যবহার্য্যমিতি বক্তব্যং।

ভাষ্য:—ইহাপি যথা স্মৃৎ। ভোজ্যঃ সূপঃ। ভোজ্য্য যবাণুরিতি। কিং পুনঃ কারণং ন সিধ্যতি। ভক্ষিরয়ং ধরবিশদে (কঠিন ঋত্বে) বর্ত্ততে তেন ত্রবে ন প্রাপ্নোতি। নাবস্মৃৎ ভক্ষিঃ ধরবিশদে বর্ত্ততে কিং তর্হ্যত্রাপি বর্ত্ততে। উদযথা। অত্রক্ষো বায়ুভক্ষ ইতি।

শাস্ত্রের প্রয়োগানুসারে ‘ভোজ্য’ ও ‘অভ্যবহার্য্য’ শব্দ ভোগোপযোগী পদার্থের দ্যোতক । ইহা চর্ক্য, চুষ্য, লেহ্য, পেয় প্রভৃতি তরল ও সজ্জাত-কঠিন উভয়বিধ দ্রব্যই নির্দেশ করিয়া থাকে । পক্ষান্তরে ‘ভক্ষ্য’ শব্দ কেবল কঠিন খাদ্যের নির্দেশক । সুতরাং স্পষ্ট প্রতীত হইতেছে পাণিনি ‘ভোজ্য’ শব্দের যে অর্থ নির্দেশ করিয়াছেন, তাহার সহিত ইদানীন্তর মতের ঐক্য দৃষ্ট হইতেছে না । পাণিনি কি এত অনভিজ্ঞ ছিলেন যে, একজন সামান্য লোকে যে শব্দ যথাবৎ অর্থে প্রয়োগ করিতে পারে, তিনি তাহারই অপপ্রয়োগ দ্বারা স্থায়ী গ্রন্থ দোষাঘাত করিয়া গিয়াছেন ? যিনি ব্যাকরণ বিজ্ঞতা প্রভাবে বিশ্ব-জনীন খ্যাতি লাভ করিয়াছেন, তাঁহার পক্ষে কি এইরূপ অনভিজ্ঞতাজনিত প্রমাদ সম্ভাবিত হইতে পারে ? অন্যান্যস্থলে যে রূপ হইয়া থাকে, পতঞ্জলি এস্থলেও পাণিনির পক্ষ অবলম্বন পূর্বক কাত্যায়নকে আক্রমণ করিয়াছেন । তিনি “অব্তক” ও “বায়ুতক” এই দুটি উদাহরণ প্রদর্শন করিয়া বলিয়াছেন, ‘ভক্ষ্য’ শব্দ ‘অভ্যবহার্য্য’ তরল পদার্থ প্রতিপাদকও হইয়া থাকে । কিন্তু পতঞ্জলি প্রদর্শিত এই শব্দদ্বয় বৈদিক গ্রন্থেই পরিদৃষ্ট হইয়া থাকে । ইহা বেদ-বিহিত অনশনের প্রকারভেদ মাত্র ৪২ ।

৪২ “এতে মৈবাতিকৃষ্ণে ব্যাখ্যাতো যাবৎ সঙ্কদাদদীত তাব-
দমীয়াৎ । অব্তক স্তূতীয়ঃ স কৃষ্ণাতিকৃষ্ণঃ ।”

পতঞ্জলি স্বীয় ভাষ্যাবতারণিকার এক স্থলে পয়ঃ প্রভৃতি তরল পদার্থকে যে “অভ্যবহার্য্য” বলিয়া নির্দেশ করিয়াছেন, তাহাই সর্ববাদি-সম্মত ৩০ ।

যাহা হউক; উল্লিখিত দৃষ্টান্ত দ্বয় দ্বারা স্পষ্ট অনু-মিত হইতেছে যে, পাণিনির সময়ে “আশ্চর্য্য” ও ‘ভোজ্য’ শব্দ যথাক্রমে ‘অনিত্য’ ও ‘ভক্ষ্যার্থ’ প্রতিপাদক ছিল। পরে কাত্যায়নের সময়ে উহা পরিবর্তিত হইয়া ‘অদ্রুত’ এবং ‘অভ্যবহার্য্য’ অর্থ দ্যোতক হইয়া উঠিয়াছে।

৩১। পাণিনি-প্রযুক্ত শব্দার্থ সমূহ কাত্যায়নের সময়ে অপ্রচলিত ছিল।

কাত্যায়ন শব্দ সমূহের যে যে অর্থ নির্দেশ করিয়া

“এই কুচ্ছত্রত বর্ণনেই অতি কুচ্ছ বর্ণিত হইয়াছে। ইহাতে একমাত্র ভোজন বিষয়ে বিশেষ নিয়ম এই, যত পরিমাণে অন্ন এক বারে গ্রহণ করিবে, তাহাই আহার করিবে। তৃতীয়টী অত্রক। জল মাত্র পান করিয়া সম্পাদন করিতে হয়। এই তৃতীয়টী কুচ্ছাতিকুচ্ছ নামে প্রসিদ্ধ।”

পণ্ডিত সত্যব্রত সামগ্রমি-প্রকাশিত সামবিধান ব্রাহ্মণের ১৪ পৃষ্ঠা দেখ।

৩০ ‘বেদে খল্বপি পরোব্রতো ব্রাহ্মণঃ। যবায়ুব্রতো রাজতঃ। আমিক্ষাব্রতো বৈশ্ব ইত্যুচ্যতে। ব্রতংচ নামাভ্যবহার্য্যমুপাসীন্নতৌ’ কৈয়টঃ—‘পর এব ব্রতয়তি।’

নাগোজীভট্টঃ—‘ব্রতয়তি। অভ্যবহার্য্যে নোপাদত্ত ইত্যর্থঃ।’

গোল্ডস্ট্রুকের প্রকাশিত সংস্কৃত ইংরেজী অভিধানের ৩১০ ও ৩১১ পৃষ্ঠা দেখ।

গিয়াছেন, তৎসমুদয়ের সহিত শব্দশাস্ত্র-নির্দিষ্ট অর্থের বিলক্ষণ সামঞ্জস্য লক্ষিত হয় । এই সমস্ত অর্থ অবগত হইতে হইলে কোন বিশেষ বিধি পরিজ্ঞানের আবশ্যকতা উপস্থিত হয় না । কিন্তু পাণিনির অর্থ ইহার বিপরীত লক্ষণাক্রান্ত । পাণিনি স্বীয় সূত্রে অধিকাংশ শব্দের যে যে অর্থ নির্দেশ করিয়া গিয়াছেন, ইদানীন্তন সাহিত্য গ্রন্থে প্রায় সেই শব্দ ও শব্দার্থ সমূহের প্রয়োগ দৃষ্ট হয় না । উদাহরণ স্থলে প্রত্যবসান (১।৪।৫২; ৩।৪।৭৬, ভোজন), উপসংবাদ (৩।৪।৮, পণবন্ধ, শপথ করণ), ঋষি (৪।৪।৯৬, বেদ), উৎসঙ্গন (১।৩।৩৬, উর্দ্ধে ক্ষেপণ), স্বকরণ (১।৩।৫৬, স্বীকার, বিবাহ), হোত্রা (৫।১।১৩৫ ঋত্বিক), উপাজেক্রু অন্বাজেক্রু (১।৪।৭৩, বলাধান), নিবচনেক্রু, (১।৪।৭৬, বচনাতাব, মৌন), কণেহন এবং মনোহন, (১।৪।৬৬, শ্রদ্ধাপ্রতিঘাত, অর্থাৎ আত্যন্তিক বাসনার তৃপ্তি), প্রভৃতি শব্দ নির্দেশ করা যাইতে পারে । এই শব্দার্থ সমূহ ইদানীন্তন সাহিত্য গ্রন্থে প্রায়ই প্রচলিত নাই^{১১} ।

^{১১} বাহুল্য বোধে সূত্রগুলি উল্লিখিত হইল না । মহাদয় পাঠকবর্গ নির্দেশানুসারে তৎসমুদয় দেখিয়া লইবেন । পরন্তু এস্থলে ইহাও বক্তব্য যে, সংস্কৃত কোষ ও ভট্টিকাব্যে ইহার অধিকাংশ শব্দের নির্দেশ আছে । কোষকারগণ অবশ্যই পাণিনি প্রভৃতি হইতে এই শব্দগুলির সংকলন ও অর্থ নির্দেশ করিয়াছেন । কেবল, বৈয়াকরণ প্রয়োগের বৈচিত্র্যপ্রদর্শনার্থই ভট্টিকাব্য

৪র্থ । কাত্যায়নের সময়ে যে শব্দশাস্ত্র প্রচলিত ছিল, তাহা পাণিনির সময়ে পরিজ্ঞাত ছিল না ।

যিনি যে সম্প্রদায়-মান্য শাস্ত্র সমূহে প্রাচীণ্য লাভ করিয়া কোন গ্রন্থ প্রণয়ন করেন, তৎপ্রণীত গ্রন্থে সেই সম্প্রদায়গত শাস্ত্র সমূহেরই অধিক বিবরণ প্রাপ্তির প্রত্যাশা করা যাইতে পারে । গ্রন্থকার যদি প্রয়োগ-স্থলেও স্বম্প্রদায়ের আদ্বৈত কোন শাস্ত্রের উল্লেখ না করেন, তাহা হইলে, তাঁহাকে হয় অনভিজ্ঞ, নয় সেই শাস্ত্রের পূর্ব সাময়িক বলিয়া স্বীকার করিতে হইবে । পাণিনি ব্রাহ্মণ্য সম্প্রদায়ের গ্রন্থকার । পুরাণ-প্রোক্ত ঋষিগণ যেরূপ এই সম্প্রদায়ের সম্মান ও শ্রদ্ধাস্পদ, পাণিনিও সেইরূপ সম্মান ও শ্রদ্ধার অধিকারী । তাঁহার প্রণীত গ্রন্থ কেবল কতকগুলি বৈয়াকরণ পদ-নির্ণায়ক সূত্র সংগ্রহ নয় । ইহাতে প্রগল্ভ-সঙ্গতিক্রমে ব্রাহ্মণ্য সম্প্রদায়গত অনেক বিষয় সন্নিবদ্ধ হইয়াছে । সুতরাং আমরা পাণিনি হইতে ব্রাহ্মণ্য সম্প্রদায়ের অনেক নিগূঢ় তত্ত্ব অবগত হইতে পারি । পাণিনি যদি স্বম্প্রদায়-মান্য কোন বিষয়ের অনুল্লেখ করেন, তাহা হইলে আমাদেরই হইতে সিদ্ধান্ত করিতে হইবে যে, পাণিনির সময়ে সেই বিষয়ের অস্তিত্ব ছিল না । পাণিনি যেরূপ প্রাচীণ্য সহকারে বৈয়াকরণ সূত্র সমূহ নির্দেশ

বিবচিত্ত হইয়াছে । সুতরাং উহাতে যে পাণিনি-প্রযুক্ত শব্দার্থের নির্দেশ থাকিবে, তাহা আশ্চর্যের নহে ।

করিয়া গিয়াছেন, তাহাতে তিনি যে স্বসময়াধিকৃত শব্দ শাস্ত্রে অনভিজ্ঞ ছিলেন, এরূপ বিশ্বাস করা যাইতে পারে না ।

আমরা এবিষয়ের উদাহরণ প্রদর্শনে প্রবৃত্ত হইয়া সর্ব প্রথমে “আরণ্যক” শব্দের উল্লেখ করিতেছি । পাণিনি, ৪ । ২ । ১২৯ সংখ্যক সূত্রে “আরণ্যক” শব্দ অরণ্যবাসি-মনুষ্য প্রতিপাদক বলিয়া নির্দেশ করিয়াছেন । “আরণ্যক” শব্দ যে এই অর্থে প্রয়োজিত হইয়া থাকে, ইহা সর্বথা স্বীকার্য্য ৫২ । কেবল অরণ্যবাসী মনুষ্য নয়, অরণ্যেচর হস্তী, অরণ্য-প্রসূত পথ প্রভৃতি অর্থেও আরণ্যক শব্দ ব্যবহৃত হইয়া থাকে । কিন্তু এসকল অপেক্ষাও ইহার অন্য একটা গুরুতর অর্থ আছে । সচরাচর পাণ্ডিত সমাজে অরণ্য-গীত বেদ-সংহিতার অধ্যায় বিশেষ “আরণ্যক” অর্থে অভিহিত হইয়া থাকে ৫৩ । কোন অভিজ্ঞ খ্রীষ্ট ধর্ম্মাবল-

৫২ প্রচলিত সাহিত্য গ্রন্থে ইহার স্পষ্ট নির্দেশ আছে । যথা রঘুবংশে :—

“আরণ্যকোপাত-ফল-প্রসূতিঃ ।”

৫৩ “শাস্ত্রেচারণ্যকে গুরুঃ ।”

মহাভারত । উদ্যোগ পর্ব । ১৭৪ অ ।

“অরণ্যাদ্যয়নাদেতদারণ্যকমিতিৰ্থতে । অরণ্যে তদ-দীপ্যতেত্যেবং বাক্য প্রচক্ষ্যতে ॥”

“এতদারণ্যকং সর্বং নাত্রতী শ্রোতুমৰ্থতি ।”

সায়নাচার্য্য ।

স্বীয় নিকট “বাইবল” শব্দের অর্থ জিজ্ঞাসা হইল তিনি কখনও অগ্রে উহার ব্যুৎপত্তিগত অর্থের উল্লেখ করিবেন না। “বাইবল” শব্দ উচ্চারণ করিলেই প্রথমে স্বজাতির সম্মানিত ধর্ম গ্রন্থের নির্দেশ করিয়া পরে শব্দের ব্যুৎপত্তির অনুসরণ পূর্বক “পুস্তকের” উল্লেখ করিবেন। এইরূপ কোন শাস্ত্রাভিজ্ঞ হিন্দুকে আরণ্যক শব্দের অর্থ জিজ্ঞাসা করিলে, তিনি অবশ্যই প্রথমে স্বসম্প্রদায়-মান্য পবিত্র বেদাধ্যায়ের উল্লেখ করিয়া পরে অরণ্যবাসী মনুষ্য প্রভৃতির নির্দেশ করিবেন। কিন্তু পাণিনি একজন বেদমান্য ঋষি ও প্রগাঢ় শাস্ত্র-বিশারদ পণ্ডিত হইয়াও আরণ্যক শব্দে কেবল অরণ্যবাসী মনুষ্যের উল্লেখ করিয়াই তুষ্ণীভাব অবলম্বন করিয়াছেন। কাত্যায়ন আরণ্যক শব্দের বেদাধ্যায়-বাচক অর্থ অবগত ছিলেন, সুতরাং তিনি যে স্ববার্ত্তিকে পাণিনীয় সূত্রের সংশোধন করিবেন তাহা আশ্চর্য্যের নহে। পতঞ্জলিও কাত্যায়নের এই মতের পোষকতা করিয়াছেন। যাহা হউক, এতদ্বারা কি প্রতিপন্ন হইতেছে? পাণিনি একজন প্রগাঢ় শাস্ত্রদর্শী হইয়াও যখন ‘আরণ্যক’ অর্থে কেবল অরণ্যবাসী মনুষ্য নির্দেশ করিয়াছেন, তখন তদানীন্তন সময়ে

“সামধন্যাহুগ্ভজুযী নাদীরীত কদাচন।

বেদস্তাদীত্য বাপ্যন্তমারণ্যকমধীত্য চ ॥”

মনুসংহিতা। ৪। ১২৩।

বেদের অধ্যায় বিশেষ আরণ্যক অর্থে অভিহিত হইত না, তাহাই কি সম্ভাবিত নয়? যদি এরূপ হইল, তাহা হইলে পাণিনির সময়ে ‘আরণ্যক’ অধ্যায় প্রণীত ও গীত হইয়াছিল, তাহা কিরূপে প্রমিত হইতে পারে, এবং পাণিনি ও কাত্যায়নই বা কিরূপে সমসাময়িক বলিয়া প্রতিপন্ন হইতে পারেন? ^{৪৪} ?

পাণিনির ২।৪।৪, ৬।১।১১৭, ৭।৪।৩৮ প্রভৃতি সূত্রে প্রতিপন্ন হইতেছে, তিনি যজুর্বেদের বিষয় অবগত ছিলেন। কিন্তু কৃষ্ণ যজুর্বেদীয় তৈত্তিরীয় সংহিতা কি শুক্ল যজুর্বেদের রাজসনেয়ী সংহিতা তাঁহার পরিজ্ঞাত ছিল, এই সম্বন্ধে সূত্রে তাহার কোন নির্দেশ নাই। ৪।৩।১০২ সংখ্যক সূত্রে তিতির শব্দোদ্ভূত ‘তৈত্তিরীয়’ পদ-সাধন-প্রণালীর স্পষ্ট উল্লেখ থাকাতে বোধ হইতেছে, পাণিনি কৃষ্ণ যজুর্বেদ অবগত ছিলেন। শাস্ত্রবিৎ পণ্ডিতদিগের মতে কৃষ্ণ যজু-

^{৪৪} ৪।২।১২৯ : অরণ্যামনুষ্যে ।

পতঞ্জলি :—অত্যাশ্চর্যমিদমুচ্যতে মনুষ্য ইতি ।

কাত্যায়ন :—পাখ্যাদ্যায়ত্নায়-বিহার-মনুষ্য-হস্তিস্থিতি বক্তব্যম্ ।

পতঞ্জলি :—আরণ্যকঃ পশুঃ । আরণ্যকোহধ্যায়ঃ । আরণ্যকো ত্রায়ঃ । আরণ্যকো বিহারঃ । আরণ্যকো মনুষ্যঃ । আরণ্যকো হস্তী ।

কাত্যায়ন :—বা গোময়েষু ।

পতঞ্জলি :—বা গোময়েষ্বিতি বক্তব্যম্ । আরণ্যকো গোময়াঃ । আরণ্যকো গোময়াঃ ।

কৈদীয় তৈত্তিরীয় ঔখ্য প্রভৃতি শাখা শুরু যজু-
কৈদেবের বাজসনেয়ী জাবালী প্রভৃতি শাখা “ অপেক্ষা
প্রাচীন ” ১ । এক্ষণে পাণিনি এই শেবোক্ত বেদ-
সংহিতার বিষয় অবগত ছিলেন কি না তাহার মীমাংসা
করা কর্তব্য । পাণিনি ও কাত্যায়নের সময় নিরূপণ,
এই মীমাংসার উপর সম্যক্ নির্ভর করিতেছে ।

“ ঔখ্য, আপস্তম্বী, বোধায়নী, সত্যযাটী, হিরণ্যকেশী,
ঔষেয়া (বা ঔষেয়া) এই ছয়শাখা তৈত্তিরীয় বলিয়া প্রসিদ্ধ । ইহা
রুক্ষ যজুর্বেদের অন্তর্গত ।

জাবালী, কাণী, মাধ্যন্ধিনী, শাপীয়া, তাপনীয়া, কাপালী,
পোণ্ড্রবৎসী, আবটিকী, পামাবটিকী, (বা পরমাবটিকী) পারাশ-
রীয়া, বৈধেয়া, বৈনেয়া, উষেয়া, গালবী, বৈজবী, ও কাত্যায়নীয়া
এই ষোড়শ শাখা বাজসনেয়ী সংহিতা বলিয়া প্রসিদ্ধ । ইহা
শুরু যজুর্বেদের অন্তর্ভূত ।

ঐমত্যব্রত সামগ্রমি-প্রকাশিত শুরু যজুর্বেদ সংহিতা : ১ম খণ্ড ।
ভূমিকার ৬ পৃষ্ঠা দেখ ।

টীকাকারদিগের মতে, হোতৃ ও অধ্বরুর মন্ত্র প্রভৃতির পরস্পর
মিশ্রণহেতু দুর্বোধ্যতা জন্ম প্রথমোক্তকে রুক্ষযজুঃ (রুক্ষ, অর্থাৎ
অন্ধকারাচ্ছন্ন, স্বরূপবোধ-ব্যাপার-শূন্য) এবং মন্ত্র ও ব্রাহ্মণের
অমিশ্রণ হেতু সুবোধতাজন্ম দ্বিতীয়োক্তকে শুরু যজুঃ (শুরু অর্থাৎ
বিশুদ্ধ, স্বরূপবোধ-ব্যাপার-বিশিষ্ট) । যথা ; “বিজ্ঞারণ্য ঐপা-
দৈব্যাখ্যা তত্ত্বেনাধ্ববৎ কচিদ্ধোত্রং কচিদিত্যব্যবহুয়া বুদ্ধিমালিনস্ত-
হেতুভাভদ্ যজুঃ রুক্ষমীর্ষ্যতে ।” রামরুক্ষ ।

‘শুক্লানি যজুংষীতি । শুক্লানি যদা ব্রাহ্মণেনামিঞ্জিত-
মন্ত্রাণ্যকানি ॥’ দ্বিবেদগঙ্গ ।

“ Muller's Hist. An. San. Lit P P. 174, note 1, 334.

পাণিনির ৪।৩।১০৬ সংখ্যক সূত্রোক্ত শৌনকা-
দিগণের মধ্যে বাজসনেয়ের নির্দেশ আছে “। কিন্তু
কোনও মূল সূত্রে ইহার উল্লেখ দৃষ্ট হয় না। বিশে-
ষতঃ যে পুরাণ-প্রজ্ঞ ঋষিকে শাস্ত্রকারগণ শুক্ল যজুর্বে-
দীয় সংহিতা ও ব্রাহ্মণভাগের সংগ্রহ কর্তা বলিয়া
নির্দেশ করেন, সেই যাজ্ঞবল্ক্যের নামও পাণিনীয়
সূত্রে দৃষ্ট হয় না “। যাজ্ঞবল্ক্য, পূর্বোক্ত বাজসনে-

“অধ্যাপক বেবেরের মতে এই সকল গণ-বিহিত নাম নির্দেশ
পাণিনি-কৃত নহে। বস্তুতঃ পরবর্তী বিভিন্ন সময়ে এই সকল গণ
সঙ্কলিত হইয়াছে। আচার্য্য গোল্ডস্টুকরও এই মতের পোষকতা
করিয়াছেন। Vide Goldstücker's Pāṇini P. 131, note 154.

“প্রথিত আছে, যাজ্ঞবল্ক্য সূর্য্যের আরাধনা করিয়া তাঁহা
হইতে যজুর্বেদ প্রাপ্ত করেনঃ—“শুক্লানি যজুংষি ভগবান্ যাজ্ঞ-
বল্ক্যো যতঃ প্রাপ তং বিবস্বন্তঃ।” কাত্যায়ন-অনুক্রমণী।

“আদিত্যানীমানি শুক্লানি যজুংষি বাজসনেয়েন যাজ্ঞবল্ক্যো-
নাধ্যায়ন্তে।”

শতপথ ব্রাহ্মণ।

এতদ্বিবয়ক কিম্বদন্তীটি এই :—বাস-শিষ্য বৈশম্পায়ন যাজ্ঞ-
বল্ক্যাদি শিষ্যাগণকে যজুর্বেদের শিক্ষা দেন। একদা বৈশম্পা-
য়ন মহর্বিগণ কর্তৃক অভিশপ্ত হইয়া স্বীয় ভাগিনেয়কে পদাঘাতে
বিনষ্ট করেন, এবং এই ব্রহ্ম হত্যা-জনিত পাপের প্রায়শ্চিত্ত জন্ত
ব্রতানুষ্ঠান করিতে শিষ্যদিগকে আদেশ দেন। শুক্ল এই আদেশে
যাজ্ঞবল্ক্য কহিলেন, “ভগবন্ ! এই সকল ব্রাহ্মণ তাদৃশ তেজস্বী
নহেন, ইহাদিগকে রুধা ক্রেশ দিবার আবশ্যকতা নাই। আমিই
একাকী এই ব্রতচরণ করিব।” বৈশম্পায়ন যাজ্ঞবল্ক্যের এই
আম্পর্ক দর্শনে ক্রুদ্ধ হইয়া কহিলেন “ব্রাহ্মণাবমাননাকারিন্ !
আমাদ্ নিকট যাছা অধ্যয়ন করিরাছ, সমুদয় পরিত্যাগ কর।”

য়ের ন্যায় ৪।১।১০৫ ও ৪।২।১১১ সংখ্যক সূত্রে গর্গাদি গণের মধ্যে উক্ত হইয়াছেন। পক্ষান্তরে ৪।৩।১০২ সংখ্যক সূত্রে তৈত্তিরীর পদ সাধনের উপায় স্পষ্ট প্রদর্শিত হইয়াছে। ইহাতে পাণিনির বাজসনেয়ী সংহিতার পরিজ্ঞান বিষয়ে বিলক্ষণ সন্দিহান হইতে হয়।

পাণিনির বাজসনেয়ী সংহিতা-জ্ঞান-বিষয়ক বিচার,

যাজ্ঞবল্ক্য গুরু কর্তৃক এইরূপ অভিহিত হইয়া যোগ সামর্থ্যে অধীত-বিদ্যাকে মূর্তিমতী করিয়া বমন করিলেন। তদনন্তর বৈশম্পায়ন অত্র শিষ্যদিগকে কহিলেন, যাজ্ঞবল্ক্য যে যজ্ঞঃ বমন করিয়াছেন, তাহা তোমরা গ্রহণ কর। শিষ্যগণ গুরুর আদেশে তিত্তির পক্ষীর রূপ ধারণ করিয়া সেই বাস্তু যজ্ঞঃ ভোজন করিলেন, এই জন্ত এই বেদ-শাখা তৈত্তিরীয় নামে বিখ্যাত হইল। এদিকে যাজ্ঞবল্ক্য যজ্ঞঃ বমন করিয়া দুঃখিত অন্তঃকরণে সূর্যের আরাধনায় প্ররক্ত হইলেন, এবং পরিশেষে তাহা হইতে যজ্ঞর্বেদ লাভ করিলেন। তথাহি ;

“স্বশ্রীয়ং বালকঃ সোহথ পদাস্পৃশ্তমমাতরং ॥

শিষ্যানাহ চ ভোঃ শিষ্যাঃ ! ব্রহ্মহত্যাপহং ব্রতম্ ।

* চরধ্বং মংকতে সর্কে ন বিচার্যামিদং তথা ॥

অপাহ যাজ্ঞবল্ক্যস্তং কিমেত্তির্ভগবন্ ! দ্বিজৈঃ ।

ক্ৰৈশিতৈরপ্পতেজোভিশ্চরিষ্যেহমিদং ব্রতম্ ॥

ততঃ ক্রুদ্ধো গুরুঃ প্রাহ যাজ্ঞল্ক্যং মহামতিঃ ।

মুচ্যতাং যৎ ভ্রামাধীতং মত্তো বিপ্রাবমত্তক ! ॥

* * * * *

ইত্যানু কথিতানি সরূপানি যজ্ঞংবি সঃ ।

হৃদগিত্বা দদৌ তস্মৈ যযৌ চ শ্বেচ্ছয়া মুনিঃ ॥

প্রকারান্তরে তাঁহার শতপথ ব্রাহ্মণ-পরিজ্ঞান-বিষয়ক বিচারের সহিত তুল্যাবয়বী হইতেছে । এক্ষণে যদি এই শতপথ ব্রাহ্মণের দিকে মনোযোগ বিধান করা যায়, তাহা হইলে, উহাও পূর্বোক্ত বাজসনেয় ও যাজ্ঞবল্ক্যের দশানুসারী হইয়া উঠে । পাণিনির ৫। ৩। ১০০ সংখ্যক সূত্রোক্ত দেবপথাদিগণের মধ্যে শতপথের নাম নির্দেশ আছে ; কিন্তু প্রকৃষ্ট পদ্ধতি ক্রমে কোনও মূল সূত্রে উহার উল্লেখ নাই ।

পাণিনীয় ৪। ৩। ১০৫ সংখ্যক সূত্রে উল্লিখিত হইয়াছে যে, প্রাচীন ঋষিগণ-প্রোক্ত ব্রাহ্মণ ও কাম্প-শাস্ত্র বুঝাইতে সেই ঋষিগণের উত্তর গিনি প্রত্যয় হয় । যথা ; শাটায়ন-প্রোক্ত ব্রাহ্মণ শাটায়নী, তল্লু-প্রোক্ত

যজুংযাথ বিন্ধ্যফানি যাজ্ঞদল্ক্যান বৈ দ্বিজাং ।

জঘৃহুস্তিত্তিরা ভূত্বা তৈত্তিরীয়াস্ত তে ততঃ ॥

* * * * *

যাজ্ঞবল্ক্যাহপি মৈত্রেয় ! প্রাণারামপরায়ণঃ ।

তুষ্ঠাব প্রযতঃ স্বর্বাং যজুংযাভিলষন্ততঃ ॥

* * * * *

এবমুক্তো দদৌ তস্মৈ যজুংযি ভগবান্ রবিঃ ।

অযাতযামসংজ্ঞানি যানি বেত্তি ন তদ্যুকঃ ॥”

বিকল্পপুৰাণ । তৃতীয়ঃশঃ । ৫ম অধ্যায়ঃ ।

Compare Muller's An. San. Lit. P. 174, note, and An. Res. Vol. VIII. or Colebrooke's Misc. Essays. Vol. I. P. 13-14 (Cowell's Edition.)

ব্রাহ্মণ ভাষ্যবী, পিঙ্গ-প্রোক্ত কণ্প পৈঙ্গী ইত্যাদি ৩৩ ।
 কাত্যায়ন এই সূত্রের বার্তিক স্থলে যাজ্ঞবল্ক্যাদির
 উত্তর এই গিনি প্রত্যয়ের প্রতিবেদ করিয়াছেন । তাহার
 মতে তুল্যকালত্ব হেতু যাজ্ঞবল্ক্য প্রভৃতির উত্তর উক্ত
 প্রত্যয় হইবে না । যথা ; ‘যাজ্ঞবল্কানি ব্রাহ্মণানি’
 (যাজ্ঞবল্ক-প্রোক্ত ব্রাহ্মণ, যাজ্ঞবল্ক)। এস্থলে যাজ্ঞবল্ক্য
 প্রোক্ত ব্রাহ্মণ অর্থে যাজ্ঞবল্ক্যের উত্তর গিনি না হইয়া
 অণ্ প্রত্যয় হইল । পতঞ্জলিও এই মতানুসারী হইয়া
 কাত্যায়নের পোষকতা করিয়াছেন ৩৪ । এক্ষণে এই
 যাজ্ঞবল্ক্য-প্রোক্ত ব্রাহ্মণ, কোন্ ব্রাহ্মণের নির্দেশ-বাচি
 এবং কাত্যায়ন নির্দিষ্ট সমকালত্ব কোন্ কালান্তর,
 তাহার সিদ্ধান্ত করা কর্তব্য । এই সিদ্ধান্তই এক্ষণে
 অভীষ্ট পথাবলম্বন বিষয়ে আমাদিগের নেতা হইতেছে ।

৩৩ বলা বাহুল্য, এই দৃষ্টান্তগুলি সিদ্ধান্তকোমুদী হইতে
 আহৃত । পাণিনির সহিত ইহার কোন সংশ্রব নাই । পরন্তু
 সঙ্কটে এ গুলি সর্বদাই বহুবচনান্তরূপে ব্যবহৃত হইয়া থাকে ।
 যথা ; শাট্টায়নিনঃ, ভাষ্যবিনঃ ইত্যাদি ।

৩৪ ১৩ । ১০৫ : পুরাণপ্রোক্তেষু ব্রাহ্মণ-কণ্পেষু ।

বার্তিক :—পুরাণপ্রোক্তেষু ব্রাহ্মণকণ্পেষু যাজ্ঞবল্ক্যাদিত্যাঃ
 প্রতিবেদ তুল্যকালত্বাৎ ।

ভাষ্য :—পুরাণপ্রোক্তেষু যাজ্ঞবল্ক্যাদিত্যাঃ প্রতিবে-
 দো বক্তব্যঃ । যাজ্ঞবল্কানি ব্রাহ্মণানি । সৌলভানীতি । কিংকারণং ।
 তুল্যকালত্বাৎ এতাষাপি তুল্যকালানীতি ।

কৈরট (কৈষাট) :—তুল্যকালত্বাদিত্যি । শাট্টায়নাদিপ্রোক্তৈ-
 ব্রাহ্মণৈরেককালত্বাদিত্যর্থঃ ।

অধ্যাপক বেবের, স্বপ্রণীত ‘ভারতবর্ষীয় পাঠ’ নামক পুস্তকে উল্লেখ করিয়াছেন, কাত্যায়ন-নির্দিষ্ট যাজ্ঞবল্ক্য ৬^১ (যাজ্ঞবল্ক্য-প্রোক্ত ব্রাহ্মণ) সম্ভবতঃ শতপথ ব্রাহ্মণেরই দ্যোতক ৬^২। কিন্তু এই আত্ম-প্রত্যয় তাঁহাকে নিঃসন্দিগ্ধ করিতে পারে নাই। পুস্তকের অন্যস্থলে প্রস্তাবিত বিষয় প্রসঙ্গে তিনি লিখিয়াছেন, ‘যাজ্ঞবল্ক্য’ কেবল যাজ্ঞবল্ক্য-বিরচিত ব্রাহ্মণ বাচক নহে, যাজ্ঞবল্ক্য-প্রোক্ত আরণ্যক আদির ৬^৩ ও দ্যোতক ৬^৪। বেবেরের এই লিখন-ভঙ্গীতে বোধ হইতেছে, তাঁহার সিদ্ধান্ত সংশয়-দোলায় অধিক্রুত হইয়া পর্য্যায়ক্রমে পক্ষ-দ্বিতয়াবলম্বী হইয়া উঠিতেছে। যাহা হউক, আমরা এই অমূলক সন্দেহে আস্থাবান্ না হইয়া, বেবেরের প্রথম পক্ষেরই সমর্থন করিতেছি। কোন বিষয়ে একটি বিশেষ বিধি প্রদত্ত হইলে সেই বিধিটি তদ্বিষয়াশ্রয়ীই হইয়া থাকে। তাহা আর বিষয়াস্তরে উপগত হয় না। যদি দর্শনশাস্ত্র-সংক্রান্ত কোন সূত্রে একটি

৬^১ অধ্যাপক বেবের এস্থলে “যাজ্ঞবল্ক্য” লিখিয়াছেন। এটি তাঁহার সম্পূর্ণ ভ্রম। “যাজ্ঞবল্ক্য”ইবিশুদ্ধ পদ। ৬।৪। ১৫১ স্বত্রানুসারে ছলের পরছ বকারের লোপ হইবে।

৬^২ “Indische Studien. Vol. I. P. 57, note.

৬^৩ শতপথ ব্রাহ্মণের শেষ অধ্যায়স্থ বৃহদারণ্যকের অংশ বিশেষ “যাজ্ঞবল্কীয় কাণ্ড” নামে প্রসিদ্ধ। Müller’s An. San. Lit. P. 354.

৬^৪ Indische Studien. Vol. II. P. 393.

বিশেষ বিধি করা যায়, তাহা হইলে তাহা সেই দর্শন শাস্ত্রগত বিষয়কেই শৃঙ্খলাক্লষ্ট করিবে ; দর্শন ব্যতিরিক্ত গণিত শাস্ত্রাদিতে তাহার কার্য্য হইবে না। এইরূপ কাত্যায়ন যখন কেবল বেদসংহিতার ব্রাহ্মণ অর্থে বিশেষ সূত্র করিয়া গিয়াছেন, তখন উহা কেবল ব্রাহ্মণ ভাগেরই নির্দেশ করিতেছে, ব্রাহ্মণ ব্যতীত মন্ত্র কিম্বা আরণ্যকাদির প্রদর্শক হইতেছে না। সূত্ররাং স্পষ্ট প্রতিপন্ন হইতেছে যে, যাজ্ঞবল্ক্য-প্রোক্ত ব্রাহ্মণ শতপথ ব্রাহ্মণেরই নির্দেশ-বাচক, অন্য কোন বিষয়ের দ্যোতক নহে ।

এক্ষণে কাত্যায়ন-নির্দিষ্ট সমকালত্ব কোন সময়ের প্রতিপাদক, তাহার বিচারে প্রবৃত্ত হওয়া যাইতেছে। ভট্ট মোক্ষমূলরের মতে ইহা কাত্যায়নের আবির্ভাব সময়ের নির্দেশক। অর্থাৎ কাত্যায়নের সহিত এককালত্ব প্রযুক্ত যাজ্ঞবল্ক্যাদির উত্তর গিনি প্রত্যয়ের প্রতিষেধ হইয়াছে। মোক্ষমূলর স্বপ্রণীত ‘প্রাচীন সংস্কৃত সাহিত্য শাস্ত্রের ইতিহাস’ নামক পুস্তকে কাত্যায়ন-নির্দিষ্ট ‘সমকালত্ব’ শব্দটির এইরূপ ব্যাখ্যা করিয়াছেন :—যাজ্ঞবল্ক্যাদি এত আধুনিক যে তাঁহারা প্রায় কাত্যায়নের সমকালবর্তী *। আমরা মোক্ষমূলরের এই বাক্যের সারবত্তা অবধারণে অসমর্থ হইতেছি। কোন যুক্তি বলে তিনি এই মত প্রকাশ করিয়াছেন,

তাহা আমাদিগের মস্তিষ্কে নীত হইতেছে না । মোক্ষ-মূল্যের এই মত প্রকারান্তরে কাত্যায়নকে ব্যাকরণ-শাস্ত্রানভিজ্ঞ বলিয়া প্রতিপন্ন করিতেছে ৬৬ ।

কোন নিয়মানুসারে যদি কোন বিশেষ বিষয় অন্যথাভূত হইবার সম্ভাবনা উপস্থিত হয়, তাহা হই-লেই সেই স্থলে এক একটী বিশেষ বিধি পরিকল্পিত হইয়া থাকে । নিয়মের এই বিশেষ বিষয় প্রাপ্তির সম্ভাবনা না থাকিলে কখনও প্রতিষেধ বিহিত হয় না । আমরা যে সূত্রটী উপন্যস্ত করিলাম, একটী স্থূল দৃষ্টান্তে তাহা পাঠকগণের হৃদয়ঙ্গম করিয়া দিতেছি । দেবদত্ত যজ্ঞদত্তকে আদেশ করিলেন, ‘গৃহস্থিত সন্মুদয় দ্রব্য স্থানান্তরিত কর । কিন্তু পাঠ্য পুস্তকগুলি আমার এই আদেশের লক্ষ্য নহে ।’ এস্থলে যজ্ঞদত্ত দেবদত্তের প্রথম বাক্যানুসারে পাঠ্যপুস্তক প্রভৃতি গৃহস্থিত সন্মুদয় পদার্থই স্থানান্তরিত করিতে পারেন । দেবদত্ত পাঠ্যপুস্তক গুলির স্থানান্তরিত হইবার সম্ভাবনা দেখিয়া পরবর্তী বিশেষ বিধান দ্বারা তাহার প্রতিষেধ করিলেন । পাণিনির ‘পুরাণ-প্রোক্তেষু ব্রাহ্মণ কণ্ঠে’ এই সূত্রে কাত্যায়ন-কৃত বিশেষ বিধিও উল্লিখিত যজ্ঞদত্ত-কৃত বিশেষ আদেশের অনুরূপ অর্থ বহন করি-

৬৬ স্মৃতি যদি আমাদিগকে প্রতারণা না করিয়া থাকে, তাহা হইলে ইহা দৃঢ়তা সহকারে নির্দেশ করা যাইতে পারে যে, মোক্ষ-মূল্য পাণিনি ও কাত্যায়নকে একসাময়িক বলিয়া নির্দেশ করিয়াছেন ।

তেছে। শাটায়ন প্রভৃতি প্রাচীন ঋষিগণের মধ্যে যাজ্ঞবল্ক্যাদির সমাবেশ দেখিয়াই কাত্যায়ন একটি বিশেষ বিধি দ্বারা উক্ত সূত্র-বিহিত প্রত্যয়ের প্রতিবেধ করিয়াছেন। যদি যাজ্ঞবল্ক্য কাত্যায়নের সমসাময়িক হইতেন, তাহা হইলে কাত্যায়ন কখনও এই বিশেষ বিধির প্রণয়ন করিতেন না। কারণ, সমকালত্ব হেতু কাত্যায়ন, অবশ্যই যাজ্ঞবল্ক্যাদিকে আধুনিক বিবেচনা করিতেন, সুতরাং পাণিনি-কৃত সূত্রানুসারেই তাঁহাদিগের স্বতঃ প্রতিষেধ হইত। তজ্জন্য একটি বিশেষ বিধির প্রণয়নের আবশ্যকতা উপস্থিত হইত না। পাণিনি যখন প্রাচীন ঋষিগণ-প্রোক্ত ব্রাহ্মণ ও কল্পার্থে গিনি প্রত্যয়ের বিধান করিয়াছেন, তখন তাহা আধুনিক ঋষিগণ-প্রোক্ত ব্রাহ্মণ ও কল্পার্থে কিরূপে প্রয়োজিত হইতে পারে? কাত্যায়ন যাজ্ঞবল্ক্যাদিকে স্বসময় অপেক্ষা বহু প্রাচীন মনে করিয়াই যে বিশেষ বিধির নির্দেশ করিয়াছেন, আমাদিগের উদাহৃত দেবদত্ত-কৃত আদেশই তাহা পরিস্ফুট করিয়া দিতেছে। এতদ্বারা প্রতিপন্ন হইতেছে, যাজ্ঞবল্ক্য শাটায়ন প্রভৃতির ন্যায় কাত্যায়নের বহু পূর্ববর্তী ছিলেন। এই জন্যই কৈয়ট (কৈয়ট) স্বপ্রণীত পাতঞ্জল মহাত্মাষ্যের টীকায় যাজ্ঞবল্ক্যাদিকে শাটায়ন প্রভৃতির সমকালীন বলিয়া নির্দেশ করিয়াছেন ৬৭।

৬৭ কাশিকা হতি কাত্যায়নের বাত্বিকের উপর আক্ষেপ না

আমাদিগের যুক্তি যাজ্ঞবল্ক্যাদিকে শাট্টায়ন প্রভৃতির ন্যায় কাত্যায়ন অপেক্ষা প্রাচীন বলিয়া প্রতিপন্ন করিল। কিন্তু এই শাট্টায়ন ও যাজ্ঞবল্ক্য প্রভৃতি পাণিনির পূর্ব কি পর সাময়িক এতদ্বারা তাহার কোন মীমাংসা হইল না। যে কুট তর্কাবর্ত্তে পতিত হইয়া

করিয়াই স্বকপোল-কল্পিত মতানুসারে যাজ্ঞবল্ক্যকে আধুনিক বলিয়া নির্দেশ করিয়াছেন। সিদ্ধান্তকৌমুদীও এই পুচ্ছগ্রাহিতা দোষে দুষ্ক হইয়াছে*। জয়াদিত্য ও ভট্টোজি দীক্ষিত কাত্যায়ন-কৃত বার্ত্তিকের বিষয় বিশেষ বিবেচনা না করিয়াই যে এইরূপ উল্লেখ করিয়াছেন, তাহা বলা বাহুল্য মাত্র।

এস্থলে ইহাও বক্তব্য যে, অধ্যাপক বেবের যাজ্ঞবল্ক্য প্রভৃতিতে পাণিনির সম কি কিছু পূর্ব সাময়িক বলিয়াছেন†। কিন্তু যাজ্ঞবল্ক্য প্রভৃতি যে শাট্টায়নাদির সমসাময়িক তাহা কৈয়ট-কৃত টীকাতেই প্রকাশ পাইতেছে (পাতঞ্জল ভাষ্যের কৈয়ট-কৃত টীকা দেখ)। পশ্চাৎ প্রদর্শিত হইতেছে যে, এই শাট্টায়ন প্রভৃতি পাণিনির পরবর্ত্তী।

পতঞ্জলি, সুলভ-প্রোক্ত ব্রাহ্মণকে মৌলভ বলিয়া নির্দেশ করিয়াছেন। ‘যাজ্ঞবল্ক’ যেরূপে মীমাংসিত হইয়াছে, ‘মৌলভ’ ও সেইরূপ মীমাংসিত হইতে পারে।

* কাশিকা :—প্রত্যয়ার্থ বিবেষণমেতৎ । তৃতীয়ানমর্থীঃ প্রোক্তে গিনি প্রত্যয়ো ভবতি । যন্তঃ প্রোক্তঃ পুরাণপ্রোক্তঃ । ব্রাহ্মণ-কম্পাস্তে ভবন্তি । পুরাণেন চিরন্তনেনর্থিণা প্রোক্তঃ পুরাণপ্রোক্তঃ । ব্রাহ্মণেষু তবৎ । ভালবিনঃ । শাট্টায়নিনঃ । ঐতেরেয়িণঃ । কপেষু । টৈপদী কপঃ । আকুণপরাঙ্গী (আকুণপরাণরী ?) । পুরাণপ্রোক্তেষু ভিত্তি কিং । যাজ্ঞবল্ক্যানি ব্রাহ্মণানি । আশ্বরথঃ কপঃ । যাজ্ঞবল্ক্যাদয়ো হি ন চিরকাল ইত্যখ্যানেন্ধু বার্ত্তা ॥”

সিদ্ধান্তকৌমুদী :—পুরাণেতি কিং । যাজ্ঞবল্ক্যানি ব্রাহ্মণানি । আশ্ব-রথঃ কপঃ ॥

† Weber's Akademische Vorlesungen. P P. 125, 126.

এতক্ষণ আমরা ঘূর্ণ্যমান হইতেছিলাম, তাহা হইতে একরূপ যুক্তিলাভ পূর্বক এই শোষোক্ত অভীষ্ট বিষয়ের মীমাংসায় প্রবৃত্ত হইতেছি।

ইহা সৰ্ব্বথা স্বীকার্য যে, কাত্যায়ন যেমন ৪।৩। ১০৫ সংখ্যক সূত্রে একটি বিশেষ নিয়মের নির্দেশ করিয়াছেন, পাণিনি সেরূপ কোন বিধির প্রণয়ন করেন নাই। যাজ্ঞবল্ক্য প্রভৃতি যদি পাণিনির পূর্ব-সাময়িক হইতেন, তাহা হইলে পাণিনি অবশ্যই তাঁহাদিগকে প্রাচীন জ্ঞান করিয়া কাত্যায়নের ন্যায় বিশেষ বিধির নির্দেশ করিয়া যাইতেন। পাণিনি ‘শতপথ’ ব্রাহ্মণ সদৃশ একটি প্রসিদ্ধ ব্রাহ্মণের বিষয় বিস্মৃত হইয়া যে স্বীয় সূত্রে অসম্পূর্ণতা ও যাজ্ঞবল্ক্য-প্রোক্ত ব্রাহ্মণ-বাচক পদকে চ্যুতসংস্কৃতি দোষে দুষ্ট করিবার উপায় করিয়া যাইবেন তাহা সম্ভাবিত নহে। যাজ্ঞবল্ক্যাদি পাণিনির সমকালবর্তী হইলেও তৎপ্রণীত

শাস্ত্র-প্রবীণ শ্রীযুক্ত বাবু অক্ষয়কুমার দত্ত স্বপ্রণীত “ভারত-বর্ষীয় উপাসক সম্প্রদায়” নামক পুস্তকে মোক্ষমূলরের মতানুসারে কাত্যায়ন ও যাজ্ঞবল্ক্যকে এক সাময়িক বলিয়া নির্দেশ করিয়াছেন (ভারতবর্ষীয় উপাসক সম্প্রদায়ক, ১ম ভাগ, উপক্রমণিকার ৫৬-৫৭ পৃষ্ঠা দেখ।) কিন্তু তিনি এবিষয়ের প্রমাণ স্থলে আচার্য্য গোল্ডস্টুকর-প্রণীত পাণিনি-বিচারের নামোল্লেখ করিয়াছেন। ইহাতে আমরা বিস্মিত হইতেছি। আমাদিগের ক্ষুদ্র বিবেচনায় গোল্ডস্টুকর কখনও মোক্ষমূলরের মতের অনুমোদন করেন নাই। Vide Goldstücker's Pāṇini. P. 136-140.

সূত্রে দেবপথের ন্যায় শতপথের নির্দেশ থাকিত । ইহাতে স্পষ্ট বোধ হইতেছে, আরণ্যকের ন্যায় যাজ্ঞ-বল্ক্য-প্রোক্ত ব্রাহ্মণ প্রভৃতিও পাণিনির সময়ে পরি-জ্ঞাত ছিল না । অর্থাৎ পাণিনি কাত্যায়নের এত পূর্ববর্তী ছিলেন যে, কাত্যায়ন যে সমস্ত ব্রাহ্মণকে প্রাচীন বলিয়া নির্দেশ করিয়াছেন, পাণিনির সময়ে তাহার অস্তিত্বই ছিল না ।

আমরা গোল্ডস্ট্রুকের মতানুসারে ‘আরণ্যক’ অধ্যায় ও যাজ্ঞবল্ক্য-প্রোক্ত ব্রাহ্মণ প্রভৃতি পাণিনির অপরিজ্ঞাত বলিয়া প্রতিপন্ন করিলাম । এক্ষণে তাঁহারই মতানুসারে পূর্বানুরূপ যুক্তির আশ্রয় গ্রহণপূর্বক উপনিষদ্ অথর্ববেদ, ন্যায় এবং দর্শনশাস্ত্রও পাণিনির সময়ের পরবর্তী বলিয়া প্রমাণ করা যাইতেছে ।

পাণিনি ১।৪।৭৯ সংখ্যক সূত্রে একবার মাত্র ‘উপনিষদ্’ শব্দের উল্লেখ করিয়াছেন^{৬৮} । কিন্তু এই ‘উপনিষদ্’ পবিত্র বেদাংশ-বাচক নয় । ৪।৩।৭৩ ও ৪।৪।১২ সংখ্যক সূত্রে ঋগয়ন ও বেতনাদিগণের মধ্যে উপনিষদের উল্লেখ দৃষ্ট হয় । কিন্তু এতদ্বারা পাণিনির উপনিষদ্-বিজ্ঞতা-প্রতিপন্ন হইতেছে না । পাণিনি যখন একটী নির্দিষ্ট সূত্রে ‘উপনিষদ্’ শব্দের

উল্লেখ করিয়াও তাহা বেদাংশ ব্যতিরিক্ত অন্যবিধ অর্থে প্রয়োজিত করিয়াছেন, তখন তদানীন্তন সময়ে বৈদিক সাহিত্যের এই অংশ যে প্রচুররূপে ছিল, তাহা সম্ভবপর বলিয়া বোধ হয় না^{৬৯} ।

কেবল কৃষ্ণ যজুর্বেদের তৈত্তিরীয় সংহিতা পানিনির পরিজ্ঞাত ছিল না । তিনি ঋক্ ও সামবেদের বিষয়ও যে অবগত ছিলেন, তাহা তদীয় কতিপয় সূত্র দ্বারা প্রতিপন্ন হইতেছে^{৭০} । কিন্তু অথর্ববেদের সম্বন্ধে ঈদৃশ কোন নিদর্শন লক্ষিত হয় না । এতন্নিবন্ধন এই শেষোক্ত চতুর্থ বেদ পানিনির আবির্ভাব সময়ের পরবর্তী বলিয়া বোধ হয় । ‘অথর্বন’ শব্দ পূর্বোল্লিখিত ‘শতপথ’ ও ‘উপনিষদ’ প্রভৃতির ন্যায় ৪।২।৩৮ ও ৪।২।৬৩ সংখ্যক সূত্রে ভিক্ষা এবং বসন্ত-দিগণের মধ্যে উক্ত হইয়াছে । পানিনীয় ৪।৩।১৩৩ ও ৬।৪।১৭৪ সংখ্যক সূত্রে ‘আথর্বনিক’ শব্দ বিনি

^{৬৯} Müller's 'Au. San. Lit.,' P. 340.

^{৭০} ঋগ্বেদ-পরিজ্ঞান-নির্ণায়ক সূত্র :—

৬।৩।৫৫ : ঋচঃ শে ।

৬।৩।১৩৩ : ঋচি তুযুমক্ষুতকুত্রোকম্যাগাম্ ।

৭।৪।৩৯ : কব্যধ্বরপুতনশ্চি লোপঃ । ইত্যাদি ।

সামবেদ-পরিজ্ঞান-নির্ণায়ক সূত্র :—

১।২।৩৪ : যজ্ঞকর্মণ্যজপমুধসামসু ।

৪।২।৭ : দুফৎ সাম । ইত্যাদি ।

বেশিত হইয়াছে বটে, কিন্তু চতুর্থ বেদ-প্রতিপাদক ‘অথর্বন্’ শব্দ কোন স্থলে সুস্পষ্টরূপে উল্লিখিত হয় নাই। সবার্ত্তিক সূত্রের ভাষ্যকার পতঞ্জলি এই ‘আথ-র্কনিক’ শব্দ ঋত্বিক বিশেষের ধর্ম্মাদি-প্রতিপাদক বলিয়া নির্দেশ করিয়াছেন। ২।৪।৬৫ সংখ্যক সূত্রে অথর্ব বেদোক্ত অঙ্গিরসৃ ঋষির নাম আছে বটে, কিন্তু প্রকৃষ্ট পদ্ধতিক্রমে ‘অথর্কোঙ্গিরস’ শব্দের উল্লেখ কোনও স্থলে দৃষ্ট হয় না। এই সমস্ত কারণে অথর্ববেদ পাণিনির পরসাময়িক বলিয়াই বোধ হয়। বিশেষতঃ ঋক্ সাম ও যজুর্বেদ হইতে অথর্ববেদ আধুনিক। শাস্ত্রকারগণের মতে প্রাগুক্ত তিন বেদ যজ্ঞকার্য্য নির্ক-হার্থ প্রয়োজিত হয় বলিয়া ত্রয়ী নামে অভিহিত হইয়া থাকে। অথর্ব বেদ যজ্ঞ কার্য্যের অনুপযোগী, সুতরাং ইহা ত্রয়ীর অন্তর্ভূত নহে। মারণোচ্চাটনাদি অভিচার কার্য্যেই এই চতুর্থ বেদ প্রয়োজিত হইয়া থাকে^{১১}। এরূপ কিম্বদন্তী আছে যে, এই বেদ কেবল শ্বেচ্ছদিগের নিমিত্ত প্রণীত ও প্রচারিত হইয়াছে। এই কোতুকাবহ

১১ “অথর্ববেদস্য * * * চতুর্থ বেদেপি প্রায়োণা ভিচারত্বার্থত্বাং যজ্ঞবিজ্ঞারামনুপযোগচ্চানির্দেশঃ। তথাহি ঋগ্বেদেনৈব হোত্রং কুর্ক্বন্ যজুর্বেদেনাধ্বার্য্যবং সামবেদেনোদ্গাত্রং যদেব ত্রয়ো বিজ্ঞারৈ স্রুতস্তেন ব্রহ্মত্বমিতি ক্রতে ত্রয়ীসম্পাদিত্বং যজ্ঞানাং জায়তে।”

মনুসংহিতা। তৃতীয়াধ্যায়ের প্রথম
শ্লোকের কুল্লুক ভট্ট-কৃত টীকা দেখ।

জন-প্রবাদও অথর্ববেদের আধুনিকত্ব প্রতিপাদন করিতেছে। ঐদৃশ আধুনিক গ্রন্থ যে প্রাচীনতম বৈদিক ঋষি পাণিনির সময়ে বর্তমান ছিল, এরূপ অনুমান করা সর্বথ অসম্ভব^{১২}।

পাণিনীয় সময়ে যে ন্যায় ও দর্শন শাস্ত্র প্রচলিত ছিল, তাহা তৎপ্রণীত সূত্রের কোনও স্থলে উল্লিখিত হয় নাই। ৩। ৩। ১২২ সংখ্যক সূত্রে ‘ন্যায়’ শব্দের উল্লেখ আছে, কিন্তু তাহা কেবল শব্দগত ব্যুৎপত্তি প্রদর্শনার্থই উক্ত হইয়াছে^{১৩}। ৩। ৩। ৩৭ সংখ্যক সূত্রে এই ব্যুৎপত্তিলব্ধ ‘ন্যায়’ শব্দ ‘উচিত’ অর্থে প্রয়োজিত হইয়াছে^{১৪}। কিন্তু ইহা কোন স্থলে স্বনাম-প্রসিদ্ধ শাস্ত্র বিশেষের দ্যোতকত্ব রূপে ব্যবহৃত হয় নাই। পাণিনি একজন বিখ্যাত পণ্ডিত হইয়াও যখন ‘ন্যায়’ শব্দ, প্রসিদ্ধ শাস্ত্র-দ্যোতক বলিয়া নির্দেশ করেন নাই; তখন তদীয় সময়ে যে এই শাস্ত্র ভবিষ্য কালগর্ভে নিহিত ছিল, ইহাই অধিকতর সম্ভাবিত বলিয়া বোধ হয়।

পাণিনীয় ৪। ২। ৬০ সংখ্যক সূত্রে উক্তাদিগণের

^{১২} Goldstücker's Pāṇini P. 142-143.

^{১৩} ৩। ৩। ১২২ : অধ্যায়-আয়োজ্যাব-সংহারাশ্চ।

সিদ্ধান্তকোষদ্বী :—অধীয়েতেহশ্বিন্ অধ্যায়ঃ। নিয়ন্তি উদ্ব্যবন্তি সংহরন্ত্যনেনেতি বিগ্রহঃ।

কাশিকা :—নীয়েতে (নি+ইয়েতে) অনেনেতি আয়ঃ।

^{১৪} ৩। ৩। ৩৭ : পরিতোর্নীণৌর্দ্যুতাত্রেযয়োঃ।

মধ্যে 'ন্যায়' শব্দের নির্দেশ আছে । এই ন্যায় শব্দ হই-
তেই উক্ত সূত্রানুসারে 'নৈয়ায়িক, পদ নিষ্পন্ন হইয়াছে ।
কিন্তু এইরূপ গণ যে পাণিনির স্বরচিত নহে, তাহা
আমরা পূর্বেই প্রদর্শন করিয়াছি । কালান্তরাগত
বৈয়াকরণ সম্প্রদায় কর্তৃকই এই গণোক্ত শব্দ সমূহ
নির্দ্ধারিত ও নিবেশিত হইয়াছে ।

ন্যায় শাস্ত্রকার গোতম, স্বপ্রণীত সূত্রে ব্যাকরণ-গত
শব্দ প্রভৃতির নিত্যত্ব বিষয়ে অনেক বিচার করিয়াছেন ।
এই গোতমও ব্যাকরণ-সূত্রকার পাণিনির পরসাময়িক ।
গোতম, জাতি, আকৃতি ও ব্যক্তির সমবায়কে পদার্থ
শব্দে নির্দেশ করিয়াছেন । অর্থাৎ পদার্থ নির্ণয় করিতে
হইলেই তাহার জাতি, অবয়বসংস্থান ও বিশেষ
মূর্তি স্বতঃই মনোমধ্যে উদিত হইয়া থাকে^{১০} । এই
সংজ্ঞাবাচক জাতি, আকৃতি ও ব্যক্তির মধ্যে কেবল
প্রথম ও দ্বিতীয়টি পাণিনীর সূত্রে পরিদৃষ্ট হয় । কিন্তু
গোতম যে অর্থে এই সংজ্ঞাদ্বয় প্রয়োজিত করিয়াছেন,
পাণিনি তদ্রূপ অর্থে উহার প্রয়োগ করেন নাই ।
পাণিনি ১।২।৫২ সংখ্যক সূত্রে যে জাতি শব্দের
উল্লেখ করিয়াছেন, ভাষ্যকার তাহার উদাহরণ স্থলে

^{১০} 'জাত্যাকৃতি ব্যক্তয়সু পদার্থঃ । ব্যক্তি গণবিশেষাশ্রমো
মূর্তিঃ । আকৃতি জাতি-লিঙ্গাখ্যা । সমানপ্রসবায়িকা জাতিঃ ।'
শ্রীম-সূত্র ।

রক্ষ বিশেষের উল্লেখ করিয়াছেন^{১৬}। এতদ্বিন্ন
এই শব্দ ৫।২।১৩৩ সংখ্যক সূত্রে হস্তীবাচক, ৫।৪।
৩৭ সংখ্যক সূত্রে ঔষধি-বাচক, ৫।৪।৯৪ সংখ্যক সূত্রে
শকট, প্রস্তর, লৌহ ও সরোবর বাচক, ৬।১।১৪৩
সংখ্যক সূত্রে কল-বাচক, ৬।৩।১০৩ সংখ্যক সূত্রে তৃণ
বাচক, বলিয়া উল্লিখিত হইয়াছে। যে উদাহরণ গুলি
উপন্যস্ত হইল, তাহাতেই স্পষ্ট প্রতীত হইবে, পাণিনি

১৬ ১।২।৫২ : বিশেষাণাং চা জাতেঃ।

কাশিকা রূতি ও সিদ্ধান্ত-কৌমুদীকার ‘চা জাতেঃ’ পদের
সন্ধি বিশ্লেষ পূর্বক ‘চ অজাতেঃ’ এই হ্রস্বী পৃথক পদ নির্দেশ পূর্বক
ব্যাখ্যা করিয়াছেন। কিন্তু কাত্যায়ন ও পতঞ্জলি ‘অজাতেঃ’
স্থলে ‘আ জাতেঃ’ পদ স্বীকার করিয়াছেন। বিশিষ্ট ধীরতা
সহকারে বিবেচনা করিলে কাত্যায়ন ও পতঞ্জলির পক্ষই যথার্থ
বলিয়া বোধ হয়। পাঠকবর্গের বিবেচনার নিমিত্ত এই স্থলে
পতঞ্জলির বিচার উদ্ধৃত হইল :—

পতঞ্জলি :—‘কথমিদং বিজ্ঞায়তে। জাতির্ষদ্বিশেষণমাহো-
স্বিজ্ঞাতে ষানি বিশেষণানীতি। কিং চাতঃ। যদি বিজ্ঞায়তে জাতে
ষদ্বিশেষণমিতি সিদ্ধং পঞ্চালা জনপদ ইতি। সূতিক্কা সম্পন্নপানীয়ঃ
বহুমাল্যফল ইতি ন সিধ্যতি। অথ বিজ্ঞায়তে। জাতে ষানি
বিশেষণানীতি। সিদ্ধং সূতিক্কা সম্পন্নপানীয়ঃ। বহুমাল্যফল
ইতি। পঞ্চালা জনপদ ইতি ন সিধ্যতি। এবং তর্হি নৈবং
বিজ্ঞায়তে জাতির্ষদ্বিশেষণমিতি নাপি জাতে ষানি বিশেষণানীতি।
কথং তর্হি বিশেষণানাং যুক্তবস্তাবো ভবতি।’ বার্তিক :—
‘আ জাতেঃ।’ পতঞ্জলি :—‘আ জাতিপ্রয়োগাৎ। কিমর্থং পুনরিদ-
মুচ্যতে।’ বার্তিক :—‘বিশেষণানাং বচনং জাতিনিরূপ্যার্থং।’
পতঞ্জলি :—‘জাতি নিরূপ্যার্থোহয়মারম্ভঃ। কিমুচ্যতে জাতি
নিরূপ্যার্থ ইতি ন পুনর্বিশেষণানামপি যুক্তবস্তাবো যথা স্তাদিতি।’

যাহা জাতি-বাচক বলিয়া অবগত ছিলেন, গোতম তাহাই আকৃতি-বাচক বলিয়া জানিতেন^{৭৭}। সুতরাং দৃঢ়তা সহকারে নির্দেশ করা যাইতে পারে, গোতম ন্যায়সূত্র-সিদ্ধ অর্থানুসারে যে জাতি-সংজ্ঞায় পদার্থ সমূহ বিশেষিত করিয়াছেন, পাণিনীয় সময়ে তাহার অস্তিত্ব ছিল না।

পাণিনি ১।২।৫১ সংখ্যক সূত্রে একবার মাত্র ব্যক্তি শব্দের উল্লেখ করিয়াছেন। কিন্তু এই ‘ব্যক্তি’ শব্দ ব্যাকরণ-প্রসিদ্ধ লিঙ্গার্থে প্রয়োজিত হইয়াছে। কিন্তু ইহা কোন স্থলে ‘ন্যায়’ সূত্রানুসারে গণাশ্রয়িনী বিশেষ মূর্ত্তি-বাচক অর্থে উক্ত হয় নাই। ২।৪।১৩, ২।৪।১৫, ৩।৫।৩।৪৩ সংখ্যক সূত্রে ‘অধিকরণ’ শব্দের প্রয়োগ দৃষ্ট হয়। টীকাকারগণ এই ‘অধিকরণ’ শব্দ দ্রব্যার্থ বাচক বলিয়া নির্দেশ করিয়াছেন। সুতরাং

ব্যক্তিক :—‘সমানাধিকরণত্বাৎ সিদ্ধম্।’ পতঞ্জলি :—‘সমানাধিকরণত্বাচ্ছিশেষণানাং যুক্তবদ্ভাবো ভবিষ্যতি।’ ‘যদ্ব্যবৎ নার্থো-হনেন লুপোহত্বত্রাপি জাতেযুক্তবদ্ভাবো ন ভবতি। কাত্ত্ব। বদরী স্বক্ষমকণ্টক। মধুরা যক্ষ ইতি।’ কৈয়ট (কৈষাট) :—অজাতে রিত্যসমর্থ সমাসঃ। ভবতি নানঞঃ সম্বন্ধাৎ। উভয়থা চাব্যাশ্চি প্রতিষেধস্তেতিপ্রশ্নঃ অ। জাতি প্রয়োগাদিতি সূত্র আঙঃ প্রশ্নেষঃ ন তু নঞঃ।’

^{৭৭} ৪।১।৬৩ সংখ্যক সূত্রের কারিকায় ইহার স্পষ্ট উল্লেখ আছে। যথা;

‘আকৃতি-গ্রহণা জাতি লিঙ্গানাঞ্চ সর্বভাক্।

সকৃদাখ্যাত নিগ্রোহা গোত্রঞ্চ চর্যৈঃ সহ।’

ইহার সহিত অনায়ামে ‘বিশেষ্য’ শব্দ তুলনীয় হইতে পারে । কিন্তু এই বিশেষ্য বিশেষণের (গুণের) আধার স্থানীয় । ইহা জাতিত্ব-দ্যোতক নহে । এতদ্বারা স্পষ্ট বোধ হইতেছে, ন্যায় সূত্র-প্রণেতা গোতম যে অর্থে ‘জাতি’ ও ‘ব্যক্তি’ সংজ্ঞা প্রয়োজিত করিয়াছেন, পাণিনি তদ্ব্যতিরিক্ত অন্য অর্থে উক্ত সংজ্ঞাদ্বয় স্বপ্রণীত বৈয়াকরণ সূত্রে নিবেশিত করিয়াছেন । সুতরাং পাণিনি গোতমের পূর্ব সাময়িক বলিয়াই প্রতিপন্ন হইতেছেন । সমকালীন অথবা পরসাময়িক হইলে তিনি অবশ্যই গোতম-নির্দিষ্ট অর্থের উল্লেখ করিয়া যাইতেন^{৭৬} ।

মীমাংসা শব্দের সহিত বৈয়াকরণ সূত্রের বিশেষ

^{৭৬} কাত্যায়ন ও পতঞ্জলি গোতম প্রণীত সূত্রের বিষয় অবগত ছিলেন । কাত্যায়ন ১।৪।১ সংখ্যক সূত্রের বার্তিকে লিখিয়াছেন, ‘অসৰ্ব্বলিঙ্গা জাতিঃ ।’ ৭।১।৭৪ সংখ্যক সূত্রে আকৃতি সম্বন্ধে উক্ত হইরাছে, ‘ন বা সমানায়ামাক্রুতৌ ভাসিতপুংস্ক বিজ্ঞানাং’ ইহাতে বোধ হয় গোতম নির্দিষ্ট আকৃতি সংজ্ঞা পাণিনির পরিজ্ঞাত ছিল । পতঞ্জলি স্বীয় ভাষ্যাবতারণিকায় লিখিয়াছেন, ‘কি পুনরাকৃতিঃ পদার্থ আহোষ্মিন্দ্রব্যন্ । উভয়মিতাহ । কথং জায়তে । উভয়থা হ্যাচার্যেণ সূত্রানি প্রণীতানি । আকৃতিং পদার্থং মহা জাত্যাখ্যায়ামেকস্মিন্ বহুবচনমন্যতরশ্চামিত্যুচ্যতে । দ্রব্য পদার্থং মহা সরূপাণামেকশেষ আরভ্যতে ।’ পতঞ্জলির এই বাক্যে স্পষ্ট প্রতীত হইতেছে, যে তিনি গোতম প্রণীত সূত্র অবগত ছিলেন । অস্তথা কখনও উভয় পক্ষ প্রদর্শিত হইত না । অতএব কাত্যায়ন ও পতঞ্জলি যে পাণিনির পরবর্তী, তদ্বিশেষে সংশয় হইতে পারে না ।

ঘনিষ্ঠ সম্বন্ধ নিবন্ধ আছে । পাণিনি এতন্নিবন্ধন ১।৩।
৬২ ও ৩।৩।১০২ ও সংখ্যক সূত্রানুসারে এই শব্দটির
সাধন-প্রণালী প্রদর্শন করিয়াছেন মাত্র । কিন্তু মীমাংসা
নামক প্রসিদ্ধ দর্শনশাস্ত্র পাণিনির পরসাময়িক বলি-
য়াই বোধ হয় । এই শাস্ত্র-প্রতিপাদক ‘মীমাংসা’ ও
‘শাস্ত্রজ্ঞ-দ্যোতক’ ‘মীমাংসক’ শব্দ পাণিনীয় সূত্রের
কোনও স্থলে উল্লিখিত হয় নাই । অধিক কি এই শাস্ত্র
প্রণেতা জৈমিনির নামও পাণিনির সূত্রে দৃষ্ট হয় না^{১২} ।
পাণিনির সময়ে এই দর্শনশাস্ত্র প্রচলিত থাকিলে অব-
শ্যই তদীয় গ্রন্থে ইহার উল্লেখ থাকিত ।

মীমাংসার ন্যায় বেদান্ত ও সাংখ্যদর্শনও পাণিনীয়
সূত্রের বহিষ্কৃত হইয়া রহিয়াছে । মীমাংসার ন্যায়
বেদান্ত শব্দের সহিত বৈয়াকরণ সূত্রের তাদৃশ ঘনিষ্ঠতা
নাই । এরূপ হইলেও পাণিনি যদি ‘বেদান্তিন্’ (বেদা-
তজ্ঞ) শব্দটী অবগত থাকিতেন, তাহা হইলে তিনি
কোন বিশেষ সূত্রে ইহার উল্লেখ করিতে ক্রটি করিতেন
না । এই সিদ্ধান্তের যথার্থ্য প্রতিপাদনে আমাদিগকে
অধিক আয়াস স্বীকার করিতে হইবে না । ৪।২।৬২

^{১২} সিদ্ধান্তকৌমুদীস্থ ২।১।৫৩ সূত্রে ‘মীমাংসকল্পকট’
ও কাশিকার ২।২।৩৮ সূত্রে ‘জৈমিনিকড়ার’ অথবা ‘কড়ার
জৈমিনি’ পদের উল্লেখ আছে । কিন্তু ভাষ্য প্রভৃতিতে ইহার
কোন উল্লেখ নাই । সূত্রত্রয় উহা যে ভট্টোজি দীক্ষিত ও জয়া-
দিত্যের স্বকপোল-কল্পিত, তাহাষয়ে সংশয় নাই ।

সংখ্যক সূত্রই এবিষয়ের পোষকতা করিতেছে। পাণিনি, ‘অনুত্রাক্ষগিনি’ (ত্রাক্ষণ মদৃশ গ্রন্থ, অথবা তদ্রূপাধ্যায়ী) পদ প্রদর্শনার্থ এই সূত্রটী উপন্যস্ত করিয়াছেন। পাণিনির সময়ে যদি বেদান্তদর্শন পরিজ্ঞাত থাকিত, তাহা হইলে সূত্র-প্রণেতা ‘অনুত্রাক্ষগিনি’ পদের ন্যায় ‘বেদান্তিন্’ পদ প্রদর্শনার্থও কোন বিশেষ নিয়মের বিধান করিয়া যাইতেন, সন্দেহ নাই।

‘সাংখ্য’ একটী বিশেষ-প্রকৃতিক পদ। ইহা ‘সংখ্যা’ শব্দ হইতে নিষ্পন্ন হইয়াছে। পাণিনির সময়ে এই প্রসিদ্ধ দর্শনের অস্তিত্ব থাকিলে তিনি পুংলিঙ্গান্ত ‘সাংখ্য’ শব্দ সাংখ্যদর্শন-ব্যবসায়ি-দ্যোতক বলিয়া নির্দেশ করিতে পরাঙ্মুখ হইতেন না ৮০।

পাণিনির ১।২।৫৪, ৫৫, ৩৩।৪।২০ প্রভৃতি সূত্রে ‘যোগ’ শব্দের উল্লেখ আছে। কিন্তু এই ‘যোগ’ শব্দ স্বনাম প্রসিদ্ধ দর্শন শাস্ত্রের প্রতিপাদক নহে। ৫।১।১০২ সংখ্যক সূত্রে ‘যোগ্য’ ও ‘যোগিক’ শব্দের ব্যুৎপত্তি নিরূপিত হইয়াছে বটে, কিন্তু ইহার সহিত দর্শন শাস্ত্রগত অর্থের কোনও সম্বন্ধ পরিদৃষ্ট হয় না।

৮০ পুংলিঙ্গান্ত ‘সাংখ্য’ পদ সাংখ্য-দর্শন-মতাবলম্বীদিগকে বুঝাইয়া থাকে। যথা;

‘বহুদ্বায়স্বরূপগতেষু প্রতিশরীরং বাহ্যভ্যন্তরাবিশেষেণ সংনিহিতেষু মনোবাক্যৈর্ধর্মাদ্বৈত-লক্ষণমদৃষ্টমুতার্জ্যতে। সাংখ্যানাং তাবন্তং।’ বেদান্ত-সূত্রে শঙ্করাচার্য্য-কৃত ভাষ্য।

‘যোগী’ পদ সাধনের সূত্র (৩।২। ১৪২) নির্দেশ থাকাতে বোধ হয় পাণিনি ‘যোগ’ শব্দ যতিগণের অবলম্বিত ধর্ম্য বলিয়া জানিতেন । কিন্তু যে শব্দ যতি ধর্ম্যাবলম্বী প্রতিপাদক তাহা কখনও যোগদর্শন-ব্যবসায়ি-দ্যোতক হইতে পারে না । পাণিনি যখন প্রসিদ্ধ দর্শন শাস্ত্রার্থে যোগ শব্দের প্রয়োগ করেন নাই, তখন উহা তাঁহার পরমাময়িক বলিয়াই প্রতিপন্ন হইতেছে ।

পূর্ব প্রদর্শিত যুক্তি দ্বারা স্পষ্ট প্রতীত হইতেছে, পাণিনীয় সময়ে শুক্ল যজুর্বেদ, আরণ্যক অধ্যায়, উপনিষদ, অথর্ববেদ প্রভৃতি বিদ্যমান ছিল না । এই মতানুসারে পাণিনি পুরাণ-প্রোক্ত বৈদিক ঋষিগণের ন্যায় অতি প্রাচীন বলিয়া প্রতিপন্ন হইতেছেন । এই প্রাচীনত্ব কতদূর সীমাবদ্ধ তাহার কোন সীমাংসা হয় নাই । আমরা এই সিদ্ধান্ত-ক্ষেত্রে অবতীর্ণ হইবার আগে কতিপয় আনুসঙ্গিক বিষয়ের বিচারে প্রবৃত্ত হইতেছি ।

যাস্ক এক জন প্রাচীন বৈয়াকরণ । তৎপ্রণীত ‘নিরুক্ত’ পবিত্র বেদ-মন্দিরের নিঃশ্রেণী স্বরূপ । শিক্ষা-গ্রন্থে এই নিরুক্ত বেদের শ্রোত্র রূপে বর্ণিত হইতেছে^{৬১} । এই নিরুক্তকার যাস্ক পাণিনির পূর্ব কি পরবর্তী তদ্বিষয় লইয়া ভট্ট মোক্ষমূলর ও আচার্য

^{৬১} ‘জ্যোতিষমায়নং চক্ষুর্নিরুক্তং শ্রোত্রমুচ্যতে ।

শিক্ষা আগন্তু বেদস্ত মুখং ব্যাকরণং স্মৃতং ॥

গোল্ডফুকের বিশিষ্ট মত-ভেদ দৃষ্ট হয়। আমরা এতক্ষণ কেবল গোল্ডফুকেরই পোষকতা করিয়া আসিতেছিলাম। ফলে গোল্ডফুকের যুক্তি-বলেই মহাকবি কালিদাসের উদাহৃত বজ্রসমুৎকীর্ণ মণির অভ্যস্তরে সূত্রের ন্যায় আমাদিগের প্রস্তাব এতদূর লঙ্ঘন প্রসর হইয়াছে। গোল্ডফুকের আমাদিগের এইরূপ পথ-প্রদর্শক হইলেও তিনি প্রস্তাবিত বিষয় প্রসঙ্গে মোক্ষমূলরের প্রতি যে অন্যায় আক্রমণ করিয়াছেন, আমরা তাহার প্রতিবাদ না করিয়া ক্ষান্ত থাকিতে পারিলাম না।

ভট্ট মোক্ষমূলর স্বপ্রণীত ‘প্রাচীন সংস্কৃত সাহিত্য শাস্ত্রের ইতিহাস’ নামক পুস্তকের এক স্থলে লিখিয়াছেন, ‘নিরুক্তের প্রারম্ভে শব্দের ব্যুৎপত্তি সম্বন্ধে যে বিচার প্রদর্শিত হইয়াছে তাহা সংস্কৃত ধাতু-পরিজ্ঞান বিষয়ে অতি উপকার জনক। কাত্যায়ন-প্রাতিশাখ্যে সংজ্ঞা, ক্রিয়া উপসর্গ প্রভৃতি অনেক গুলি বৈয়াকরণ বিভাগ প্রদর্শিত হইয়াছে।’ কিন্তু নিরুক্তে কেবল এই বিভাগই পর্য্যাপ্ত বোধ হয় নাই। ক্রিয়াই সমুদয় সংজ্ঞার (নামের) উৎপত্তি-ক্ষেত্র কি না? এই প্রশ্নের অবতারণা করিয়া নিরুক্তকার, বৈয়াকরণ বিজ্ঞানের একটী অত্যাৱশ্যক সম্পাদ্য সূত্র প্রবর্তিত করিয়াছেন। অধিকাংশ শব্দই যে ধাতু হইতে উদ্ভূত হইয়াছে, এটী কেহই অস্বীকার করিবেন না। ভারত-

বর্ষের প্রাচীন বৈয়াকরণগণ সকলেই একবাক্যে স্বীকার করিয়াছেন যে, ‘কর্তা’ ক্র ধাতু হইতে এবং ‘পাচক’ পচ্ ধাতু হইতে নিষ্পন্ন হইয়াছে । কিন্তু এই নিয়ম কি সমুদয় শব্দেই উপগত হইতে পারে ? শাকটায়ন নামক একজন প্রাচীন বৈয়াকরণ ও দার্শনিক সাহস সহকারে এই প্রশ্নের সম্মতি-পক্ষ অবলম্বন করিয়াছেন । এই শাকটায়নই নৈরুক্ত সম্প্রদায়ের নেতা । ইহারা, সমুদয় শব্দই ধাতু হইতে উদ্ভূত হইয়াছে বলিয়া স্বীকার করেন’ ৬৭ ।

আচার্য্য গোল্ডষ্টুকর, মোক্ষমূলরের এই লিখন-ভঙ্গীতে সিদ্ধান্ত করিয়াছেন যে, নিরুক্তকার যখন কাত্যায়ন অপেক্ষা বৈয়াকরণ বিজ্ঞানে সমধিক প্রাণীণ্য প্রদর্শন করিয়াছেন, তখন তাঁহার (মোক্ষমূলরের) মতে নিরুক্তকার অবশ্যই প্রাতিশাখ্যকারের পরবর্তী, এবং ‘প্রাচীন সংস্কৃত সাহিত্য শাস্ত্রের ইতিহাসে’ যখন এই প্রাতিশাখ্যকার কাত্যায়নকে পাণিনির সমালোচক ও সমকালীন ব্যক্তি বলিয়া স্থির করা হইয়াছে, তখন তদীয় মতানুসারে পাণিনিও নিরুক্তকার যাক্ষের পূর্ব-বর্তী ৬০ । আমরা গোল্ডষ্টুকর-কৃত এই সিদ্ধান্তের সার-বক্তাবধারণে অসমর্থ হইলাম । মোক্ষমূলরের উক্ত বাক্যে যাক্ষ কখনই পাণিনির পরবর্তী বলিয়া প্রতিপন্ন

৬৭ Müllers ‘An. San. Lit.’ P. 163-164.

৬০ Goldstückers’ Pāṇini P. 221.

হইতে পারেন না । মোক্ষমূলর স্পষ্টাক্ষরে যাস্ককে, পাণিনি ও কাত্যায়নের পূর্ববর্তী বলিয়া উল্লেখ করিয়াছেন । ঋগ্বেদের শাকল প্রাতিশাখ্যে যাস্কের নাম উক্ত হইয়াছে ৮০ । মোক্ষমূলরের মতানুসারে এই প্রাতিশাখ্য, পাণিনির পূর্ববর্তী । সুতরাং তিনি যে যাস্ককে পাণিনির পরসাময়িক বলিয়া নির্দেশ করিবেন, ইহা সম্ভাবিত নহে ৮১ । যাস্ক যে পাণিনির পূর্ববর্তী পাণিনীয় সূত্রেই তাহার স্পষ্ট নির্দেশ আছে । ২ । ৪ । ৬৩ সূত্রানুসারে স্পষ্ট বোধ হয় পাণিনি যাস্কের নাম অবগত ছিলেন, অন্যথা তিনি উক্ত সূত্রে যাস্কাদিগণের আদিতে যাস্কের নাম নিবেশিত করিতেন না ৮২ । যাস্ক স্বপ্রণীত নিরুক্তে অতি বিশদ রূপে উপসর্গের বর্ণনা করিয়াছেন ৮৩ । পাণিনির অনেক সূত্রে উপ-

৮০ মোক্ষমূলরই শাকল প্রাতিশাখ্যে ‘ইতি বৈয়াস্কঃ’ পাঠের পরিবর্তে ‘ইতি বৈ যাস্কঃ’ পাঠ প্রচলিত করেন । Müller’s ‘An. San. Lit.,’ P. 149.

৮১ Müller’s ‘An. San. Lit.,’ P. 120-123, and Preface to Rigveda, Vol. IV. P. lxxii.

৮২ ২ । ৪ । ৬৩ : যাস্কাদিভ্যো গোত্রে ।

৮৩ ‘ন নিরুক্তা উপসর্গা অর্থান্নিরাহুরিতি শাকটায়নো নামাখ্যাতয়োস্তু কর্মোপসংযোগভ্যোতকা ভবন্ত্যুক্তাবচাঃ পদার্থা ভবন্তীতি গাংগ্যস্তত্ এষ পদার্থঃ প্রাহুরিমে তং নামাখ্যাতয়োর্থবিকরণম্ । আ ইত্যর্বাংগে প্র পরেভ্যোতত্ প্রাতিলোম্যমভীত্যা তিমুখাং প্রভীভ্যোতত্ প্রাতিলোম্যমতি স্ম ইত্যন্তিপুজিতার্থে নিহুরিত্যেতয়োঃ প্রাতিলোম্যং হ্রবেতি বিনিগ্রাহার্থীয়া উদিতো-

সর্গের উল্লেখ আছে বটে, কিন্তু কোন সূত্রেই উপসর্গের অর্থ নির্দ্ধারিত হয় নাই। পূর্ববর্তী বৈয়াকরণ যাস্ক এবিষয়ের হস্তক্ষেপ করিয়াছিলেন বলিয়াই বোধ হয়, পাণিনি উক্ত বিষয়ে তুষ্ণীভাব অবলম্বন করিয়াছেন। পাণিনি যাস্কের পূর্ববর্তী হইলে তিনি কখনও ব্যাকরণের , একটি বিশেষ অঙ্গের বৈকল্য সম্পাদন করিয়া যাইতেন না। ইহাও যাস্কের পূর্ববর্তিতার একটি প্রমাণ ৫৫।

এই যাস্কের আবির্ভাব কাল নির্ণয় সম্বন্ধে পাশ্চাত্য পণ্ডিতদিগের মত-বৈষম্য দৃষ্ট হয়। ভট্ট মোক্ষমূলরের মতানুসারে যাস্ক খ্রীঃ পূঃ পঞ্চম শতাব্দীতে বর্তমান ছিলেন ৫৬। পণ্ডিতবর মণিয়ার উইলিয়াম্সের মতে যাস্ক সম্ভবতঃ খ্রীষ্টের চারি শত বৎসর পূর্বে প্রাদুর্ভূত হইবেন ৫৭। আমরা এই মতদ্বয়ের কোনটিতেই

তয়োঃ প্রাতিলোমাং সমিত্যেকীভাবং ব্যপেত্যেতশ্চ প্রাতিলোমা-
মষিতি সাদৃশ্যাপরিভাবমপীতি সংসর্গমুপেতুপজনং পরীতি
সর্বতোভাবমধীতু্যপরিভাবমৈশ্বৰ্য্যং বৈবমুচ্চাবচানর্থান্ প্রাহ স্ত
উপেক্ষিতব্যাঃ ।' নিকন্ত ।

৫৫ জীমুত জে মুইর অপ্রণীত 'সংস্কৃত মূল' নামক গ্রন্থে প্রস্তাবিত বিষয় সম্বন্ধে গোলড্‌স্কুকের সিদ্ধান্তটি প্রকাশ করিয়াছেন মাত্র। অস্বয় কোন অভিপ্রায় ব্যক্ত করেন নাই। গোলড্‌স্কুকের মোক্ষমূলরের বাক্য বুঝিতে না পারিয়া যে ভ্রমে পতিত হইয়াছেন তাহার সংশোধন না করা নিবর্তিশয় বিশ্বয়াবহ সন্দেহ নাই। See Muir's 'Sanskrit Texts' Vol. II. P. 153-154.

৫৬ 'Chips from a German Workshop'. Vol. I. P. 74.

৫৭ Monier Williams's 'Indian Wisdom.' P. 167.

আস্থাবান্ হইতে পারিলাম না। আমাদিগের মতে যাস্ক, বুদ্ধের অনেক পূর্বে বিশ্ব সংসারে অবতীর্ণ হইয়াছিলেন। যাহা হউক, যাস্ক যখন পাণিনির পূর্ববর্তী বলিয়া সাধারণ্যে স্বীকৃত হইয়াছেন, তখন পাণিনির সময় নির্ণীত হইলেই যাস্কের আবির্ভাবকাল অবধারিত হইতে পারিবে। আমরা পাণিনির সময় নির্ণয় পর্য্যন্ত এবিষয়ে পাঠকগণের ধৈর্য্যের আশা করি।

এই পুস্তকের ৩১ পৃষ্ঠায় লিখিত হইয়াছে যে, ব্যাড়ির (ব্যালি) সহিত পাণিনির বিশেষ ঘনিষ্ঠ সম্বন্ধ নিবদ্ধ আছে। কিন্তু এই সম্বন্ধটী এ পর্য্যন্ত বিশদীকৃত হয় নাই। ব্যাড়ি একজন অতি প্রাচীন বৈয়াকরণ। তৎ প্রণীত লক্ষল্লোকাত্মক গ্রন্থ ‘সংগ্রহ’ নামে প্রসিদ্ধ ^{২১}। পাণিনির ২। ৩। ৬৬ সংখ্যক সূত্রে এই সংগ্রহকারের সম্বন্ধে পতঞ্জলি কর্তৃক এই উদাহরণটী প্রদর্শিত হইয়াছে। যথা; দাক্ষয়ান-কৃত সংগ্রহ অতি সুন্দর ^{২২}।

^{২১} পতঞ্জলি :—সংগ্রহ এতৎ প্রাধাতেন পরীক্ষিতম্। কৈরট (কৈষাট) :—সংগ্রহ ইতি। গ্রন্থ বিশেষে। নাগোজী ভট্ট :—সংগ্রহো ব্যাড়িকৃতো লক্ষল্লোকসংখ্যো গ্রন্থ ইতি প্রসিদ্ধিঃ।

^{২২} ২। ৩ ৬৬ : শেষে বিভাষা। পতঞ্জলি :—শোভনা-খলু পাণিনেঃ সূত্রস্য রুতিঃ। শোভনা খলু পাণিনিয়া সূত্রস্য রুতিঃ। শোভনা খলু দাক্ষয়ানস্য সংগ্রহস্য রুতিঃ। শোভনা খলু দাক্ষয়ানেন সংগ্রহস্য রুতিঃ।

পূর্বে উক্ত হইয়াছে যে, ব্যাড়িই ‘সংগ্রহ’ নামক বৈয়াকরণ গ্রন্থের প্রণেতা । অতএব পতঞ্জলির উদাহৃত দাক্ষায়ণ ও ব্যাড়ি উভয়েই অভিন্ন ব্যক্তি বলিয়া প্রতিপন্ন হইতেছেন । দক্ষের অপত্য দাক্ষি^{২০} । অতএব কেবল দক্ষবংশোদ্ভব ব্যক্তি ‘দাক্ষায়ণ’ বলিয়া উক্ত হয় না, দাক্ষি-গোত্রজও দাক্ষায়ণ নামে অভিহিত হইয়া থাকে । পাণিনি, প্রপৌত্রাদি অতি দূরতর বংশীয় দিগকে ‘যুবন্’ সংজ্ঞায় বিশেষিত করিয়াছেন^{২১} । টীকাকারগণ এই ‘যুবন্’ অর্থে ‘দাক্ষি’ শব্দ হইতে ‘দাক্ষায়ণ’ পদ সিদ্ধ করিয়াছেন^{২২} । অতএব দাক্ষায়ণ,

২০ ৪ । ১ । ৯৫ : অত ইঞ ।

বাস্তবিক :—ইঞো যুদ্ধারদ্ধাত্যাং কিঞকিনো বিপ্রতিষেধেন ।

ভাষ্য :—ইঞো যুদ্ধারদ্ধাত্যাং কিঞকিনো ভবতঃ বিপ্রতিষেধেন । ইঞোহিবকাশঃ । দাক্ষিঃ । কাশিকা :—দক্ষস্তাপত্যং দাক্ষিঃ ।

২১ ৪ । ১ । ১৬২ : অপত্যং পৌত্র প্রভৃতি গোত্রং ।

৪ । ১ । ১৬৩ : জীবতি তু বংশে যুব্য ।

৪ । ১ । ১৬৪ : ত্রাতরি চ জ্যায়সি ।

৪ । ১ । ১৬৫ : বাস্ত্বশ্বিন্ সপিণ্ডে স্থবিরতরে জীবতি ।

২২ ৪ । ১ । ১০১ : যঞোঞোচ্চ । কাশিকা :—যঞোস্তাদি-ঞোস্তাপত্যে ফক্ প্রত্যয়ে ভবতি । গার্গ্যায়ণঃ । বাস্ত্বায়নঃ । ইঞোস্তাৎ । দাক্ষায়ণঃ ।

২ । ৪ । ৫৮ : গ্যক্ষত্রিয়ার্বিঞোতো যুনি লুগ্ণিঞোঃ । কাশিকা :—অণিঞোয়িত্তি কিম্ । দাক্ষেরপত্যং যুবা দাক্ষায়ণঃ ।

দাক্ষির অন্ততঃ প্রপৌত্র, অর্থাৎ দাক্ষির অধস্তন চতুর্থ পুরুষ বলিয়া প্রতিপন্ন হইতেছেন ^{২৬} ।

এদিকে পতঞ্জলির নির্দেশানুসারে পাণিনির মাতার নাম দাক্ষী ^{২৭} । এই দাক্ষী পূর্বোক্ত দক্ষ-তনয় দাক্ষির জ্যেষ্ঠা ভগিনী ^{২৮} । অতএব পাণিনি, ব্যাড়ির পূর্ববর্তী ও অতি নিকট আত্মীয়, এবং ব্যাড়ি অপেক্ষা অন্ততঃ দুই পুরুষ ব্যবহিত। পূর্বে উক্ত হইয়াছে যে, পাণিনি প্রপৌত্র অপেক্ষাও অধস্তন পুরুষদিগকে (রুদ্ধ প্রপৌত্র অতিরুদ্ধ প্রপৌত্র প্রভৃতি) ‘যুবন্’ শব্দে বিশেষিত করিয়াছেন। কিন্তু আমরা এস্থলে কেবল প্রপৌত্র

^{২৬} বঙ্গদর্শনের ‘আচার্য্য গোল্ডস্ট্রুকার-রচিত পাণিনি-বিচার’ লেখক এস্থলে বিষম ভ্রমে পতিত হইয়াছেন। তিনি কেবল ৪। ১। ১৬২ (অপত্যং পৌত্র প্রভৃতি গোত্রং) সূত্রানুসারেই ‘যুবন্’ শব্দ পৌত্র প্রপৌত্রাদিছোতক বলিয়া উল্লেখ করিয়াছেন। কিন্তু পাণিনি উক্ত সূত্রে ‘গোত্র’ সংজ্ঞার বিধান করিয়াছেন মাত্র। তৎপরবর্তী তিন সূত্রানুসারে ‘যুবন্’ সংজ্ঞা প্রপৌত্রাদি হইতে আরম্ভ হইবে। ‘পৌত্র’ উক্ত সংজ্ঞার বিষয়াক্রান্ত নহে।

বঙ্গদর্শন। প্রথম খণ্ড। ২৭০ পৃষ্ঠা দেখ।

^{২৭} কারিকা:—‘সর্বৈ সর্বপদাদেশা দাক্ষীপুত্রস্ত পাণিনেঃ’ ।

‘অথ শিক্ষাং প্রবক্ষ্যামি, পাণিনীয়েৎ মতং যথা ॥

শঙ্করঃ শাক্তরীং প্রাদাদাক্ষীপুত্রায় ধীমতে ।

বাজুরেভ্যঃ নমস্কৃত্য দেবীং বাচমিতি স্থিতিঃ ॥’

Comp. Monier Williams's ‘Indian Wisdom.’ P. 172.

^{২৮} ১। ২। ৬৫: রুদ্ধো যুনা তল্লক্ষণশ্চৈদেব বিশেষঃ ।
১। ২। ৬৬: স্ত্রী পুংবচ ।

দাক্ষিকা:—রুদ্ধো যুনেতি চ সর্বং । স্ত্রী রুদ্ধা যুনা সহ বচনে

অবধি করিয়াই পাণিনি ও ব্যাড়ির সম্বন্ধ নির্ণয় করি-
লাম। পাণিনি যে ব্যাড়ির পূর্ববর্তী ও আত্মীয় কেবল
তাহারই প্রমাণ প্রদর্শন করা আমাদেরই মুখ্য উদ্দেশ্য।
প্রপৌত্র অপেক্ষা অধস্তন পুরুষ ধরিয়া গণনা করিলে
পাণিনি ব্যাড়ির আরও পূর্ববর্তী বলিয়া প্রতিপন্ন
হইবেন, সন্দেহ নাই। যাহা হউক, পাঠকবর্গের সুস্পষ্ট
বোধ ও গণনার বৈশদ্য সম্পাদনার্থ উক্ত বংশাবলি
নিম্নে যথাযথ প্রদর্শিত হইল :—

দক্ষ

॥	॥
দাক্ষী ।	দাক্ষি ।
(জ্যেষ্ঠ। কন্যা)	(কনিষ্ঠ তনয়)
॥	॥
পাণিনি ।	○
	॥
	○
	॥

দাক্ষায়ণ (ব্যাড়ি) ।

শিখ্যতে। তল্লক্ষণশ্চেদেব বিশেষো ভবতি। পুংস ইবাশ্রাঃ কার্যঃ
ভবতি। স্ত্র্যর্থঃ পুমর্থবদ্ভবতি। গার্গীচ গার্গ্যায়ণশ্চ গার্গী।
বাৎসী চ বাৎসায়নশ্চ বাৎসী। দাক্ষী চ দাক্ষায়ণশ্চ দাক্ষী* ।

* আচার্য্য গোল্ডষ্টুক-কর-প্রণীত পাণিনি বিচারে “গার্গীচ গার্গ্যায়ণশ্চ
গার্গী। বাৎসীচ বাৎসায়নশ্চ বাৎসী। দাক্ষীচ দাক্ষায়ণশ্চ দাক্ষী”
এইরূপ লিখিত আছে। পুংলিঙ্গবৎ কার্য্য হইলে “গার্গী” প্রভৃতি পদত্রয়
কিন্নপে লিঙ্গ হইবে, বুঝিতে পারিলাম না। Goldstücker's Pāṇini.
P. 211, note. 239.

পাণিনি যে ব্যাড়ির পূর্ববর্তী তদ্বিষয়ে অন্য একটা প্রমাণ প্রদর্শিত হইতেছে। পাণিনি ৬। ২। ৩৬ সংখ্যক সূত্রে এই বিধান করিয়াছেন যে, দ্বন্দ্বন্যমাসে আচার্য্যের নামানুসারে বিশেষিত অন্তেবাসিদিগের পূর্ব পদ যথাবৎ স্বরে উচ্চারিত হইবে। কাত্যায়ন এই সূত্রের বার্তিককে উল্লেখ করিয়াছেন, যেখানে অনেক গুলি আচার্য্য-শিষ্যের নাম একত্র গ্রথিত হইবে, সেখানে অনেকের পূর্ব-পদত্বের সম্ভাবনা হেতু কোনটী যথাবৎ স্বরে উচ্চারিত হইবে, তদ্বিষয়ে সন্দেহ হইতে পারে। পতঞ্জলি কাত্যায়নের পোষকতা করিয়া ‘আপিশল-পাণিনীয়-ব্যাড়ীয়-গোতমীয়াঃ’ এই অনেক আচার্য্য-শিষ্যসম্ভাব্যবিত বাক্যটী উদাহরণ স্বরূপ উপন্যস্ত করিয়াছেন^{১১}। পতঞ্জলি-প্রদর্শিত এই উদাহরণে স্পষ্ট প্রতীত হইতেছে, আপিশলি, পাণিনি, ব্যাড়ি ও গোতম পরস্পর পর্যায়-ক্রমসম্বন্ধ। আপিশলি যে পাণিনির পূর্ববর্তী তাহা পূর্বে উল্লিখিত হইয়াছে। এক্ষণে পতঞ্জলির উদাহরণানুসারে আপিশলি-শিষ্যের পরবর্তী পাণিনি-শিষ্য, তৎপরবর্তী ব্যাড়ি-শিষ্য ও সর্ব পশ্চাৎ গোতম-শিষ্যের স্থান নিরূপিত হইতেছে। অতএব পাণিনি যে ব্যাড়ির

^{১১} ৬। ২। ৩৬ : আচার্য্যোপসর্জনশ্চান্তেবাসী ।

বার্তিক:—আচার্য্যোপসর্জনেহনেকস্তাপি পূর্বপদত্বাৎ সন্দেহঃ ।

ভাষ্য:—আচার্য্যোপসর্জনেহনেকস্তাপি পদস্ত পূর্বপদত্বাৎ সন্দেহো ভাতি । আপিশল-পাণিনীয়-ব্যাড়ীয়-গোতমীয়াঃ ।

পূর্ববর্তী তদ্বিশয়ে কাহারও সন্দেহ হইতে পারে না^{১০০} । পূজ্য ব্যক্তি ও কালগণনায় যে পূর্ববর্তী সচরাচর তাহার নামই পূর্বে প্রয়োজিত হইয়া থাকে । পাণিনির ২।২।৩৪ সংখ্যক সূত্রের বার্তিকে ও সম্ভাব্যিক সূত্রের ভাষ্যে ইহার যথার্থ্য পরিস্ফুট হইতেছে ।
পাণিনি এই সূত্রে কেবল অম্পাতর স্বরবিশিষ্ট শব্দের পূর্বসন্নিবেশের বিধান করিয়াছিলেন । কিন্তু কাত্যায়ন স্ববার্তিকের নির্দেশ করিয়াছেন যে, পূজ্য ব্যক্তির নাম পূর্বে সন্নিবেশিত হইবে, পরন্তু আনু-পূর্ব্যানুসারে ঋতু, নক্ষত্র ও ব্রাহ্মণাদি বর্ণের প্রয়োগ থাকিবে, আর জ্যেষ্ঠ ভ্রাতার নামও পূর্বে প্রয়োজিত হইবে^{১০১} । পতঞ্জলি-প্রদর্শিত উদাহরণে যখন পাণিনির

^{১০০} Goldstücker's Pāṇini. P. 212-213.

^{১০১} ২।২।৩৪ : অম্পাতরম্ ।

বার্তিক :—অভ্যর্হিতঞ্চ ।

ভাষ্য :—অভ্যর্হিতং পূর্বং নিপতীতি বক্তব্যম্ । মাতাপিতরৌ, ব্রাহ্মণমেধে ।

বার্তিক :—ঋতুনক্ষত্রাণামানুপূর্ব্যেণ সমানাক্ষরাণাম্ ।

ভাষ্য :—ঋতুনক্ষত্রাণামানুপূর্ব্যেণ সমানাক্ষরাণাম্ পূর্ব-নিপাতো বক্তব্যঃ । শিশির-বসন্তৌ ।

বার্তিক :—বর্ণাণামানুপূর্ব্যেণ ।

ভাষ্য :—বর্ণাণামানুপূর্ব্যেণ পূর্বনিপাতো ভবতীতি বক্তব্যম্ । ব্রাহ্মণ-কদ্রিয়-বিট-শূদ্রাঃ ।

বার্তিক :—ভ্রাতৃশ্চ জ্যায়সঃ ।

ভাষ্য :—ভ্রাতৃশ্চ জ্যায়সঃ পূর্বনিপাতো ভবতীতি বক্তব্যম্ । যুধিষ্ঠিরাঙ্কুরো ।

পরে ব্যাড়ির সন্নিবেশ হইয়াছে তখন প্রথমোক্ত ব্যক্তি অবশ্যই দ্বিতীয়ের পূর্ববর্তী ।

পাণিনির পূর্বসাময়িক যে কএকজন বৈয়াকরণ ছিলেন, যথাস্থলে তাঁহাদিগের নাম উল্লিখিত হইয়াছে । এক্ষণে যাক পাণিনির পূর্ববর্তী এবং ব্যাড়ি ও কাত্যায়ন পরবর্তী বলিয়া প্রতিপন্ন হইলেন । ইহাতে বৈয়াকরণ-ব্যুৎপত্তির মধ্যে পাণিনির স্থান নিরূপিত হইল বটে, কিন্তু তদীয় আবির্ভাব-সময়ের রহস্যোদ্ভেদ হইল না । বস্তুতঃ সূক্ষ্মরূপে পাণিনির আবির্ভাব সময় নির্ণয় করা একরূপ অসম্ভাবিত । যে দেশের ইতিহাস নাই, ইতিহাস-স্থানীয় বিষয়-পরম্পরা নাই, তদেদেশীয় লোকের জীবনী সঙ্কলনের প্রয়াস অন্ধকারে লোক্ট নিক্ষেপের ন্যায় অদৃষ্টলক্ষ্যানুসারী । যাহাহউক ; এপর্যন্ত প্রস্তাবিত বিষয় সম্বন্ধে যতদূর প্রমাণ প্রাপ্ত হওয়া গিয়াছে, আমরা তাহাই অবলম্বন করিয়া একটা সুল গণনার অবতারণায় প্রবৃত্ত হইলাম ।

বৌদ্ধ ধর্মের প্রাদুর্ভাবে ভারতীয় ঐতিহাসিক স্রোতঃ একটা নবীকৃত পথে প্রবাহিত হইয়াছে । এই ধর্মের বহুল প্রচারের সঙ্গে সঙ্গে ভারতবর্ষের পুরাত্তন সমূহের সঙ্কলন আরম্ভ হয় । বস্তুতঃ ভারতের সুবিশাল ঐতিহাসিক মরুভূমির মধ্যে বৌদ্ধ ধর্মের অভ্যুদয়, একমাত্র শ্যামল শস্য-পরিশোভিত ক্ষেত্র । ইহার পূর্বে ব্রাহ্মণ্য ধর্মের সমকালীন ভারত-পুরাত্তন অতি অস্পষ্ট ও অকি-

ক্ষিৎকর কিম্বদন্তী সমূহে পরিপূর্ণ ছিল । এই অস্পষ্ট সময়ে মহামতি শাক্যসিংহ কেবল সাম্যের মহিমা কীর্তন করিয়া ভারতে নূতন জীবনের সঞ্চার করেন । ভারতবর্ষ যেন দেহ-সঞ্চারিত তাড়িত তেজে অপূর্ব গতিবিশিষ্ট হইয়া নূতন পথে প্রধাবিত হয় । কলে সে সময়ে প্রতীপ বায়ুর উচ্ছ্বাসে তটিনী-হৃদয়ের ন্যায় ভারতের হৃদয়ও তরঙ্গায়িত হইয়া উঠে । এই পরিবর্তনে ভারতীয় ইতিহাস ক্ষেত্রের অনেক উপকার সাধিত হইয়াছে । পূর্বে যাহা সংশয়-শিলায় আবদ্ধ ছিল, বৌদ্ধ ধর্ম-শ্রোতঃ তাহা নূতন পথে লব্ধ-প্রসর করিয়াছে, এবং যাহা পরবর্তী মানবী বুদ্ধির অগম্য থাকিবার সম্ভাবনা ছিল, তাহাও উজ্জ্বলরূপে প্রতিভাসিত হইবার উপায় করিয়া দিয়াছে ।

আমরা এই বৌদ্ধ ধর্মের আবির্ভাব সময়কেই সীমা স্থানীয় করিয়া প্রস্তাবিত গণনায় প্রবৃত্ত হইব । পাণিনীয় সূত্রের কোনও স্থলে বৌদ্ধধর্ম-প্রবর্তয়িতা শাক্য সিংহ অথবা কেবল শাক্যের নাম পরিদৃষ্ট হয় না^{১০২} । এতদ্ব্যতিরিক্ত বৌদ্ধ ধর্মের প্রসিদ্ধ ‘নির্বাণ’ শব্দ

^{১০২} পাণিনীয় সূত্রের গণানুসারে ‘শাক্য’ পদ সিদ্ধ হইয়া থাকে । ইহা ৪।১।১০৫ ও ৪।৩।৯২ সংখ্যক সূত্রের গণানুসারে ‘শক’ শব্দের উত্তর যথাক্রমে ষণ্ ও ঞ্য প্রত্যয় দ্বারা সিদ্ধ হইতে পারে, পক্ষান্তরে ৪।১।১৫১ সূত্রের গণানুসারে ‘শাক’ শব্দ ও ঞ্য প্রত্যয় যোগেও নিষ্পন্ন হইতে পারে ।

ও পাণিনি কর্তৃক ব্যাখ্যাত হয় নাই । প্রাচীন আৰ্য্য-
গণ এত দিন যোগরত হইয়া যে গভীর সমাধিতে
নিমগ্ন ছিলেন, মুক্তিই তাহার চরম উদ্দেশ্য ছিল । এই
মুক্তি, মোক্ষ, অপবর্গ, নিঃশ্রেয়স প্রভৃতি নামে অভি-
হিত হইত । ব্রাহ্মণ্য মতে মুক্তি প্রভৃতি, আত্মার সর্ব
প্রকার দুঃখ নিরুতি ও অনন্ত সুখ অর্থে ব্যাখ্যাত হইয়া
থাকে । মহর্ষিগণ এই দুঃখ নিরুতি ও অনন্ত সুখ
ভোগের উদ্দেশ্যেই গভীর কাননে গভীর সমাধিতে
নিমগ্ন থাকিতেন । কিন্তু বৌদ্ধদিগের উদ্দেশ্য অন্য
প্রকার । ব্রাহ্মণ্য সম্প্রদায়ের মুক্তির অর্থ ইহাদি-
গের চরম ফলের অনেক বৈলক্ষণ্য আছে । অনেকে
বলেন, সাংখ্যদর্শন হইতে বৌদ্ধদর্শনের মূল আহৃত
হইয়াছে । ইহা কতদূর যথার্থ্য-প্রতিপাদক, তাহার
বিচার করা বর্তমান প্রস্তাবের উদ্দেশ্য নহে । কিন্তু
সাংখ্য ও বৌদ্ধদর্শন যে অনেকে বিষয়ে অভিন্ন
মতের সমষ্টি, তদ্বিষয়ে কাহারও সংশয় নাই । কপিল
ও শাক্য সিংহ উভয়েই নিরীশ্বর-বাদী; উভয়েই বৈদিক
মতের মুলোৎপাটনে কৃতহস্ত^{১০০} । এইরূপ সাদৃশ্য

^{১০০} এই সাদৃশ্য দর্শনেই বোধ হয় অধ্যাপক উইলসন্ সাহেব
শাক্যসিংহের জন্মভূমি ‘কপিলবস্তু’কে সাংখ্যদর্শন-প্রণেতা কপি-
লের বিষয় (অর্থাৎ বৌদ্ধদর্শন-প্রতিপাদ্য সাংখ্য মত) বলিয়া
নির্দেশ করিয়াছেন । See H. H. Wilson's "Buddha and
Buddhism" in Journal of the R. Asiatic Society. Vol.
XVI. or 'Religion of the Hindus.' Vol. II. P. 346.

থাকিলেও চরম ফল বিষয়ে সাংখ্য ও বৌদ্ধদিগের কিছু প্রভেদ লক্ষিত হয়। সাংখ্যদিগের চরম ফল অপবৰ্গ, অর্থাৎ প্রকৃতি পুরুষের সংযোগ-বিনাশ। বৌদ্ধদিগের অন্তিম উদ্দেশ্য নির্বান, অর্থাৎ জীবাত্মার বিধ্বংস। অতএব স্পষ্ট প্রতীত হইতেছে, নির্বান শব্দের এই অর্থ বৌদ্ধেরাই প্রথমে প্রচারিত করেন^{১০০}। বেদের ব্রাহ্মণ ভাগে ‘নির্বান’ শব্দ ‘মোক্শ’ ‘অপবৰ্গ’ প্রভৃতির সহিত অভিন্নার্থক বলিয়া উল্লিখিত হইয়াছে^{১০১}। বৌদ্ধ-প্রচারিত অর্থের সহিত ইহার কোনও সাদৃশ্য নাই। সংস্কৃত কোষ ইত্যাদিতে ‘নির্বান’ শব্দের প্রদীপ নির্বান (নিতে যাওয়া) অর্থও নির্দ্ধারিত হইয়াছে। আমাদিগের অনুমান হয়, বৌদ্ধগণ এই ‘নিতে যাওয়া’ অর্থ হইতেই ‘জীবাত্মার বিধ্বংস’ অর্থ প্রতিপাদন করিয়াছেন। যাহাহউক; ব্রাহ্মণ্য মতের আত্মার দুঃখ নিবৃত্তি ও অনন্ত সুখের সহিত বৌদ্ধ মতের নির্বান-গত অর্থের বিলক্ষণ পার্থক্য আছে। পাণিনি ৮।২।৫০ সংখ্যক সূত্রে বলিয়াছেন, অবাত (বায়ু-শূন্যতা, অর্থাৎ প্রবলরূপে

^{১০০} মোক্ষমূলরের মতে বুদ্ধ-শিষ্য কাশ্যপ-প্রণীত অভিধর্ম নামক বৌদ্ধ শাস্ত্রে জীবাত্মার বিধ্বংস-বাচক অর্থে নির্বান শব্দ প্রয়োগিত হইয়াছে। ‘Chips from a German Workshop.’ Vol. I. 284.

^{১০১} ‘Chips from a German Workshop.’ Vol. I. 283.

বহন-শূন্য বায়ু) অর্থে ‘নিরু’ এই উপসর্গের পরবর্তী ‘বা’ ধাতুর নিষ্ঠার ত স্থানে ন হয়। যথা; নির্বাণ। কাত্যায়ন স্ববার্ত্তিকে লিখিয়াছেন, ‘নির্বাণ’ শব্দ বায়ু-শূন্যতা ব্যতিরিক্ত অন্য অর্থে প্রয়োজিত হইয়া থাকে। পতঞ্জলি এস্থলে কাত্যায়ন-কৃত বার্ত্তিকের পোষকতা করিয়া বলিয়াছেন, বহন-শূন্য বায়ু ব্যতীত অন্য অর্থেও ‘নির্বাণ’ শব্দ ব্যবহৃত হয়। যথা; বায়ু কর্তৃক অগ্নি নির্বাণ, বায়ু কর্তৃক প্রদীপ নির্বাণ^{১০৬}। এতদ্বারা স্পষ্ট প্রতীত হইতেছে, ‘নির্বাণ’ শব্দের বৌদ্ধ মতানুযায়ী জীবাত্তার বিধ্বংস-বাচক অর্থ দূরে থাকুক, সামান্য ‘নিভে যাওয়া’ অর্থও পাণিনির পরিজ্ঞাত ছিল না। ‘নির্বাণ’ শব্দ পরে অন্যার্থ-দ্যোতক হওয়াতেই কাত্যায়ন স্ববার্ত্তিকে উহার সংশোধন করিয়াছেন। অতএব যে ‘নিভে যাওয়া’ হইতে বৌদ্ধগণ আত্মার বিধ্বংস-বাচক অর্থ

১০৬ চ। ২। ৫০ : নির্বাণোহবাতে ।

বার্ত্তিক :—অবাতাতিধানে ।

ভাষ্য :—অবাতাতিধান ইতি বক্তব্যম্ । ইহাপি যথা স্তাৎ ।

নির্বাণোহগ্নির্বাতেন । নির্বাণঃ প্রদীপো বাতেনেতি ।

কৈয়ট (কৈয়াট) :—অবাতাতিধান ইতি । তেন নির্বাণো বাত ইত্যত্রৈব নহ্ন নিষেধো ন তু ভাবে নিষ্ঠায়ামিতি নির্বাণং বাতে-নেতি ভাব্যমিতি বার্ত্তিককারস্য দর্শনম্ । অত্রো তু বাত-কর্তৃকে ধাত্বর্থে সর্বত্র নিষেধমিচ্ছন্তি । নির্বাণো বাতঃ । নির্বাণং বাতেনেতি । নির্বাণঃ প্রদীপো বাতেনেত্যত্র তু বাতঃ করণ-মিতি প্রতিষেধাত্যবঃ ।

প্রতিপন্ন করিয়াছেন, পাণিনি সেই অর্থ প্রচরদ্রুপ হইবার ও বহু পূর্বে প্রাহুভূত হইয়াছিলেন । অন্যথা তিনি কেবল বায়ু-শূন্যতা অর্থে ‘নির্বাণ’ শব্দের উল্লেখ করিয়াই তুষ্ণীভাব অবলম্বন করিতেন না । অতএব পাণিনি যে শাক্য সিংহ বুদ্ধের বহু পূর্ববর্তী তদ্বিষয়ে সংশয় হইতে পারে না । ভট্ট মোক্ষমূলর বলেন, খ্রীঃ পূঃ ৪৭৭ অব্দে বুদ্ধের নির্বাণ প্রাপ্তি হয়^{১০৭} । কিন্তু এই সিদ্ধান্ত অন্যান্য পুরাতত্ত্বজ্ঞদিগের অনুমোদনীয় হয় নাই । তাঁহার খ্রীঃ পূঃ ৫৪৩ অব্দ, বুদ্ধের তিরোভাবের সময় বলিয়া নির্দেশ করেন । মহাবংশের মতানুসারে এই গণনাই যথার্থ্য-প্রতিপাদক^{১০৮} । অধ্যাপক লামেনও ইহার পোষকতা করিয়াছেন । পূর্বে প্রদর্শিত হইয়াছে, ব্রাহ্মণ ভাগের ‘আরণ্যক’ অধ্যায় পাণিনির অপরিজ্ঞাত ছিল । মোক্ষমূলর লিখিয়াছেন, ‘আরণ্যক’ ব্রাহ্মণ ভাগের শেষ সময়ে বিরচিত হইয়াছে^{১০৯} । তিনি খ্রীঃ পূঃ ৮০০ হইতে খ্রীঃ পূঃ ৬০০ অব্দ পর্য্যন্ত এই ভাগের সময় নিরূপণ করিয়াছেন^{১১০} । পাণিনি সম্ভবতঃ খ্রীঃ পূঃ ৮০০ ও ৭০০ অব্দের মধ্যবর্তী সময়ে বর্তমান ছিলেন ।

^{১০৭} An. San. Lit. P. 298.

^{১০৮} Turnour's 'Mahawanso.' Appendix. P. lx.

^{১০৯} An. San. Lit. P. 341.

^{১১০} Ibid. P. P. 313, 435, and 'Clips from a German workshop' Vol. 1. P. 15.

কেবল একটা সামান্য গণনানুসারে পাণিনির আবি-
 র্ভাব কাল নির্ণয় করিতেই আমাদেরকে এতদূর অগ্রসর
 হইতে হইয়াছে। ইহার পর তদীয় জীবনী-মধ্যে কি
 কি ঘটনা সজ্জাটিত হইয়াছিল, তাহা স্থির করিবার
 উপায় নাই। বস্তুতঃ সজীব পাণিনির চরিত্র চিত্রিত
 করিবার প্রয়াস পাওয়া অসম্ভবতমস্যাচ্ছন্ন গৃহে অভীষ্ট
 দ্রব্যানুসন্ধানের ন্যায় নিরবচ্ছিন্ন অলক্ষ্যানুসারিতার
 পরিচায়ক। প্রথিত আছে, পাণিনি পণিনি বংশোদ্ভব।
 বোধ হয় স্বীয় বংশের নামানুসারেই পাণিনির নাম-
 করণ হইয়াছে। দেবল নামক জনৈক ব্যবস্থা-প্রণেতা
 তাঁহার পিতামহ। গন্ধার (বর্তমান কান্দাহার) প্রদেশস্থ
 শলাতুর^{১১১} নগর তদীয় জন্মভূমি। এতন্নিবন্ধন পাণিনি

^{১১১} জেনারেল কানিংহাম বর্তমান লাহোরকেই পাণিনির
 জন্ম-ভূমি ‘শলাতুর’ বলিয়া স্থির করিয়াছেন। কানিংহামের
 মতে, ‘শলাতুর’ প্রথমে ‘হলাতুর’ শব্দে উচ্চারিত হইয়া ক্রমে
 ‘অলাতুর’ ও পরিশেষে ‘লাহোর’ নামে পরিণত হইয়াছে।
 কানিংহাম খ্রীষ্টীয় ১৮৪৮ অব্দে লাহোরের নিকটবর্তী পল্লীতে
 কএকটি গ্রীক মুদ্রা প্রাপ্ত করেন। এ গুলি তাঁহার মতে
 অতি প্রাচীন, এমন কি খ্রীঃ পূঃ ৩৫০ অব্দের (কানিংহামের
 লিখনানুসারে ইহাই পাণিনির আবির্ভাব সময় বলিয়া বোধ
 হয়) সাময়িক বলিয়া প্রতীত হইয়াছে। যাহাহউক, আমরা
 কানিংহামের এই মতে আত্মবান্ হইতে পারি না। সুপ্রসিদ্ধ
 হোয়েন্সসাক্স ‘শলতুলো’ নামক একটা স্থান পরিদর্শন করিয়া-
 ছিলেন। তদীয় নির্দেশানুসারে এই ‘শলতুলো’ গুহিন্দ প্রদে-
 শের ২২ মাইল অর্থাৎ ৩৬ মাইল উত্তর পশ্চিমে অবস্থিত ছিল।

‘শালাতুরী’ নামে অভিহিত হইয়া থাকেন, এবং মাতার নাম দাক্ষী বলিয়া তাঁহাকে ‘দাক্ষ্য’ও বলা গিয়া থাকে^{১১৭}। কেবল শব্দ বিদ্যার প্রসাদেই পাণিনির রত্নাস্ত্র সম্বন্ধে এই পর্য্যন্ত অবগত হওয়া গিয়াছে^{১১৮}।

পাণিনি বৈয়াকরণ বিজ্ঞানে অসাধারণ দক্ষতা ও নৈপুণ্য প্রকাশ করিয়াছেন। ঈদৃশ নৈপুণ্য প্রদর্শন

হোয়েন্সসাক্সর নির্দিষ্ট ‘শলতুলো’ পাণিনির জন্ম-স্থান ‘শলাতুর’ বলিয়াই বোধ হয়। শলাতুর সহিত লাহোরের অভেদ কল্পনা করা যাইতে পারে না। Vide Cunningham’s ‘Ancient Geography of India.’ P. 57-58.

^{১১৭} ‘Indian Wisdom.’ P. 172.

^{১১৮} শাস্ত্র-প্রবীণ জীযুক্ত বাবু রাজেন্দ্রলাল মিত্র ‘এসিয়াটিক সোসাইটী জরনাল’ নামক সাময়িক পত্রে লিখিয়াছেন যে, মোক্ষমূলর ও গোলডফ্টকর উভয়ই পাণনিকে বুকের পূর্ববর্তী বলিয়া স্থির করিয়াছেন। কিন্তু মোক্ষমূলরের মতানুসারে পাণিনি যে শাক্য সিংহের পরসাময়িক তাহা আমরা পূর্বে প্রদর্শন করিয়াছি। মোক্ষমূলর বলেন, পাণিনি খ্রীঃ পূঃ ৩৫০ অব্দে প্রাদু-ভূত হইলেন, এদিকে তদীয় মতানুসারে খ্রীঃ পূঃ ৪৭৭ অব্দে বুকের নির্বাণ প্রাপ্তি হয়। অতএব মোক্ষমূলরের মতে পাণনিকে বুকের পূর্ববর্তী বলা যাইতে পারে না। আমাদের মতে গোলডফ্টকরই পাণনিকে বুকের পূর্বসাময়িক স্থির করিয়াছেন। See ‘Journal of the Asiatic Society of Bengal.’ Vol. XLIII. P. 254.

কাঠিগড়া প্রদেশে বসতিবংশীয়দিগের একখানি তাত্ত্বিক পাওয়া গিয়াছে। পণ্ডিতবর ব্রাহ্মক গোপাল ভট্টাচার্য্য এই তাত্ত্বিক লিপির অর্থোদ্ধার করেন। ইহাতে লিখিত আছে, ‘দ্বিতীয়

অম্প ক্রমতার পরিচায়ক নহে । এই অলোক সামান্য বুদ্ধির জন্যই তিনি অদ্যাপি লোক সমাজে ঈশ্বরানু-
গৃহীত ঋষি বলিয়া পূজিত হইতেছেন । কেবল ইহাই
নয়, ঋষি শব্দের ব্যুৎপত্তি গত অর্থও পাণিনিতে প্রয়ো-
জিত হইয়া থাকে । উপমন্ব্যতনয় ‘দৃশ’ ধাতু হইতে
‘ঋষি’ শব্দ নিষ্পন্ন করিয়াছেন^{১১৪} । এই মতানুসারে
ঋষি শব্দের অর্থ, ‘দ্রষ্টা’ অর্থাৎ যিনি ঈশ্বর কর্তৃক
অনুপ্রাণিত হইয়া মন্ত্র সমূহ দর্শন করেন^{১১৫} । পাণি-

ধর সেনের কনিষ্ঠ ভ্রাতা ঋবসেন শালাতুরীয় গ্রন্থে বিলক্ষণ
ব্যুৎপন্ন ছিলেন।’ পূর্বে প্রদর্শিত হইয়াছে, ‘শালাতুরীয়’ পাণিনির
নামান্তর । ইহাতে কেহ কেহ পাণিনিকে বল্লভিবংশের সাময়িক
বলিয়া নির্দেশ করিতে পারেন । কিন্তু কর্ণেল টডের মতে
খ্রীষ্টীয় দ্বিতীয় শতাব্দীর মধ্যভাগে বল্লভিবংশীয়দিগের রাজত্ব
আরম্ভ হয় । পরন্তু উক্ত তাত্ত্বিকলের লিপি অনুসারে খ্রীষ্টীয় ৩৫০
অব্দ দ্বিতীয় ধর সেনের রাজত্ব কাল নিরূপিত হইয়াছে ।
ঈদৃশ আধুনিক সময়ে প্রাচীন ঋষি পাণিনির আবির্ভাব একান্ত
অসম্ভাবিত । কোন প্রাচীন গ্রন্থে এক জন ব্যুৎপত্তিলাভ
করিলেই সেই গ্রন্থ তৎসাময়িক বলিয়া নির্দেশ করা একান্ত
যুক্তি-রিক্ত । বর্তমান ঊনবিংশ শতাব্দীর লোকে পাণিনীয় গ্রন্থে
ব্যুৎপন্ন হইতেছেন বলিয়া পাণিনি অবশ্যই ঊনবিংশ শতাব্দীর
লোক বলিয়া বিবেচিত হইবেন না । Vide ‘Indian Antiquary.’
Vol. I. P. 16, 17, 45.

^{১১৪} ‘ঋষি দর্শনাৎ । স্তোম্যানু দদর্শেতি ঐপমন্তবঃ ।’ নিকট ।

^{১১৫} ‘সাক্ষাৎকৃতধর্ম্মাণ ঋষয়ো বভূবু স্তেহবরেভ্যোহিসাক্ষাৎ-
কৃত-ধর্ম্মভ্য উপদেশেনে যজ্ঞান্ সম্প্রাহুঃ ।’ নিকট ।

নিতে এই দৃশ ধাতু-মূলক ঋষি শব্দ প্রয়োজিত হয় বলিয়া টীকাকারগণের সকলেই ‘আচার্য্য বলিতেছেন’ এই বাক্যের পরিবর্তে ‘আচার্য্য দেখিতেছেন’ এইরূপ বাক্য বিন্যাস করিয়া গিয়াছেন^{১১৬} । ফলে পাণিনির অতিজ্ঞতা ও প্রাচীনত্বের বিষয় বিবেচনা করিলে পূর্বতন বৈদিক ঋষি-সমাজে তাঁহার স্থান নির্দেশ করা বিস্ময়াবহ বলিয়া প্রতীত হইবে না ।

‘সাক্ষাৎকৃতো যৈ ধর্মঃ সাক্ষাৎদৃষ্টঃ প্রতিবিশিষ্টেন তপসা ।
ত ইমে সাক্ষাৎকৃত ধর্মাণঃ । কে পুন স্ত ইতি । উচ্যতে । ঋষয়ঃ ।
অমুখ্যাৎ কর্মণ এবমর্থবতা মজ্জেন সংযুক্তাদমুনা প্রকারেণৈবং
লক্ষণ-ফল-বিপরিণামো ভবতীতি ঋষয়ঃ । ঋষির্দর্শনাৎ ।’
ইত্যাদি । হুর্গাচার্য্য-কৃত নিকৃত ব্যাখ্যা । Comp. Muir’s ‘Sanskrit
Texts.’ Part II. P. 174-175.

‘তন্ধৈতৎপশ্চন্নবিবীমদেবঃ প্রতিপেদে । অহং মমুরভবং
স্বর্ঘ্যশ্চেতি ইত্যাদি ।

শতপথ ব্রাহ্মণ । বেবের সাহেব প্রকাশিত স্ক্রু
যজুর্বেদ । দ্বিতীয় খণ্ডের ১০৫২ পৃষ্ঠা দেখ ।

‘য আঙ্গিরসঃ শৌনহোত্রো ভূহা ভার্গবঃ শৌনকোহভবৎ স
গৃৎসমদো দ্বিতীয়ং মণ্ডলমপশ্চাদিতি ।’

ঋগ্বেদসংহিতা । দ্বিতীয় মণ্ডল । সায়নাচার্য্যধৃত-
অনুক্রমণিকাবচন ।

‘ঋষয়ো মজ্জ-দ্রফ্যারঃ ।’ ঋক্ প্রাতিশাখ্য ।

‘যজ্ঞকাণ্ড-দ্রফ্যার ঋষয়ঃ ।’ নাগোজী তট ।

‘ঋষি শব্দেনাত্র মজ্জ-দ্রফ্যারঃ ।’ ঐ ।

^{১১৬} ‘পশ্চাদি হুর্গাচার্য্যে নাকারহস্তাতো লোপো ভবতীতি ।’
ইত্যাদি । এই পুস্তকের ৩৭ পৃষ্ঠার ৪১ সংখ্যক টিপ্পনী দেখ ।

পাণিনির সূত্র-পাঠ আট অধ্যায়ে পরিসমাপ্ত ।
 এতন্নিবন্ধন ইহা ‘অষ্টাধ্যায়ী’ ও ‘অষ্টকম্ পাণিনীয়ম্’
 নামে কথিত হইয়া থাকে । এই সূত্রপাঠের প্রত্যেক
 অধ্যায়ে অনধিক চারিটি করিয়া ‘পাদ’ (পরিচ্ছেদ)
 আছে । সমগ্র গ্রন্থে সর্ব শুদ্ধ ৩৯৯৬ টি সূত্র পরিদৃষ্ট হয় ।
 কিন্তু পণ্ডিতগণ ইহার মধ্যে ৩ কি ৪ টি সূত্র পাণিনির
 প্রণীত বলিয়া স্বীকার করেন না । সূত্ররাং ইহাদিগের
 মতানুসারে ৩৯৯২ কি ৩৯৯৩ টি সূত্রে পাণিনির
 সূত্রপাঠ সম্পূর্ণ হইয়াছে ^{১১৭} ।

এক্ষণে পাণিনি-প্রণীত গ্রন্থই ভারতবর্ষের প্রাচীন-
 তম ব্যাকরণের মধ্যে পরিগণিত । অধিক কি ইহাকে
 পৃথিবীস্থ সমুদয় জাতির ব্যাকরণের মধ্যে প্রাচীন বলিয়া

^{১১৭} অধ্যাপক বোত্লিংক প্রথমে এই বিষয় প্রদর্শন করেন ।
 তাঁহার মতে ৪।১।১৬৬, ১৬৭; ৪।৩।১৩২; ৫।১।৩৬;
 ৬।১।৬২, ১০০, ১৩৬; এই ৭ টি আদৌ বার্তিকের মধ্যে
 পরিগণিত ছিল, পরে পাণিনীয় সূত্রপাঠে স্থান পরিগ্রহ করি-
 য়াছে (Otto Boehtlingk's Pāṇini, Preface, P. XX, note.) ।
 কিন্তু আচার্য্য গোলডষ্টুকর ইহার প্রতিবাদ করিয়াছেন । তাঁহার
 মতানুসারে বোত্লিংকের প্রদর্শিত সপ্ত সূত্রের মধ্যে কেবল ৪।৩।
 ১৩২; ৫।১।৩৬; ও ৬।১।৬২ এই সূত্র ত্রয় সন্দেহ যুক্ত ।
 কারণ; পাতঞ্জল মহাভাষ্যে প্রথমটি ৪।৩।১৩১ সূত্রের,
 দ্বিতীয়টি ৫।১।৩৫ সূত্রের ও তৃতীয়টি ৬।১।৬১ সূত্রের বার্তিক
 রূপে উল্লিখিত হইয়াছে । See Goldstücker's Panini. P.
 29-30, note 28. Comp. 'Indian Wisdom.' P. 173, and
 Chambers's 'Encyclopædia,' Vol. VII. P. 282, article Pāṇini.

নির্দেশ করিলেও অতিবাদ দোষে দূষিত হইতে হয় না । লণ্ডন নগরস্থ ইণ্ডিয়া হাউসের ও মান্দ্রাজস্থ পরীক্ষক সমাজের পুস্তকাগারে একখানি ব্যাকরণ আছে । ইহা পাণিনির পূর্ববর্তী শাকটায়ন প্রণীত বলিয়া প্রসিদ্ধ । কিন্তু এই ব্যাকরণ বাস্তবিক শাকটায়ন প্রণীত কি না, তদ্বিষয় সংশয়-জালে আচ্ছন্ন আছে । প্রমাণানুসারে এ খানিকে আধুনিক বলিয়াই বোধ হয় ^{১১৮} ।

প্রথিত আছে ‘মাহেশ’ নামক একখানি ব্যাকরণ সমুদয় ব্যাকরণের আদি । এই ব্যাকরণে যাহা আছে, পাণিনীয় ব্যাকরণে তাহার শতাংশের একাংশও নাই । এতৎ সম্বন্ধে একটি উদ্ভট কবিতাও ইদানীন্তন ভট্টাচার্য্য সম্প্রদায়ের মধ্যে প্রচলিত আছে ^{১১৯} । পরন্তু পাণিনীয় ব্যাকরণের প্রথম চতুর্দশটি সূত্র শিব-সূত্র বলিয়া কথিত হইয়া থাকে । এতন্নিবন্ধন ‘শিক্ষা’ নামক প্রসিদ্ধ বেদাঙ্গে ইহার আভাস উপলক্ষিত হয় ^{১২০} । সাধারণের বিশ্বাস, পাণিনি এক জন মহেশ্বরানুগৃহীত ঋষি । বোধ হয় .সোমদেবের পাণিনি-সম্বন্ধিনী উপকথাই এই বিশ্বাসের প্রসূতি । এই অন্ধ-

^{১১৮} Chambers's 'Encyclopædia.' Vol. VII. P. 232.

^{১১৯} ‘যানুজ্জহার মাহেশাদ্ ব্যাসো ব্যাকরণার্ণবঃ ।

কিন্তানি পদরত্নাদি সন্তি পাণিনি-গোঙ্গদে ॥’

^{১২০} ‘যেনাক্ষরসমাম্রায় মধিগম্য মহেশ্বরঃ ।

.কৃৎস্বং ব্যাকরণং প্রোক্তং তন্মৈ পাণিনয়ে নমঃ ॥’

ভক্তি-সুপভ আত্ম-প্রত্যয় হইতেই যে উক্ত কিম্বদন্তীস্বর
প্রচররূপ হইয়াছে, তদ্বিষয়ে সন্দেহ নাই ।

অষ্টাধ্যায়ী সূত্র ব্যতীত পাণিনি-বিরচিত ‘ধাতু
পাঠ’ সর্বত্র প্রসিদ্ধ আছে । এতদ্ব্যতীত যে উগাদি
দৃষ্ট হয়, আচার্য্য গোলড্‌ফুকের মতে তাহাও পাণিনির
বিরচিত । মোক্ষমূলর এই উগাদি ও উগাদিসূত্র পাণিনির
পূর্বসাময়িক বলিয়া নির্দেশ করিয়াছেন^{১১১} । ডাক্তর
অক্লেটও এই মতাবলম্বী । তিনি স্বপ্রকাশিত উগাদি
সূত্রের ভূমিকায় লিখিয়াছেন, ‘উগাদি সূত্রের প্রকৃত
রচয়িতা অদ্যাপি স্থিরীকৃত হয়েন নাই । কিন্তু উহা
পাণিনির পূর্বে বিরচিত হইয়াছে^{১১২} ।’ নাগোজি
ভট্টের মতে উগাদিসূত্র শাকটায়ন-প্রণীত^{১১৩} । বস্তুতঃ
উগাদি অনেক । রূপমালাগ্রন্থে উগাদিসূত্র বররুচি
(কাত্যায়ন) প্রণীত বলিয়া লিখিত আছে^{১১৪} । যাহা-

^{১১১} An. San. Lit. P. 151.

^{১১২} Ujjvaladatta's commentary on the Unnadi Sutras.
Edited by Theodor Aufrecht. Preface. P. viii.

^{১১৩} Ibid.

^{১১৪} উগাদিয়ো বহুলম্ । সহজাবিষয়ে স্ম্যঃ । তাভ্যামন্ত-
ত্রোমোদয়ঃ । সম্প্রদানাপাদানাত্যামন্তম্নিষেবার্থে স্ম্যঃ । লকা-
ম্মসরণোমেরা । অনুবন্ধা উগাদিসু । বহুলোক্ত্যা প্রসাধ্যানি তেহু
কার্য্যান্তরাণিচ । উগাদিসুসূক্তীকরণায় বররুচিনা পৃথগেব হুজাগি
প্রণীতানি । Dr Aufrecht's ‘Unnadi Sutras.’ P. lx.

হউক; উগাদিসূত্র বহু ও বিভিন্ন মতানুসারে বিভিন্ন জনের প্রণীত হইলেও, পাণিনীয় ব্যাকরণে যে উগাদি আছে, তাহা পাণিনির রচিত বলিয়াই বোধ হয় ^{১১৭} । তট্ট মোক্ষমূলর স্বপ্রণীত ‘প্রাচীন সংস্কৃত সাহিত্য শাস্ত্রের ইতিহাসে, শান্তন (শান্তনব) প্রণীত কিট্ সূত্র-কেও পাণিনির পূর্ববর্তী বলিয়া নির্দেশ করিয়াছেন ^{১১৮} । আচার্য্য গোলডষ্ট্রুকের প্রদর্শিত প্রমাণানুসারে ইহার বাথার্থ্য প্রতিপন্ন হয়নাই । বস্তুতঃ কিট্ সূত্র যে পাণিনির অনেক পরে রচিত হইয়াছে, তাহা নাগোজী তট্ট-কৃত ব্যাখ্যাতেই প্রকাশ পাইতেছে ^{১১৯} ।

কেহ কেহ কিট্ সূত্রের ন্যায় প্রাতিশাখ্য সমূহকেও পাণিনীয় ব্যাকরণের পূর্ববর্তী বলিয়া থাকেন । বেদের উচ্চারণ ও স্বর-পদ্ধতি-জ্ঞাপক সূত্র সমূহ প্রাতিশাখ্যে বিরত হইয়াছে । প্রতি বৈদিক শাখায় তিন্ন তিন্ন সূত্র সমূহ উপন্যস্ত হইয়াছে বলিয়া ইহা প্রাতিশাখ্য নামে অভিহিত হইয়া থাকে । কিন্তু এই স্বর-পদ্ধতি-জ্ঞাপক সূত্র সমূহ বিন্যস্ত থাকিলেও প্রাতিশাখ্য ব্যাকরণ স্থানীয় নহে । সূতরাং প্রাতিশাখ্য দ্বারা ব্যাকরণের উদ্দেশ্য সংসাধিত হয় না । আচার্য্য

১১৭ Goldstücker's Pānini. P. 181.

১১৮ An. San. Lit. P. 152.

১১৯ ‘যদ্য কিট্ সূত্রানি পাণিনিরপেক্ষয়। আধুনিক কর্তৃক। নীতি পরতঃ বোধ্যম্ ।’

গোলড্‌স্ট্রুকের মতে সমুদয় প্রাতিশাখ্য পাণিনির পরে
বিরচিত হইয়াছে^{১১৭}। কিন্তু অন্যান্য শাস্ত্রদর্শী পণ্ডিত-
গণের মতের সহিত ইহার ঐক্য দৃষ্ট হয় না। ঋগ্বে-
দের শাকল প্রাতিশাখ্য শৌনক-প্রণীত বলিয়া প্রসিদ্ধ
আছে^{১১৮}। এই শৌনক যে পাণিনির পূর্ববর্তী, তাহা
তদীয় সূত্র দ্বারাই প্রতিপন্ন হইতেছে^{১১৯}। অতএব
আপাতঃ ঋক্ প্রাতিশাখ্য পাণিনির পূর্ববর্তী বলিয়াই
বোধ হয়^{১২০}। শুক্ল যজুর্বেদের বাজসনেয় প্রাতি-

১১৮ Goldstücker's Pāṇini. P. 195-213.

১১৯ 'শৌনকীয়' দশগ্রন্থাস্তদা ঋগ্বেদ-গুপ্তয়ে ।

অৰ্ঘ্যানুক্রমণীত্যাছা ছান্দসী দৈবতী তথা ॥

অনুবাকানুক্রমণী সূক্তানুক্রমণীতথা ।

ঋক্ পাদয়ো বিধানে চ বাহুর্দৈবতমেব চ ॥

প্রাতিশাখ্যঃ শৌনকীয়ঃ স্মার্তঃ দশমযুগ্যতে ।

স সূত্রদশকং জ্ঞান তথা সাক্ষতগোত্রজঃ ।'

বড় গুরুশিষ্য ।

১২০ ৪।৩। ১০৫: পুরাণ-প্রোক্তেষু ব্রাহ্মণকল্পেষু ৪।৩।

১০৬: শৌনকাদিত্য শৃঙ্গদিশি ।

শৌনক যে অতি প্রাচীন বৈদিক ঋষি, সায়নাচার্য্যোদ্ধৃত
অনুক্রমণিকাবচনে তাহার প্রমাণ প্রাপ্ত হওয়া যায় যথা;

'ঋদ্ধিঃ শৌনকোহিতবৎ স
গৃহমুদো দ্বিতীয়ং মণ্ডলমপশুদিতি ।'

১০৭ ভট্টমাক্ষমূলর ও অধ্যাপক মণিয়ার উইলিয়াম্ প্রভৃতি
এই মতাবলম্বী* । কিন্তু আচার্য্য গোলড্‌স্ট্রুকের ইহার প্রতিকূল

* Müller's An. Sen. lāt. P. 120. Monier Williams's Indian Wisdom.

শাখ্য পাণিনির পর সাময়িক, সন্দেহ নাই । কাत्याয়ন এই প্রাতিশাখ্যের প্রণেতা । এই কাत्याয়ন যে পাণিনির পরবর্তী তাহা আমরা যথাস্থলে প্রদর্শন করিয়াছি ।

পাণিনির সময়ে লিপি-কার্য প্রচলিত ছিল কি না, তদ্বিশয়ে অনেকের সন্দেহ আছে । কেহ কেহ বলেন, পাণিনীয় সময়ে সমুদয় বিষয়ই মুখে মুখে অভ্যস্ত হইত । আমরা এই মতের পোষকতা করিতে প্রস্তুত নহি । যিনি ব্যাকরণ-বিজ্ঞতা প্রভাবে অদ্যাপি সমুদয় জাতির সমক্ষে সৰ্ব্ব প্রধান ব্যাকরণাচার্য বলিয়া পূজিত হইতেছেন, তাঁহার সময়ে লিখন-প্রণালী প্রচলিত ছিল না, এরূপ নির্দেশ করা স্কুল-দর্শিতার পরিচায়ক, সন্দেহ নাই । লিপি-কার্য প্রচলিত না থাকিলে পাণিনি কখনও এত সূক্ষ্মরূপে বৈয়াকরণ নিয়ম সমূহ উপন্যস্ত করিয়া সৰ্বত্র সম্মানিত হইতে পারিতেন না । বস্তুতঃ

যুক্তি দ্বারা মোক্ষমূলরের মত খণ্ডন করিয়াছেন ঋক্ প্রাতিশাখ্যে ব্যাড়ির নাম দৃষ্ট হয় । পূর্বে প্রদর্শিত হইয়াছে, এই ব্যাড়ি পাণিনির পরবর্তী । ইহাতে ঋক্ প্রাতিশাখ্য পাণিনির পর সাময়িক বলিয়াই প্রতিপন্ন হইতেছে । শৌনক ঋক্ প্রাতিশাখ্যের কর্তা নহেন । এই প্রাতিশাখ্যের টীকাকার লিখিয়াছেন, শৌনকের নাম উক্ত প্রাতিশাখ্যে স্মরণার্থ উল্লিখিত হইয়াছে. (নাম গ্রহণং স্মরণার্থম্) । Vide Goldstücker's Panini. P. 208, note 231. Comp. Rik-P. in the 'Journal Asiatique, Vol. VII.

যে সময়ে বিজ্ঞান ও শিল্প চাতুরী প্রভাবে সভ্যতা
 স্রোতঃ শতধা প্রসৃত হইতেছিল, সুবর্ণময় আভরণ,
 যুদ্ধোপযোগী বর্ম ও অস্ত্রাদি নির্মিত হইয়া ক্রমো-
 ন্নতির পরিচয় দিতেছিল, এবং যে সময়ে প্রভাববর্তী
 চিকিৎসা বিদ্যা অনুশীলিত হইয়া উৎপৎস্তমান জাতির
 শোক সন্তাপের প্রতীকার বিধানে নিয়োজিত ছিল,
 ক্রয় বিক্রয় ব্যবস্থা, বাণিজ্য-যাত্রা, উত্তরাধিকার
 নিয়ম প্রভৃতি সর্ব প্রকার বৈষয়িক ব্যাপার সমাজে
 বদ্ধমূল হইতেছিল^{১০২}, সে সময়ে লিপিকার্য রূপ
 একটি অত্যাবশ্যক বিষয় প্রচররূপ ছিল না, ইহা কোন্
 দূরদর্শী ব্যক্তি অস্বীকার করিতে পারেন ?

মোক্ষমূলর স্বপ্রণীত ‘প্রাচীন সংস্কৃত সাহিত্য শাস্ত্রের
 ইতিহাসের’ এক স্থলে লিখিয়াছেন, ‘পাণিনি এবং বৌদ্ধ
 ধর্মের প্রথমাবর্তাবের পূর্বে যে ভারতবর্ষে লিখন-
 প্রণালী সম্পূর্ণরূপে অপরিজ্ঞাত ছিল তদ্বিষয়ে বলবৎ
 প্রমাণ প্রদর্শিত হইতে পারে । পাণিনির সময়ে লিপি-
 কার্য প্রচলিত থাকিলে তদীয় বৈয়াকরণ সংজ্ঞা সমূহ
 অপেক্ষাকৃত বিশদরূপে বিবৃত হইত’^{১০৩} । মোক্ষমূলরের
 এই লিখন-ভঙ্গীতে স্পষ্ট প্রতীত হয়, লিপিকার্য
 কেবল পাণিনির পূর্বে নয়, পাণিনির সময়েও প্রচলিত
 ছিল না । পূর্বে প্রদর্শিত হইয়াছে, মোক্ষমূলরের মতে

১০২ Wilson's introduction to Rigveda. P. xli.

১০৩ Müller's San. Lit. P. 507.

পাণিনি খ্রীঃ পূঃ সার্ব্ব ত্রিশত অদে প্রাহুভূত হইয়া-
ছিলেন। অতএব তদীয় নির্দেশানুসারে ইহাই
প্রতিপন্ন হইতেছে যে, যখন গ্রীসদেশে প্লেতো কাল-
কবলিত ও আরিস্ততল আবিভূত হইয়াছিলেন, তখন
ভারতবর্ষে লিপিকার্য রূপ একটি প্রয়োজনীয় বিষয়
প্রচারিত হয় নাই।

আচার্য্য গোলড্‌কর প্রভৃতি এই অসঙ্গত মতের
প্রতিবাদ করাতে মোক্ষমূলর পরিশেষে প্রকারান্তরে
স্বকীর করিয়াছেন যে, পাণিনীয় সময়ে লিপিকার্য্য
প্রচলিত ছিল^{১০৪}। ফলে প্রস্তাবিত বিষয় সম্বন্ধে
ভুরি ভুরি প্রমাণ প্রদর্শিত হইতে পারে। পাণিনীয়
সূত্রের অনেক স্থলে ‘গ্রন্থ’ শব্দের উল্লেখ দৃষ্ট হয়।
মোক্ষমূলর এই ‘গ্রন্থ’ শব্দ কেবল রচনা-বাচক বলিয়া
নির্দেশ করিয়াছেন^{১০৫}। কেবল ব্যুৎপত্তি অনুসারে
বিবেচনা করিতে হইলে ‘গ্রন্থ’ যে এই অর্থেই প্রয়ো-
জিত হইয়া থাকে তাহা সর্ব্বথা স্বীকার্য্য। কিন্তু
পাণিনীয় সময়ে যে উহা ‘লিখিত পুস্তক’ অর্থে ব্যবহৃত
হইত, ৪।৩।১১৬ সংখ্যক সূত্রেই তাহার স্পষ্ট নিদ-
র্শন লক্ষিত হয়^{১০৬}। মোক্ষমূলর এক স্থলে বলিয়া-
ছেন, যে কৈরটের নির্দেশানুসারে এই সূত্রটি পাণিনির

১০৪ Preface to Rigveda. Vol. IV. P. lxxiii.

১০৫ History of An. San. Lit. P. 522.

১০৬ ৪।৩।১১৬ : কৃতে গ্রন্থে।

বিরচিত নয়^{১০৭} । কিন্তু কাত্যায়ন ও পতঞ্জলি যখন এই সূত্র লইয়া বিচার করিয়াছেন, (এই প্রস্তাবের ৩৩ পৃষ্ঠা দেখ) তখন উহা পাণিনি-প্রণীত নয় বলিয়া স্বীকার করা যাইতে পারে না^{১০৮} ।

পাণিনির ৭।৪।৫৩ সংখ্যক সূত্রে ‘বর্ণ’ শব্দের নির্দেশ আছে । ‘বর্ণ’ লিখিত অক্ষরেরই দ্যোতক । কাত্যায়ন ৩।৩।১০৮ সংখ্যক সূত্রের বার্তিকের বর্ণের উত্তর ‘কার’ প্রত্যয়ের বিধান করিয়াছেন । যথা ; ‘অকার,’ ‘ইকার,’ ‘উকার,’ ইত্যাদি । লিখন-প্রণালী প্রচলিত না থাকিলে কখনও ‘অকার’ ‘ইকার’ প্রভৃতি লিপি-বাচক শব্দ ব্যবহৃত হইত না^{১০৯} ।

পাণিনীয় ৪।১।৪৯ সংখ্যক সূত্রানুসারে ‘যবনানী’ পদ সিদ্ধ হইয়া থাকে । কাত্যায়ন ও পতঞ্জলি এই ‘যবনানী’ শব্দের যবন-লিপি অর্থ নির্দেশ করিয়াছেন ।

^{১০৭} An. San. Lit. P. 361, note.

^{১০৮} মোক্ষমূলর স্বপ্রকাশিত চতুর্থ খণ্ড গ্রন্থের ভূমিকায় লিখিয়াছেন, কৈরটের নির্দেশানুসারে ৪।৩।১৩২ সংখ্যক সূত্রই পাণিনির রচিত নয় । ৪।৩।১১৬ সংখ্যক সূত্র কেবল টীকায় ব্যাখ্যাত হয় নাই । কিন্তু তিনি প্রাচীন সংস্কৃত সাহিত্য শাস্ত্রের ইতিহাসের ৩৬১ পৃষ্ঠার প্রথম টিপ্পনীতে স্পষ্ট লিখিয়াছেন, কৈরটের মতে ৪।৩।১১৬ সংখ্যক সূত্র পাণিনি কর্তৃক প্রণীত হয় নাই । Preface to Rigveda. Vol. IV. P. lxxiv.

^{১০৯} বার্তিক :—(৩।৩।১০৮) বর্ণাংকারঃ ।

তাৎপ্য :—বর্ণাংকার প্রত্যয়ে বক্তব্যঃ । আকারঃ ইকারঃ ।

বেবের এই ‘যবন’ শব্দ গ্রীক অথবা সেমিতির জাতির দ্যোতক বলিয়াছেন ^{১৪০} । মোক্ষমূলরের মতে ‘যবনানী’ সেমিতির জাতির বর্ণমালা । এই বর্ণমালা সেকন্দর সাহের ভারতাক্রমণ ও পাণিনির আবির্ভাবের পূর্বে ভারতবর্ষে প্রচলিত ছিল ^{১৪১} । যাহা হউক, এস্থলে ‘যবন’ শব্দ সম্ভবতঃ আর্য্যেতর পারসীক জাতির দ্যোতক ^{১৪২} । হিস্তাম্পেস-তনয় দেয়াসের ভারতাক্রমণের বহু পূর্বেও পারস্য দেশে যে লিখিত বর্ণমালা প্রচলিত ছিল, অবশ্যই তাহা পাণিনির পরিজ্ঞাত ছিল, অন্যথা তিনি ‘যবনানী’ শব্দের প্রয়োগ করিতেন না ।

৩।২।২১ সংখ্যক সূত্রানুসারে ‘লিপিকর’ পদ সিদ্ধ হইয়া থাকে । পাণিনি যখন ‘লিপিকর’ শব্দটী জানিতেন, তখন তদানীন্তন সময়ে যে লিখন-প্রণালী প্রচলিত ছিল, তাহা সহজেই প্রতিপন্ন হইয়া উঠে । ক্রিয়া ও কৰ্ত্তা পরস্পর ঘনিষ্ঠ সম্বন্ধে নিবদ্ধ । জন-সমাজে একটী অপ্রচলিত থাকিলে কখনও অন্যটী

^{১৪০} Indische Studien. I. 144.

^{১৪১} An. San. Lit. 521.

^{১৪২} সংস্কৃত কাব্যাদিতেও পারস্যদেশীয়গণ ‘যবন’ সংজ্ঞায় বিশেষিত হইয়াছে । যথা রঘুবংশে,

‘পারসীকাংশতো জেতুং প্রতপ্তে স্থলবস্তুনা ।

ইন্দিয়াখ্যানিব বিপুংস্তত্ত্বজ্ঞানেন সংযমী ॥

যবনী-মুখপদ্মানাং

* * *

লব্ধপ্রসঙ্গ ইহাতে পারে না। লিপিকর পাণিনীয় সময়ে বর্তমান থাকিলে অবশ্যই তৎক্রিয়া লিপি কার্যেরও অস্তিত্ব ছিল।

পাণিনির সময়ে যে বৈদিক গ্রন্থ সমূহ লিপিবদ্ধ হইত, তদীয় সূত্র সমূহে তাহার প্রমাণ প্রাপ্ত হওয়া যায়। ৬।৪।৭৩ সংখ্যক সূত্রে লিখিত হইয়াছে যে, ‘বেদেতেও অনুজাদির বৃদ্ধি দৃষ্ট হইয়া থাকে’ এবং ৭।১।৭৬ সংখ্যক সূত্রে লিখিত আছে, ‘বেদেতেও অস্থ্যাদির স্থানে অনঙ্ আদেশ দেখা যায়’^{১৪৩}। বৈদিক গ্রন্থ সমূহ লিপিবদ্ধ না থাকিলে পাণিনি কখনও ঐদৃশ নিয়ম বিধান করিতেন না। যদি বেদ কেবল মুখে মুখেই প্রচলিত থাকিত, তাহা হইলে বৈদিক গ্রন্থে দৃষ্ট হইবে কি প্রকারে? দর্শনজ্ঞান ব্যতীত ‘বৈদিক গ্রন্থেও দৃষ্ট হইয়া থাকে,’ এরূপ বাক্য বিন্যাস করা সর্বতোভাবে অসম্ভাবিত^{১৪৪}।

পাণিনি কেবল বৈয়াকরণ বিজ্ঞান প্রদর্শন করিয়া সাহিত্য সংসারের উপকার করেন নাই, পূর্বতন সময়-

১৪৩ ৬।৪।৭৩ }
 ৭।১।৭৬ } : চন্দ্রশ্রুতি দৃষ্টান্তে।

১৪৪ বাহুল্যভয়ে এই বিষয়ের সমুদয় যুক্তি উল্লিখিত হইল না। কুতূহলপর পাঠকবর্গ আচার্য্য মৌলভীকর-কৃত পাণিনি বিচারের ১৫ হইতে ৬৬ পৃষ্ঠা পর্যন্ত দেখিবেন।

প্রসিদ্ধ স্থানাদির উল্লেখ করিয়াও প্রাচীন ভারত ও তৎসম্বন্ধিত প্রদেশের অন্ধতমসাম্পন্ন ভৌগোলিক তত্ত্বের পথ অনেকাংশে আলোকিত করিয়া গিয়াছেন । পাণিনীয় সূত্রে আফগানিস্থান ও পঞ্জাবের অনেক প্রাচীন নগরাদির নাম পরিদৃষ্ট হইয়া থাকে । আমরা এইস্থলে অতি সংক্ষেপে পাণিনীয় সময় প্রসিদ্ধ নগরাদির বিষয় বিবৃত করিতে প্রবৃত্ত হইলাম ।

গ্রীক ও রোমীয় ভূগোল-বিদগণ আফগানিস্থানের সর্বোত্তরবর্তী নগরকে ‘কপিসেনে’ নামে নির্দেশ করিয়া থাকেন । সুপ্রসিদ্ধ চৈনিক পরিব্রাজক হোয়েন্স্ সাঙ্গ্ ইহা ‘কৈপিসে’ নামে অভিহিত করিয়াছেন । পাণিনির ৪।২।৯৯ সংখ্যক সূত্রে ‘কাপিণী’ নগরের নাম দৃষ্ট হয় । এই সূত্রানুসারে উক্ত নগর জাত মদ্য ‘কাপিশায়ন’ ও দ্রাক্ষা ‘কাপিশায়নী’ সংজ্ঞায় অভিহিত হইয়া থাকে । বর্তমান কাবুলের নিকটবর্তী স্থান এক্ষণেও উৎকৃষ্ট দ্রাক্ষারসের নিমিত্ত সর্বত্র বিখ্যাত । অতএব উক্ত স্থান বিশেষই যে গ্রীক ও রোমীয়দিগের নিকট ‘কপিসেনে,’ হোয়েন্স্ সাঙ্গের নিকট ‘কৈপিসে’ এবং পাণিনির নিকট ‘কাপিণী’ নামে পরিচিত ছিল, তাহাষয়ে বোধ হয় সংশয় হইতে পারে না । হোয়েন্স্ সাঙ্গ্ কর্তৃক আফগানিস্থানের অন্য একটা নগর ‘কলম্বু’ নামে কথিত হইয়াছে । কেহ কেহ ‘কলম্বু’ ও আধুনিক ‘ওয়ান’ অভিন্ন জ্ঞান করেন । জেনারেল

কানিঙ্গংহাম্ এই ‘ফলম্’ ও ‘ওয়ান,’ ‘বাম্’ নামে নির্দেশ করিয়াছেন। কিন্তু এ পর্যন্ত কেহ ইহার সংস্কৃত নামের উল্লেখ করেন নাই। পাণিনির সূত্রে (৪।২।১০৩; ৪।৩।৯৩) ‘বণু’ শব্দের উল্লেখ দৃষ্ট হয়। এই শব্দ ৪।২।১০৩ সংখ্যক সূত্রে স্বনাম প্রসিদ্ধ নদ ও ‘তৎসমীপবর্তী দেশ’ অর্থে প্রয়োজিত হইয়াছে। হোয়েন্সুসাজের ‘ফলম্’ ও কানিঙ্গংহামের ‘বাম্’ সহিত এই বণুর অভিন্নতা কল্পনা করা যাইতে পারে। পাণিনি ৪।২।৭৭ সংখ্যক সূত্রে ‘সুবাস্ত’ নামে একটী নদীর উল্লেখ করিয়াছেন। এই সুবাস্তই এক্ষণে সোয়াট (কাবুল নদীর শাখা) নামে প্রসিদ্ধ হইয়াছে।

প্রসিদ্ধ দিগ্বিজয়ী সেকন্দর সাহ ‘অর্গস’ নামক যে পার্শ্বত্য দুর্গ অধিকার করিতে অতুল সাহস ও পরাক্রম প্রদর্শন করিয়াছিলেন, তাহার সন্নিবেশ-স্থান অদ্যাপি সূক্ষ্মরূপে নির্ণীত হয় নাই। ইহার সংস্কৃত নামও অপরিজ্ঞাত রহিয়াছে। অধ্যাপক উইলসন্ নির্দেশ করিয়াছেন যে, সংস্কৃত ‘আবরণ’ শব্দ হইতে এই ‘অর্গস’ নাম নিষ্পন্ন হইয়াছে^{১৪৫}। জেনারেল কানিঙ্গহামের মতে ‘বর’ নামক নৃপতি হইতে অর্গসের নামকরণ হইয়াছে। পাণিনি ৪।২।৮২ সংখ্যক সূত্রে ‘বরণ’ নামক স্থানের উল্লেখ করিয়া-

ছেন । বোধ হয় পাণিনির এই ‘বরণ’ হইতেই ‘অর্ণস্’ নাম সিদ্ধ হইয়াছে । সিন্ধু নদীর দক্ষিণ তীরে (আটকের ঠিক অপর পাশ্বে) ‘বরণস্’ নামক একটা স্থান অদ্যাপি বর্তমান আছে । ইহাতে অনুমিত হয়, প্রসিদ্ধ পার্শ্বত্য দুর্গ ‘অর্ণস্’ এই স্থানেই অবস্থিত ছিল ^{১৪৬} ।

পুরাতত্ত্বগণ প্রাচীন ‘ওর্তম্পান্’ ও বর্তমান ‘কাবুল’ অভিন্ন স্থান বলিয়া নির্দেশ করেন । এই ‘ওর্তম্পানের’ সংস্কৃত নাম অদ্যাপি নির্ণীত হয় নাই । অধ্যাপক উইলসন্ বলেন, সংস্কৃত ‘উর্দ্ধস্থান’ হইতে ‘ওর্তম্পান’ নাম সিদ্ধ হইয়াছে । কিন্তু এরূপ অনুমান যে নিরবচ্ছিন্ন কল্পনামূলক, তাহা হৃদয়বান্ ব্যক্তি মাত্রেই স্বীকার করিবেন । হোয়েনসাঙ্গের মতানুসারে প্রস্তাবিত নগর ‘ফোলিমিসতঙ্গন’ নামক স্থানের নিকটবর্তী । পাণিনির ৫।৩। ১১৭ সংখ্যক সূত্রে ‘পশু’ নামক একটা যোদ্ধা জাতির উল্লেখ আছে । অতএব ওর্তম্পানের সহিত পশুদিগের আবাসক্ষেত্র পশুস্থানের অভিন্নতা কল্পনা করিলে বোধ হয় অসঙ্গত হইবে না ।

পাণিনি পঞ্জাবকে বাহীক নামে অভিহিত করিয়াছেন ^{১৪৭} । পুরাতত্ত্ব পাঠে অবগত হওয়া যায়, প্রসিদ্ধ

^{১৪৬} Indian Antiquary. Vol. I. P. 22.

^{১৪৭} ৪।২।১১৭ }
৫।৩।১১৮ }

সেকন্দর সাহ বৈজয়ন্তী সেনা সমভিব্যাহারে পঞ্জাবে প্রবিষ্ট হইয়া ইরাবতী নদী উত্তরণ পূর্বক ‘সাজ্জল’ নগর বিধ্বংস করেন। ইউরোপীয় পুরাতত্ত্বজ্ঞগণ এই ‘সাজ্জল’ নগরের সহিত সংস্কৃত ‘শাকল’ জনপদের অভেদ কল্পনা করিয়া থাকেন। কিন্তু মহাত্মারত ও হোয়েন্স্ সাজ্জের নির্দেশানুসারে ‘শাকল’ জনপদ ইরাবতী নদীর পশ্চিম তটে অবস্থিত। সেকন্দর সাহ যখন পশ্চিম দিক হইতে আগমন পূর্বক ইরাবতী উত্তীর্ণ হইয়া ‘সাজ্জল’ নগর ধ্বংস করেন, তখন উহা পশ্চিম তটবর্তী ‘শাকল’ জনপদ বলা যাইতে পারে না। অধ্যাপক উইলসন প্রস্তাবিত বিষয় সম্বন্ধে লিখিয়াছেন, পূর্ব তটবর্তী ‘শাকল’ নগর সেকন্দর কর্তৃক বিধ্বস্ত হইলে, উহা পুনর্বার পশ্চিম তটে স্থাপিত হয়। জেনারেল কানিংহাম বিবেচনা করেন, সেকন্দর একবার নদী উত্তরণ পূর্বক পুনর্বার প্রত্যাবর্ত হইয়া উক্ত নগর বিনষ্ট করেন। উভয় মতই ভ্রান্তি-বিজৃম্বিত ও কুহকিনী কল্পনার কুপোষ্য। হোয়েন্স্ সাজ্জ স্বয়ং ‘শাকল’ নগর পরিদর্শন করিয়া উহার বর্ণনা লিপিবদ্ধ করিয়াছেন। পরন্তু শাকল নগর, একজন নৃপতি দ্বারা শাসিত, এদিকে সেকন্দরের বিধ্বস্ত ‘সাজ্জল’ অরাজক জনপদ। সুতরাং এতদুভয়ের অভেদ কল্পনা করা নিরবচ্ছিন্ন স্কুল-দর্শিতার পরিচায়ক।

পাণিনির ৪।২।৭৫ সূত্রে সংস্কলাদিগণ নির্দিষ্ট

হইয়াছে। এই ‘সঙ্কল’ স্বনাম প্রসিদ্ধ ব্যক্তি বিশেষের দ্যোতক। সঙ্কল কর্তৃক স্থাপিত জনপদ ‘সাকল’ নামে অভিহিত হইয়া থাকে। এই সাকলের সহিত ইরাবতী নদীর পূর্বতটবর্তী সাকলের বিশিষ্ট সাদৃশ্য লক্ষিত হয়। সাকলের সহিত সাকলের অভেদ কল্পনা না করিয়া পাণিনির সাকলকে সাকল নামে অভিহিত করাই সর্বতোভাবে বিধেয়। এরূপ করিলে উইলসন ও কানিংহামের ন্যায় কষ্ট কল্পনার আশ্রয় গ্রহণ করিতে হয় না। পূর্বে উক্ত হইয়াছে যে, সেকন্দর সাহ সাকল নগর ধ্বংস করেন। ইহাতে প্রতিপন্ন হইতেছে, পাণিনি সেকন্দরের বহু পূর্বে প্রাদুর্ভূত হইয়াছিলেন। অন্যথা উক্ত নগরের অস্তিত্ব তাঁহার পরিজ্ঞাত থাকিত না।

হোয়েন্ড সাক পঞ্জাবের মধ্য প্রদেশকে ‘পলকেটো’ নামে নির্দেশ করিয়াছেন। জুলিয়েন হোয়েন্ড সাকের পলকেটোকে ‘পর্বত’ নামে অভিহিত করেন। জেনারেল কানিংহাম পর্বতের পরিবর্তে ‘সোর্বত’ নাম নির্দেশ করিয়াছেন। কিন্তু পাণিনীর ৪।২। ১৪৩ সংখ্যক সূত্রে ‘পর্বত’ নামক স্থানের স্পষ্ট উল্লেখ আছে। সুতরাং কানিংহামের মত যে ভ্রান্তি-বিলসিত তদ্বিশয়ে সন্দেহ নাই।

সেকন্দর সাহ পঞ্জাবে প্রবিষ্ট হইয়া ‘মালী’ ও ‘অকি-দ্রক’ নামক দুই রণ-প্রিয় জাতি পরাজিত করেন।

শাস্ত্রদর্শী উইলসন্ শেযোক্তটীকে ‘শূদ্রক’ নামে বিশেষিত করিয়াছেন। কিন্তু পাণিনি ৫।৩। ১১৪ সংখ্যক সূত্রে এই বিধান করিয়াছেন যে, পঞ্জাব-দেশীয় যোদ্ধ-জাতি বুঝাইতে তাহাদিগের নামের উত্তর ‘ব’ আদেশ ও পূর্ব স্বরের বৃদ্ধি হয়। টীকাকারগণ ইহার দৃষ্টান্ত স্থলে ‘মালব্য’ ও ‘ক্ষৌদ্রক্য’ এই দুটি পদের নির্দেশ করিয়াছেন। অতএব ‘মালব’ ও ‘ক্ষুদ্রক’ নামেযে পঞ্জাব দেশে দুটি রণনিপুণ জাতি বাস করিত, তদ্বিষয়ে সন্দেহ নাই। এই মালব ও ক্ষুদ্রকের সহিত অনায়াসে সেকন্দরের পরাজিত ‘মালী’ ও ‘অক্ষিদ্ৰক’ জাতি তুলনীয় হইতে পারে ^{১৪৮}।



কাত্যায়ন ।



আমরা ঋষি-প্রধান পাণিনির বিষয় যথাকথঞ্চিৎ রূপে বিবৃত করিয়া এক্ষণে কাত্যায়ন ও পতঞ্জলির প্রতি মনোযোগ বিধান করিতে প্রবৃত্ত হইতেছি। পাণিনীয় গ্রন্থের যত সমালোচন বর্তমান আছে, তন্মধ্যে কাত্যায়ন-রূত বার্তিকই সর্ব প্রধান রূপে পরিগণিত হইয়া থাকে। কাত্যায়নের পূর্বে কেহই পাণিনীয়

সূত্রের প্রতি হস্ত ক্ষেপ করেন নাই । কাত্যায়ন পাণিনি-সমালোচনে অসাধারণ দক্ষতা ও বিজ্ঞতা প্রদর্শন করিয়াছেন । পাণিনির ন্যায় ইহাঁর জীবনী সংক্রান্ত বিষয় পরস্পরাও গাঢ় অন্ধকারে আবৃত । কথাসরিৎসাগর যে পাণিনি ও কাত্যায়নকে এক সূত্রে গ্রথিত করিয়াছে তাহা আমরা পূর্বেই প্রদর্শন করিয়াছি । কথাসরিৎসাগর উপন্যাস গ্রন্থ, সূতরাং তাহাতে আস্থাবান্ হইতে পারা যায় না । আশ্চর্য্যের বিষয় এই, ইদানীন্তন শাস্ত্র-প্রবীণ ব্যক্তিগণ এই উপন্যাসে আস্থাবান্ হইয়া স্বীয় গ্রন্থ অসার পাণ্ডিতে পরিপূর্ণ করিতেছেন । অন্ধকে পথ প্রদর্শকের কার্য্যে নিয়োজিত করিলে যেরূপ দিশাহারা হইতে হয়, উল্লিখিত ব্যক্তিগণও সেইরূপ দিক্ ভ্রমে পতিত হইয়া পদে পদে লক্ষ্যচ্যুত হইতেছেন । এষ্ট ভারতের ভূভাগ্য ও বিদ্বৎসমাজের কলঙ্কের বিষয় মন্দেহ নাই ।

শাস্ত্র-দর্শী শ্রীযুত মণিয়ার উইলাম্‌স্ লিখিয়াছেন, কাত্যায়ন সম্ভবতঃ পাণিনির এক শত বৎসর পরে বিশ্ব সংসারে অবতীর্ণ হইয়াছিলেন^{১৪৯} । মোক্ষমূলর, বার্তিককার কাত্যায়ন বররুচি ও ‘প্রাকৃত প্রকাশ’ নামক প্রসিদ্ধ প্রাকৃত ব্যাকরণকার বররুচিকে অভিন্ন জ্ঞান করিয়াছেন^{১৫০} । ইণ্ডিয়া হাউসের পুস্তকালয়স্থ সর্বান্-

১৪৯ Indian Wisdom. P. 176.

১৫০ Müller's An. San. Lit. P. 239-240.

ক্রমণীতে ‘অত্র শৌনকাদিমতসংগ্রহীতুর্বররুচেরনুক্রম-
ণিকা’ এই বচন পাঠ করিয়াই বোধ হয় তিনি এইরূপ
ভ্রান্ত হইয়াছেন। মেদিনীকোষে কাত্যায়নের অপরা
নাম বররুচি বলিয়া উল্লিখিত ^{১৫১} থাকাতে তাঁহার ভ্রম
অধিকতর বদ্ধমূল হইয়াছে। শ্রীযুত ফিট্জ্ এডবার্ড
হল সাহেবও এই ভ্রমে পতিত হইয়াছেন ^{১৫২}। কথিত
আছে প্রাকৃতপ্রকাশকার বররুচি বাসবদত্তা প্রণেতা
সুবন্ধুর মাতুল ^{১৫৩}। পুরাতত্ত্বজ্ঞদিগের মতে এই বররুচি
খ্রীষ্টাব্দ বিক্রমাদিত্যের সময় অর্থাৎ খ্রীষ্টীয় ষষ্ঠ শতাব্দীতে
বর্তমান ছিলেন। কিন্তু পাণিনির বার্তিককার ইহার বহু
পূর্ববর্তী। সুতরাং এই কাত্যায়নের সহিত বররুচির
অভেদ কল্পনা করা যাইতে পারে না।

কেহ কেহ বলেন আচার্য্য গোলড্ফুকের মতে
বার্তিককার কাত্যায়ন ভাষ্যকার পতঞ্জলির সমসাম
য়িক ^{১৫৪}। কেহ কেহ আবার কাত্যায়নকে পতঞ্জলির

^{১৫১} ‘কাত্যায়নো বররুচৌ বিশেষেচ যুনেঃ পুমান্ ॥’ মেদিনী।

^{১৫২} হল-সাহেব প্রকাশিত বাসব দত্তা-ভূমিকার ২৩ পৃষ্ঠা।

^{১৫৩} ঐ ৬ পৃষ্ঠা দেখ।

^{১৫৪} Chambers's Encyclopædia, article Kātyayana.

শ্রীযুক্ত বাবু রামদাস সেন স্বপ্রণীত ঐতিহাসিক রহস্যস্থ
বররুচি-শীর্ষক প্রস্তাবেও এইরূপ উল্লেখ করিয়াছেন। কিন্তু
গোলড্ফুকের কোথায় কাত্যায়নকে পতঞ্জলির সমকালবর্তী বলিয়া-
ছেন, আমরা তাহা অনুসন্ধান করিয়া পাইলাম না।

আচার্য্য বলিয়াও নির্দেশ করিয়াছেন^{১০০} । আমরা এই উভয় মতেই আস্থাবান হইতে পারিলাম না । কাত্যায়ন পাণিনির একজন মহাপ্রতিদ্বন্দ্বী । অনেক স্থলে পাণিনির দোষ প্রদর্শনার্থই তদীয় বার্তিক প্রণীত হইয়াছে । বস্তুতঃ কাত্যায়নের ন্যায় কেহই বিদ্বেষ বুদ্ধিপরিচালিত হইয়া পাণিনি-সমালোচনে প্রবৃত্ত হইয়েন নাই । পক্ষান্তরে পতঞ্জলির ভাষ্য অন্যবিধ উপাদানে নির্মিত হইয়াছে । পতঞ্জলি অনেক স্থলে পাণনিকে কাত্যায়নের প্রবল আক্রমণ হইতে বিমুক্ত করিতে যথাসাধ্য চেষ্টা পাইয়াছেন । বস্তুতঃ বার্তিক-কৃত আক্রমণ নিবারণ জন্য পতঞ্জলির মহাভাষ্য একটী সুদৃঢ় দুর্গ স্বরূপ । কাত্যায়ন ও পতঞ্জলিতে গুরু-শিষ্য-ভাব নিবদ্ধ থাকিলে পতঞ্জলি কদাপি কাত্যায়নের মত-বিরোধী হইয়া পাণিনির পোষকতা করিতেন না । অন্তেষ্বাসী কখনও পূজ্যপদে আচার্য্যকে সাধারণ্যে অপদস্থ করিতে বদ্ধপরিকর হইয়া ঈদৃশ বিচারমল্লতা প্রদর্শন করেন না ।

যদিও কাত্যায়নের আবির্ভাবকাল নির্ণয় সম্বন্ধে এ পর্য্যন্ত কোন বিশ্বাস্য প্রমাণ প্রাপ্ত হওয়া যায় নাই, তথাপি দৃঢ়তা সহকারে নির্দেশ করা যাইতে পারে যে, তিনি পাণিনির পরে ও পতঞ্জলির পূর্বে বর্তমান

^{১০০} See Chambers's Encyclopædia. Vol. VII. P. 232, article, Pāṇini.

ছিলেন। এ সম্বন্ধে অধ্যাপক মণিয়ার উইলিয়ামস্ যে অভিপ্রায় ব্যক্ত করিয়াছেন, তাহা নিতান্ত অসঙ্গত বোধ হয় না।

কাত্যায়ন নামে কেবল একজন ব্যক্তি ভারত ইতিহাসের সহিত সংসৃষ্ট নহেন। বৌদ্ধ ধর্ম প্রচারয়িতা সুপ্রসিদ্ধ শাক্য সিংহের শিষ্য শ্রেণীর মধ্যেও একজন। কাত্যায়নের নাম পরিদৃষ্ট হইয়া থাকে। কিন্তু খ্যাতনামা বৈদিক ঋষি কাত্যায়নের সহিত এই বুদ্ধ-শিষ্য কাত্যায়নের কোনও সংস্রব লক্ষিত হয় না।

কাত্যায়ন পাণিনীয় ব্যাকরণের বার্তিক ব্যতীত শুক্ল যজুর্বেদ সংহিতার মাধ্যন্দিন প্রাতিশাখ্য, সর্বানুক্রমণী ও বৈদিক কম্পাসুত্র প্রণয়ন করিয়াছেন। আচার্য্য গোলডষ্টুকরের নির্দেশানুসারে কাত্যায়ন মাধ্যন্দিন প্রাতিশাখ্যের পরে পাণিনীয় ব্যাকরণের বার্তিক রচনা করেন।

আচার্য্য গোলডষ্টুকর ও অধ্যাপক বেবের উভয়েই কাত্যায়নকে পূর্বদেশ-বাসী বলিয়া নির্দেশ করিয়াছেন^{১৫৩}। কিন্তু অধ্যাপক রামকৃষ্ণ গোপাল ভণ্ডারকর মহাভাষ্য হইতে একটি বাক্য উপন্যস্ত করিয়া প্রতিপন্ন করিয়াছেন যে, কাত্যায়ন দাক্ষিণাত্যবাসী ছিলেন। তাঁহার মতে কাত্যায়নের শকাব্দাশাসন সম্ব-

ক্ষীয় একটি বার্তিক এই :- ‘যথা লৌকিক বৈদিকেষু (যেমন লোক-প্রসিদ্ধ ও বেদ-প্রসিদ্ধ বাক্য)।’ পতঞ্জলি এই বার্তিক লক্ষ্য করিয়া ব্যঙ্গ সহকারে লিখিয়াছেন, ‘প্রিয়তদ্ধিতা হি দাক্ষিণাত্যাঃ । যথা লোকে বেদে চেতি প্রয়োক্তব্যে যথা লৌকিকবৈদিকেষু প্রযুক্তে (দাক্ষিণাত্য-বাসিগণ তদ্ধিত-প্রিয় । লোকে ও বেদে প্রয়োগের স্থলে ইহারা লৌকিক ও বৈদিক প্রয়োগ করিয়া থাকে)।’ পতঞ্জলি যখন কাত্যাযনকৃত বার্তিকের রচনা-ভঙ্গী দেখিয়া দাক্ষিণাত্য-বাসিদিগের প্রতি এইরূপ পরিহাস বাক্য প্রয়োগ করিয়াছেন, তখন দাক্ষিণাত্যের স্থান বিশেষই যে কাত্যাযনের জন্ম-ভূমি ছিল, তাহা নিঃসন্দ্বিধরূপে প্রতিপন্ন হইতেছে ^{১২৭} ।

পতঞ্জলি ।



পাণিনি ও কাত্যাযন যেমন ইতিহাস ক্ষেত্রে দুঃশ্চন্দ্য সংশয় জালে আচ্ছন্ন হইয়া রহিয়াছেন, পতঞ্জলি তাদৃশ দশাপন্ন নহেন । মহাভাষ্যের প্রসাদে আমরা তদীয় আবির্ভাব কাল সম্বন্ধে অনেক বিষয় অবগত হইতে পারি । বস্তুতঃ পতঞ্জলির মহাভাষ্য যেমন বৈয়াকরণ

ব্যাখ্যার শীর্ষ স্থানে বিরাজ করিতেছে, সেইরূপ গ্রন্থ-
কর্তার সময় নিরূপণ সম্বন্ধেও আংশিক সাহায্য করিয়া
জীবন বৃত্তের সম্মানিত পদে সমাসীন রহিয়াছে ।

যদিও মহাত্মাষ্যের উপন্যস্ত দৃষ্টান্ত সমূহের সার
নিষ্কৰ্ষ করিলে পতঞ্জলির আবির্ভাব কাল বিনির্ণয়ে
সমর্থ হইতে পারা যায়, তথাপি ব্যাখ্যাকারকের প্রমাদ-
বশতঃ উহা সংশয়-তিমিরের বহিষ্কৃত হয় নাই । আচার্য্য
গোলড্‌ফুকের এতৎসম্বন্ধে যে অভিপ্রায় ব্যক্ত করিয়া-
ছেন, অধ্যাপক বেবের তাহাতে আস্থাবান হইতে
পারেন নাই; এবং শাস্ত্র-প্রবীণ রামকৃষ্ণ গোপাল
ভণ্ডারকর গোলড্‌ফুকেরকৃত সিদ্ধান্তের পোষকতা করিয়া
যে সমস্ত যুক্তির উল্লেখ করিয়াছেন, বেবেরও আবার
তাহার প্রতিবাদ করিয়া স্বাভিপ্রায় দৃঢ়তর করিতে
প্রয়াসবান হইয়াছেন । আমরা এই পণ্ডিতত্রয়ের যুক্তির
বৈধাবৈধতা প্রদর্শন পূৰ্ব্বক প্রস্তাবিত বিষয় লিপিবদ্ধ
করিতে প্রবৃত্ত হইতেছি ।

পাণিনি ৩।২। ১১১ সংখ্যক সূত্রে উল্লেখ করিয়া-
ছেন, অনদ্যতন ঘটনার ক্রিয়াস্থলে লঙ্ বিভক্তি প্রয়ো-
জিত হইয়া থাকে । কাত্যায়ন এই সূত্রের বার্তিকে
লিখিয়াছেন, এই ঘটনা দর্শনবিষয়াতীত হইলেও
যদি লোক-প্রসিদ্ধ হয়, এবং ক্রিয়া প্রয়োগ-কর্তার
দর্শন-ক্ষমতার আয়ত্ত হইতে পারে তাহা হইলেও লঙ্
বিভক্তি ব্যবহৃত হইবে । ভাষ্যকার পতঞ্জলি কাত্য-

স্বন-কৃত এই বার্তিকের পোষকতা করিয়া ‘অরুণদ্ যবনঃ সাকৈতম্’ ও ‘অরুণদ্ যবনো মাধ্যমিকান্’ এই দুটি উদাহরণ উপন্যস্ত করিয়াছেন ^{১০৮} । ইহাতে স্পষ্ট প্রতীত হইতেছে, যবন কর্তৃক সাকৈত ও মাধ্যমিকের অবরোধ পতঞ্জলি না দেখিয়া থাকিলেও দেখিতে পারিতেন । অর্থাৎ পতঞ্জলি ঘটনা স্থলে উপস্থিত না থাকিলেও উক্ত অবরোধ তদানীন্তন সময়ে সজ্ঞাটিত হইয়াছিল ।

আচার্য্য গোলডফু কর. কেবল পতঞ্জলির এই উদাহরণদ্বয় অবলম্বন করিয়াই বিশিষ্ট পাণ্ডিত্য সহকারে তদীয় আবির্ভাব-সময় নিরূপণ করিয়াছেন । যদিও হিন্দুগণ আর্য্যেতর শ্লেচ্ছদিগকেই সচরাচর যবন নামে অভিহিত করিয়া থাকেন তথাপি সেকন্দের ভারত-ক্রমণের পর প্রধানতঃ গ্রীক জাতিই ‘যবন’ সংজ্ঞায় বিশেষিত হইত ^{১০৯} । অধ্যাপক লাসেনের নির্দেশা-

^{১০৮} ৩।২।১১১ : অনন্ততনে লঙ ।

বার্তিক :—পরোক্ষে চ লোকবিজ্ঞাতে প্রয়োক্তদুর্দর্শনবিষয়ে ।

ভাষ্য :—পরোক্ষে চ লোকবিজ্ঞাতে প্রয়োক্তদুর্দর্শনবিষয়ে লঙ বক্তব্যঃ । অরুণদ্ যবনঃ সাকৈতম্ । অরুণদ্ যবনো মাধ্যমিকান্ ॥ পরোক্ষ ইতি কিমর্থম্ । উদগাদাদিত্যঃ । লোকবিজ্ঞাত ইতি কিমর্থম্ । চকার কটং দেবদত্তঃ । প্রয়োক্তদুর্দর্শনবিষয় ইতি কিমর্থম্ । জঘান কংসং কিল বাসুদেবঃ ।

কৈয়ট (কৈষাট) :—পরোক্ষেচেতি অননুভূতত্বাৎ পরোক্ষে-পি প্রত্যক্ষযোগ্যতামাত্রাশ্রয়েণ দর্শনবিষয় ইতি বিরোধাত্যাবঃ ।

নুসারে এই গ্রীকদিগের নয় জন রাজা খ্রীঃ পূঃ ১৬০ অব্দ হইতে খ্রীঃ পূঃ ৮৫ অব্দ পর্য্যন্ত বাহুলীক দেশে রাজত্ব করেন^{১৬০}। ইহাদিগের মধ্যে মেনান্দ্রই সমধিক পরাক্রমশালী ও দিগ্বিজয়-কুশল ছিলেন। প্রসিদ্ধ গ্রীক ইতিহাসবেত্তা স্ত্রাবো লিখিয়াছেন মেনান্দ্র যমুনা নদী পর্য্যন্ত স্বীয় রাজত্ব বিস্তার করিয়াছিলেন। মথুরা নগরীতে ইহার নামাঙ্কিত একটি মূর্ত্তা প্রাপ্ত হওয়া গিয়াছে। লাসেনের মতানুসারে এই মেনান্দ্র খ্রীঃ পূঃ ১৪৪ অব্দ হইতে অন্ত্যন বিংশতি বর্ষ রাজত্ব করেন^{১৬১}। এদিকে পতঞ্জলির উল্লিখিত ‘সাকেত’ অযোধ্যার নামান্তর। মেনান্দ্র যখন মথুরা পর্য্যন্ত স্বীয় অধিকার বিস্তার করিয়াছিলেন, তখন তৎকর্ত্ত্বক অযোধ্যাবরোধ অসম্ভাবিত ঘটনার মধ্যে পরিগণিত হইতে পারে না। যদি লাসেনের গণনা সত্য হয়, তাহা হইলে ইহারই রাজত্ব সময়ে পতঞ্জলি বর্ত্তমান ছিলেন। সুতরাং অবশ্যই খ্রীঃ পূঃ ১৪০ হইতে খ্রীঃ পূঃ ১২০ অব্দের মধ্যবর্ত্তী সময়ে পতঞ্জলি কর্ত্ত্বক সবার্ত্তিক ৩।২।১১১ সংখ্যক সূত্রের ভাষ্য লিখিত হইয়াছিল^{১৬২}।

গোলড্‌স্টুকর যেকল্প সূক্ষ্মতা সহকারে পতঞ্জলির

১৬০ Indische Alterthumskunde. Vol. II. P. 322.

১৬১ Ibid Vol. II P. 328.

১৬২ Goldstücker's Pānini. P. 234.

প্রথম উদাহরণের সহিত গ্রীক-রাজ মেনান্দ্র-কৃত অমো-
 ধ্যাবরোধের সমতা বিধান করিয়াছেন । দ্বিতীয় উদা-
 হরণটিকে তাদৃশ দশাপন্ন করিতে পারেন নাই । তিনি
 ‘মাধ্যমিক’ শব্দ নাগার্জ্জুন-স্থাপিত বৌদ্ধ সম্প্রদায়
 অর্থে ব্যাখ্যা করিয়াছেন । এই নাগার্জ্জুন কাশ্মীররাজ
 . অভিমন্ত্যুর সমকালীন ব্যক্তি । রাজতরঙ্গিনীতে এবিষ-
 য়ের স্পষ্ট নিদর্শন লক্ষিত হইয়া থাকে ^{১৬০} । বর্তমান
 প্রস্তাবের স্থলান্তরে ব্যক্ত হইয়াছে, অভিমন্ত্যু খ্রীষ্টীয়
 ৪০ ও ৬৫ অব্দের মধ্যবর্তী সময়ে কাশ্মীরের সিংহাসনে
 অধিষ্ঠিত ছিলেন । সুতরাং নাগার্জ্জুন কখনই মেনা-
 ন্দ্রের সমসাময়িক হইতে পারেন না । নাগার্জ্জুন যখন
 অভিমন্ত্যুর সমকালীন বলিয়া প্রতিপন্ন হইতেছেন,
 তখন অবশ্যই স্বীকার করিতে হইবে যে, তৎস্থাপিত
 মাধ্যমিক সম্প্রদায়ও ঐ সময়ে অথবা উহার অব্যব-
 হিত পূর্বে বর্তমান ছিল, সুতরাং খ্রীঃ পূঃ ১৪৪ অব্দের

১৬০ “অথ নিফটকো রাজা কণ্টকোৎসাহারদঃ ।

অভীর্বভূবাভিমন্ত্যুঃ শতমন্ত্যুরিবাপরঃ ।

* * * *

তন্মিন্নবসরে বৌদ্ধা দেশে প্রবলতাং যযুঃ ।

নাগার্জ্জুনেন সূখিয়া বোধিসত্তেন পালিতাঃ ॥”

রাজতরঙ্গিনী । ১ । ১৭৪, ১৭৭ ।

Comp: As. Res. Vol. XV. P 113—114.

জনৈক গ্রীকরাজ কর্তৃক ইহাদিগের অবরোধ সর্বথা
অসম্ভাবিত বলিয়া প্রতিপন্ন হইতেছে ^{১৬৪} ।

গোলড্‌ফুকের-নির্দিষ্ট সময়ের সহিত পূর্বোক্ত
দৃষ্টান্তদ্বয়ের এইরূপে বৈষম্য দেখিয়া অধ্যাপক বেবের
পতঞ্জলিকে অপেক্ষাকৃত আধুনিক সময়ে আনয়ন করিতে
বদ্ধপারিকর হইয়াছেন। তিনি স্বপ্রণীত ‘ভারতবর্ষীয়
পাঠ’ নামক পুস্তকে গোলড্‌ফুকেরকৃত ‘পতঞ্জলির সময়
নিরূপণের’ সমালোচনা স্থলে লিখিয়াছেন, ‘নাগার্জুন
কাশ্মীররাজ অভিমন্যুর রাজত্ব সময়ে বিশিষ্ট প্রাতি-
পত্তিশালী ও গণনীয় লোক হইয়া উঠেন। ইহাতে
বোধ হয়, তৎকর্তৃক মাধ্যমিক সম্প্রদায় ইহার বহু পূর্বে
স্থাপিত হইয়াছিল। কিন্তু এই ধর্মসম্প্রদায়-সংস্থা-
পন পূর্বতন বলিয়া নির্দেশ করিলেও আমরা উহা
অভিমন্যুর রাজ্য-প্রাপ্তির চত্বারিংশৎ বর্ষ অপেক্ষা
বহু পূর্বে নিবেশিত করিতে সম্মত নই। কারণ ইহার
পূর্ববর্তী সময়ে নাগার্জুন বাল্যলীলা-তরঙ্গে দোলায়িত
ছিলেন। ঐদৃশ অপরিণত বয়সে সম্প্রদায় প্রবর্তক

^{১৬৪} গোলড্‌ফুকের কেবল কিম্বদন্তীর উপর নির্ভর করিয়া
নাগার্জুনকে বুদ্ধের পরলোক প্রাপ্তির ৪০০ বৎসর পরবর্তী অর্থাৎ
খ্রীঃ পূঃ ১৪০ অব্দের লোক বলিয়া স্বীকার করিয়াছেন। কিন্তু
রাজতদ্ভিনী ইহার বিকল্প পক্ষ সমর্থন করিতেছে। প্রামাণিক
ইতিহাস রাজতদ্ভিনীকে উপেক্ষা করিয়া কেবল জনশ্রুতির উপর
বিশ্বাস স্থাপন করা যাইতে পারে না।

রূপে খ্যাতিলাভ করা একান্ত অসম্ভাবিত। লাসেনের গণনানুসারে অভিমন্যু খ্রীষ্টীয় ৫-৪৫ অব্দের মধ্যবর্তী সময়ে কাশ্মীরের শাসন দণ্ড গ্রহণ করেন। অতএব এই সময়ের মধ্যে অবশ্যই নিম্নলিখিত ঘটনা-চতুষ্টয় সংজ্ঞাটিত হইয়াছিল, ১ম, যখন কর্তৃক সাক্ষ্যেত অব-
 রোধ ; ২য়, এই অথবা অন্য কোন যখন কর্তৃক মাধ্য-
 মিক সম্প্রদায়ের নিপীড়ন ; ৩য়, মহাভাষ্য প্রণয়ন এবং
 ৪র্থ, ৪৫-৬৫ অব্দের মধ্যবর্তী সময়ে উক্ত গ্রন্থের প্রতি
 অভিমন্যুর যত্ন প্রদর্শন। * * * এক্ষণে যদি আমরা
 গ্রীকরাজাদিগকে লক্ষ্য করিয়া প্রথম ঘটনাসংস্কৃত যখন
 শব্দের অর্থ করি, তাহা হইলে নিতান্ত ভ্রমে পতিত
 হইব। কারণ লাসেনের নির্দেশানুসারে খ্রীঃ পূঃ ৮৫
 অব্দে ভারত-ক্ষেত্রে গ্রীক রাজত্বের অবসান হয়।
 যাহা হউক 'যখন' সংজ্ঞা গ্রীকদিগের পরবর্তী ইণ্ডো-
 সিথিয়ান্ নৃপতিদিগের প্রতিও প্রয়োজিত হইয়া
 থাকে। পরন্তু সাক্ষ্যেত যখন নিশ্চয়ই বর্তমান অধো-
 ধার সহিত অতিম্ন বলিয়া প্রতিপন্ন হইতেছে, তখন
 প্রসিদ্ধ ইণ্ডোসিথিয়ান্ নৃপতি কনিষ্ক ব্যতিরিক্ত অন্য-
 কেহই এই যখন-সংজ্ঞা বাচ্য হইতে পারেন না। লাসে-
 নের গবেষণানুসারে এই কনিষ্কের রাজত্বকাল খ্রীষ্টীয়
 ১০-৪০ অব্দ নিরূপিত হইয়াছে। ইহার ন্যায় এতদ্ব্য-
 শীয়া কোন নৃপতিই সমধিক পরাক্রান্ত ও সামন্ত-বহুল
 ছিলেন না। লাসেন বলেন, কনিষ্ক ভারতবর্ষের পূর্ব

প্রাপ্ত পর্য্যন্ত স্বীয় অধিকার বিস্তার করিয়াছিলেন । অতএব তৎ কর্তৃক অযোধ্যাবরোধ অসম্ভাবিত নহে । দ্বিতীয় ঘটনাটীকে কনিষ্কের সহিত সংসৃষ্ট করা আপাততঃ অসঙ্গত বোধ হয় । কারণ কনিষ্ক স্বয়ং বৌদ্ধ ধর্ম-পক্ষপাতী ছিলেন, সুতরাং তিনি যে উক্ত সম্প্রদায় বিশেষকে নিপীড়িত করিয়াছিলেন, তাহাতে আদৌ বিশ্বাস হয় না । কিন্তু হোয়েন্স্ সাঙ্কের নির্দেশানুসারে অবগত হওয়া যায় যে, কনিষ্ক প্রথমাবস্থায় বৌদ্ধধর্ম-বিদ্বেষী ছিলেন, ইহাতে তৎ-কর্তৃক উক্ত সম্প্রদায়ের নিপীড়ন অসঙ্গত বোধ হয় না । অতএব স্পষ্ট প্রতীত হইতেছে, পতঞ্জলির দৃষ্টান্তদ্বয় কনিষ্কের অন্তর্স্থিত কার্য লক্ষ্য করিয়াই উপন্যস্ত হইয়াছে । এদিকে এই দুই দৃষ্টান্ত বিরচিত হইবার অনেক পরে যে পাতঞ্জল মহাভাষ্য অতি-মন্যুর আদেশে চন্দ্রাচার্য কর্তৃক কাশ্মীর রাজ্যে নীত হইয়াছিল, তদ্বিষয়ে সংশয় নাই । আমরা পূর্বে খ্রীষ্টীয় ৫-৪৫ ও ৪৫-৬৫ অব্দের মধ্যগত দুইটি সময় প্রাপ্ত হইয়াছি । এই দুই সময়ের মধ্যেই উক্ত ঘটনা-দ্বয় সংঘটিত হইয়াছিল । অতএব খ্রীষ্টীয় ২৫ অব্দ মহাভাষ্যের রচনা ও ৫৫ অব্দ উহার কাশ্মীর রাজ্যে প্রেরণের সময় বলা যাইতে পারে । * * * যদি লাসেনের গণনা যথার্থ হয়, তাহা হইলে গোলড্‌ফুকের নির্দিষ্ট খ্রীঃ পূঃ ১৪০-১২০ অব্দের পরিবর্তে খ্রীষ্টীয়

২৫ অদ পতঞ্জলির আবির্ভাব সময় বলিয়া নির্দেশ করাই সর্ব্বথা সঙ্গত ১৬৫ ।’

অধ্যাপক বেবের বিশিষ্ট ধীরতা সহকারে যুক্তি প্রদর্শন করিয়া পতঞ্জলির দৃষ্টান্ত দ্বয়ের সহিত স্বনির্দিষ্ট সময়ের সামঞ্জস্য বিধান করিয়াছেন । এবিষয়ে গোলড্‌ফুকর অপেক্ষা বেবেরের পাণ্ডিত্য সমধিক প্রশংসনীয় । যে পথ অবলম্বন করিয়া গোলড্‌ফুকরকে স্থলিত-পদ হইতে হইয়াছে, বেবের সে পথেই শনৈঃ শনৈঃ পদ সঞ্চারণ পূর্ব্বক সিদ্ধান্ত ক্ষেত্রে উপনীত হইয়াছেন । এটি তাঁহার সূক্ষ্মদর্শিতার পরিচায়ক সন্দেহ নাই । কিন্তু গোলড্‌ফুকর যদিও দ্বিতীয় দৃষ্টান্তটিকে প্রথম দৃষ্টান্তের সহিত এক সময়ে সন্নিবদ্ধ করিতে পারেন নাই, তথাপি তিনি প্রথম দৃষ্টান্ত-গত ‘যবন’ শব্দ লক্ষ্য করিয়া যে নৃপতিদিগকে নির্দেশ করিয়াছেন, সূক্ষ্ম দৃষ্টিতে তাহাই বিশুদ্ধ যুক্তির অন্বিমোদিত বোধ হয় । ‘অরুণদ্ যবনো মাধামিকান্’ পতঞ্জলির এই দ্বিতীয় দৃষ্টান্তে যে ঐতিহাসিক ঘটনা অন্ব্যুত রহিয়াছে, গোলড্‌ফুকর পূর্ব্ব দৃষ্টান্তের ন্যায় ধীরতা সহকারে তাহার পর্যালোচনা করেন নাই । এতন্নিবন্ধনই তাঁহার গবেষণা মধ্যস্থলে বিকলাঙ্গ হইয়া রহিয়াছে । এই বিকলাঙ্গতা দর্শনেই অধ্যাপক বেবের পতঞ্জলির আধুনিকত্ব প্রতিপাদনে প্রবৃত্ত

হইয়াছেন । কিন্তু এ সম্বন্ধে বেবেরের সিদ্ধান্ত অনবদ্য হয় নাই । গোলড্‌ফুকের ‘মাধ্যমিকান্’ পদ যে অর্থে ব্যাখ্যা করিয়াছেন, বেবের তাহারই অনুমোদন করিয়া চরম সিদ্ধান্তে উপনীত হইয়াছেন । আমাদিগের বিবেচনায় এ অংশে গোলড্‌ফুকের ও বেবের উভয়েই তুল্য-রূপ অনবহিত, উভয়েই মাধ্যমিকান্ পদের অর্থ ব্যাখ্যা করিতে যাইয়া তুল্য রূপ ভ্রমে পতিত হইয়াছেন^{১৬৬} । পতঞ্জলির উপন্যস্ত ‘মাধ্যমিক’ নাগার্জ্জুন স্থাপিত প্রসিদ্ধ সম্প্রদায়ের দ্যোতক নহে । ইহা মধ্যদেশ নামক প্রসিদ্ধ জনপদ বিশেষের অধিবাসি-বাচক^{১৬৭} । অধ্যাপক বেবের ‘অরুণৎ’ পদ নিপীড়ন অর্থে ব্যাখ্যা করিয়াছেন, কিন্তু ‘রুধ্’ ধাতু পীড়ার্ধ বাচক নহে । ইহা সচরাচর অবরোধ অর্থেই প্রয়োজিত হইয়া থাকে । যাহাইউক ; প্রস্তাবিত স্থলে ‘মাধ্যমিক’ শব্দ স্বনাম প্রসিদ্ধ সম্প্র-

^{১৬৬} স্বনাম প্রসিদ্ধ সম্প্রদায় ব্যতিরিক্ত ‘মাধ্যমিক’ শব্দের যে অন্য অর্থ আছে, তাহা অধ্যাপক বেবেরের স্বীকার করিয়াছেন বটে, কিন্তু তিনি এস্থলে গোলড্‌ফুকেরের অনুসরণ পূর্বক মাধ্যমিক শব্দ প্রথম অর্থেই ব্যাখ্যা করিয়াছেন । ‘Indian Antiquary’ vol. II. P. 62.

পরন্তু হাট্টার সাহেবও গোলড্‌ফুকেরের মতাবলম্বী হইয়া বিবিধ ভ্রমে পতিত হইয়াছেন । তৎকৃত মাধ্যমিক শব্দের ব্যাখ্যা যে বিশুদ্ধ হয় নাই, তাহা বলা বাহুল্যমাত্র । W. W. Hunter’s “Orissa,” Vol. I. P. 213.

^{১৬৭} Vide Preface to the Brihat Samhita, Edited by Dr. H. Kern. P. 38, note.

দায় বিশেষের দ্যোতক না বলিয়া স্বনাম প্রসিদ্ধ জন-
পদ-বাসী বলাই অধিকতর সঙ্গত । বৃহৎ সংহিতাতে
মাধ্যমিক শব্দের উল্লেখ আছে ^{১৬৮} । মহাত্মারতের
বর্ণনানুসারে বোধ হয় এই মধ্যদেশ ইন্দ্রপ্রস্থের উত্তর
পশ্চিমে অবস্থিত ছিল ^{১৬৯} । অতএব নাগার্জুনের প্রতি-
ষ্ঠিত সম্প্রদায়ের ন্যায় মধ্যদেশের অস্তিত্ব বিষয়েও
বোধ হয় কেহই সন্দেহান হইবেন না ।

এক্কেণে এই মধ্যদেশে কোন যবন নৃপতি কর্তৃক
আক্রান্ত হইয়াছিল কি না তদ্বিষয়ের আলোচনায় প্ররুত
হওয়া যাইতেছে । গার্গীসংহিতাতে ভবিষ্যৎদ্বাগীব্যপ-
দেশে অনেকগুলি ঐতিহাসিক ঘটনা নিবেশিত রহি-
য়াছে । ইহাতে আমরা অবগত হইতে পারি, যবনগণ
একদা সাকেত হইতে মধ্যদেশ পর্যন্ত আপনাদিগের
অধিকার বিস্তার করিয়াছিল । এই মধ্যদেশই ‘মাধ্য-
মিক’ গণের নিবাস ভূমি । গার্গীসংহিতাতে স্পষ্ট
নির্দেশ আছে যে, পাটলীপুত্রের অধিপতি শালিশূকের
পর যবনগণ সাকেত প্রভৃতি আক্রমণ করিয়া মধ্যদেশে
উপস্থিত হয় ^{১৭০} । এই শালিশূক খ্রীঃ পূঃ ২২৬-১৭৮

^{১৬৮} “ভদ্রারিমেদমাণ্ডব্য-মাস্বনীপোজ্জিহানসংখ্যাতাঃ ।

মকবৎসমোষরামুন-সারস্বত-মংস্ত-মাধ্যমিকাঃ ॥”

বৃহৎ সংহিতা । ১৪ । ২ ।

^{১৬৯} Preface to the. Brihat Samhita. P. 38, note.

^{১৭০} “তস্মিন্ পুষ্পপুরে রম্যে জনরাজশতাকুলে ।

ঋতুক্ষা কর্মহতঃ শালিশূকো ভবিষ্যতি ॥

অন্ধের মধ্যবর্তী সময়ে প্রাদুর্ভূত হয়েন ১১১ । এদিকে
লাসেনের নির্দেশানুসারে বাহুলীকস্থ গ্রীক নৃপতিগণের
মধ্যে দেমেত্রিয়স্ ও মেনান্দ্র উভয়ই সমধিক পরাক্রম-
শালী ও দিগ্‌বিজয়-কুশল ছিলেন । এই দেমেত্রিয়স্
খ্রীঃ পূঃ ২০৫--১৬৫ অব্দ পর্য্যন্ত রাজ্যভোগ করেন ।
ইহার পর সুপ্রসিদ্ধ মেনান্দ্রের পূর্ব দিগ্‌বিজয় আরম্ভ
হয় । ফলে দেমেত্রিয়স্ ও মেনান্দ্র উভয়ই ভারতবর্ষের
অনেক স্থানে স্থায়ী আধিপত্য বিস্তার করিয়াছিলেন ।
খ্রীঃ পূঃ ১৬৫ অব্দে দেমেত্রিয়স্ কর্তৃক মাকেত ও

স রাজা কর্মমূতো হুফায়া প্রিয়বিগ্রহঃ ।
স্বরাষ্ট্রমর্দতে যোরং ধর্মবাদী অধার্মিকঃ ॥
স জ্যেষ্ঠভ্রাতরং সাধুং হতা বিপ্রথিতং গুণৈঃ ।
স্থাপয়িষ্যতি মোহায়া বিজয়ং নাম ধার্মিকম্ ॥
ততঃ মাকেতমাক্রম্য পঞ্চালান্ মথুরাং তথা ।
যবনা হুফবিক্রান্তাঃ প্রাপ্ত্যন্তি কুসুমধ্বজং ॥
ততঃ পুষ্পপুরে প্রাপ্তে কদমে প্রথিতে হিতে (?)।
অকুলা বিষয়াঃ সর্বৈ ভবিষ্যন্তি ন সংশয়ঃ ॥

* * * *

মধ্যদেশে ন স্থাস্ত্যন্তি যবনা যুদ্ধহর্মদাঃ ॥
তেষামন্ত্রোত্তমংভাবা ভবিষ্যন্তি ন সংশয়ঃ ।
আত্মচক্রোপ্তিতং যোরং যুদ্ধং পরমদাক্ষণ্যম্ ॥
ততো যুগবশান্তেষাং যবনানাং পরিক্ষয়ে ।
সংকেতে (?) সপ্ত রাজানো ভবিষ্যন্তি মহাবলাঃ ॥

গার্গী সংহিতা ।

মাধ্যমিকদিগের অধ্যুষিত জনপদ আক্রান্ত হইয়াছিল, এরূপ নির্দেশ করিলে বোধ হয় আমরা ভ্রমে পতিত হইব না। এই আক্রমণের বিষয় উল্লেখ করিয়াই যে পতঞ্জলি উল্লিখিত দুটি উদাহরণ নিবদ্ধ করিয়াছেন তাহা সর্বথা সম্ভাবিত বলিয়াই প্রতীত হয়।

পূর্বোক্ত দৃষ্টান্তদ্বয় ব্যতীত পাতঞ্জল মহাভাষ্যে আরও কতিপয় ঐতিহাসিক সত্য নিবেশিত রহিয়াছে। আচার্য্য গোলড্‌ফুকের তৎসমুদয়ের উল্লেখ করেন নাই। পণ্ডিত-শ্রেষ্ঠ রামকৃষ্ণ গোপাল ভণ্ডারকর উহার আলোচনা করিয়া পতঞ্জলিকে ঐতিহাসিক ক্ষেত্রের অধিকতর স্পর্শীকৃত স্থানে আনয়ন করিয়াছেন। আমরা এই স্থলে ভণ্ডারকর-প্রদর্শিত মতের সমালোচনে প্রবৃত্ত হইতেছি।

পাণিনি ৩।২।১২৩ সংখ্যক সূত্রে বর্তমান কালে ‘লট্’ প্রয়োগের বিধান করিয়াছেন। কাত্যায়ন এই সূত্রের বার্তিকে উল্লেখ করিয়াছেন যে, প্রবৃত্ত কার্ণ্যের শেষ না হওয়া পর্য্যন্ত ‘লট্’ ব্যবহৃত হইবে। পতঞ্জলি কাত্যায়ন-কৃত বার্তিকের অনুমোদন করিয়া লিখিয়াছেন, প্রবৃত্ত কার্ণ্যের অবিরাম পর্য্যন্ত ‘লট্’ প্রয়োজিত হওয়া উচিত। যথা; ‘এই স্থানে আমরা অধ্যয়ন করিতেছি! এই স্থানে বাস করিতেছি। এই স্থানে পুষ্পমিত্রের জন্য যজ্ঞ করিতেছি’। পরন্তু পাণিনির

১১৩ ৩।২।১২৩ :—বর্তমানে লট্।

বার্তিক :—প্রবৃত্ত্যাবিরামে শিষ্য ভবন্ত্যবর্তমানকালঃ।

৩।১।২৬ সংখ্যক সূত্রে উক্ত হইয়াছে, যদি কোন কার্য্য অপরা দ্বারা সম্পাদিত হয়, তবে সেই স্থলে গিজন্তু ক্রিয়া প্রয়োগ করিতে হইবে। ‘যজ্’ প্রভৃতি কতিপয় ধাতুও পাণিনির এই নিয়মে উপগত হইয়া গিজন্তুরূপে পরিণত হইতে পারিত। কাত্যায়ন স্ববার্ত্তিকে এরূপ স্থলে উক্ত ধাতু সমষ্টির কোন বিপর্য্যয় সজ্জ্বটিত হইবে না বলিয়া বিরোধ ভঞ্জন করিয়াছেন। পতঞ্জলি এস্থলে কাত্যায়নের পোষতকা করিয়া এই দৃষ্টান্তটী উপন্যস্ত করিয়াছেন; যথা, ‘পুষ্পমিত্র যজ্ঞ করিতেছেন, যাজকগণ তাহাকে যজ্ঞ করাইতেছেন।’ এস্থলে পাণিনির উক্ত সূত্রানুসারে কার্য্য হইলে ‘পুষ্পমিত্র যাগ করাইতেছেন, যাজকগণ যাগ করিতেছেন’ এইরূপ প্রয়োগ হইত ১৭০।

মহাভাষ্যোক্ত এই দৃষ্টান্তদ্বয়ে স্পষ্ট প্রতীত হই-

ভাষ্য :—প্রবৃত্ত্যাবিরামে শাসিতব্য ভবতি। ইহাধীমহে। ইহ বসামঃ। ইহ পুষ্পমিত্রং যাজরামঃ। কিং পুনঃ কারণং ন সিধ্যতি। অবর্ত্তমানত্বাৎ।

কৈয়ট :—প্রবৃত্ত্যশ্চিতি। ইহাধীমহ ইত্যধ্যয়নং প্রবৃত্তং প্রারন্ধং ন চ তদ্বিরতম্। যদাচ ভোজনাদিকাং ক্রিয়াং কুৰ্ব্বন্তো নাধীমহে তদাধীমহ ইতি প্রয়োগো ন প্রাপ্নোতীতি বচনম্।

১৭০ ৩।১।২৬ : হেতুমতি চ।

বাস্তবিক :—যজ্ঞাদিষু চাবিপৰ্য্যাসঃ।

ভাষ্য :—যজ্ঞাদিষু চাবিপৰ্য্যাসো বক্তব্যঃ। পুষ্পমিত্রো যজ্ঞতে, যাজকো যাজযন্তীতি। তত্র ভবিতব্যং পুষ্পমিত্রো যাজয়তে। যাজকো যজন্তীতি।

তেছে, পতঞ্জলি পুষ্পমিত্রের সমকালীন ব্যক্তি । অন্যথা তিনি বর্তমান ক্রিয়াস্থলে পুষ্পমিত্রের যজ্ঞানুষ্ঠান বিষয়-সংক্রান্ত দৃষ্টান্ত উপন্যস্ত করিতেন না । এই পুষ্পমিত্র কোন সাধারণ কি বিশেষ ব্যক্তির নির্দেশ বাচক, পতঞ্জলি স্থলান্তরে তাহার একরূপ মীমাংসা করিয়া গিয়াছেন । পাণিনি ২ । ৪ । ২৩ সংখ্যক সূত্রে উল্লেখ করিয়াছেন যে, রাজ-পর্যায়-বাক্য শব্দের সহিত ‘সভা’ শব্দের তৎপুরুষ সমাসে উক্ত সমাসান্ত ‘সভা’ পদ নপুংসক লিঙ্গে পরিণত হইয়া থাকে । কিন্তু ‘রাজা’ এই শব্দ ও রাজ-উপাধিতে বিশেষিত ব্যক্তির সহিত সভা শব্দের তৎপুরুষ সমাস হইলে নপুংসক লিঙ্গ হয় না । পতঞ্জলি স্বীয় ভাষ্যে এই সূত্রের অনুমোদন করিয়া লিখিয়াছেন যে, ‘রাজন্’ শব্দের সহিত সভা শব্দের তৎপুরুষ সমাসে নপুংসক লিঙ্গ হয় না । যথা ; রাজ সভা । তদুপাধি-বিশিষ্ট ব্যক্তিদিগের সহিত সভা শব্দের সমাস সজ্জাটিত হইলেও হয় না । যথা ; পুষ্প-মিত্র সভা । চন্দ্রগুপ্ত সভা^{১১৪} । এতদ্বারা নিঃসন্ধি

বার্ত্তিক :—যজ্ঞাদিষু চাবিপৰ্য্যাসো নানাক্রিয়াণাং যজ্ঞার্থত্বাৎ ।

ভাষ্য :—যজ্ঞাদিষু চাবিপৰ্য্যাসঃ সিদ্ধঃ । কৃতঃ নানা ক্রিয়াণাং যজ্ঞার্থত্বাৎ । নানাক্রিয়া যজ্ঞেরার্থাঃ । নাবশ্যং যজ্ঞ ইবিঃ প্রক্ষেপণ এব বর্ত্ততে । কিং তর্হি ত্যাগেহপিবর্ত্ততে ।

^{১১৪} ২ । ৪ । ২৩ : সভা রাজাহমুখ্য পুরী ।

পতঞ্জলি :—ইমসভম্ । দীপ্তরসভম্ । তন্ত্বেব ন ভবতি । রাজসভা । তদ্বিশেষাণাঞ্চ ন ভবতি । পুষ্পমিত্রসভা । চন্দ্রগুপ্তসভা ।

রূপে প্রতিপন্ন হইতেছে যে, পতঞ্জলির উদাহৃত পুষ্প-
মিত্র কোন বিশেষ রাজার নির্দেশ বাচক । এক্ষণে
যদি ইতিহাস ও পুরাণের প্রতি দৃষ্টিক্ষেপ করা যায়,
তাহা হইলেও পতঞ্জলির উপন্যস্ত দৃষ্টান্ত উহার সহিত
বিলক্ষণ সমঞ্জসীভূত হইয়া উঠে । যে মগধ সাম্রাজ্য
ঐতিহাসিক আলেখ্য সূক্ষ্মরূপে চিত্রিত রহিয়াছে,
সেই মগধের সিংহাসন ক্রমান্বয়ে বিভিন্ন বংশীয়
নৃপতিদিগের বিলাস-ক্ষেত্র ছিল । তন্মধ্যে এক
শ্রেণীর ভূপতিগণ মৌর্যবংশীয় বলিয়া পরিচিত ।
হিন্দুদিগের চন্দ্রগুপ্ত ও গ্রীকদিগের সান্দ্রকোটস্ এই
বংশের শিরোভূষণ ও আদি রাজা ^{১৭৫} । চন্দ্রগুপ্তের
পর আর নয় জন রাজা ক্রমান্বয়ে মগধের সিংহাসনে
বিরাজ করেন । দশম অথবা অন্তিম রাজার নাম
ব্রহদ্রথ । এই ব্রহদ্রথের সেনাপতি স্বীয় প্রভুকে নিহত
করিয়া মগধের সিংহাসন অধিকার করেন । বিষ্ণু পুরা-

^{১৭৫} চন্দ্রগুপ্ত ও সান্দ্রকোটস্ যে অভিন্নব্যক্তি ইহা প্রথমে
পণ্ডিতশ্রেষ্ঠ স্যর ইউলিয়ান্ জোন্স প্রদর্শন করেন । *As. Res.*
Vol. 1V. P. 11.

চন্দ্রগুপ্তকে দ্রাবো, এরিয়ান, জর্জিন, 'সান্দ্রকোটস্', দিও
দোরস্ সিকুলস্ 'সান্দ্রমস্' ও প্লুতার্ক 'অন্দ্রকোটস্' নামে নির্দেশ
করিয়াছেন । *Vide Turnour's Mahawuso. Appendix. P. I*
xxxiii-lxxxiv. 'Preface to the Mudra Rakshasa,' in wilson's
'Theatre of the Hindus.' Vol. II. comp: Elphinstone's
History of India. P. 152.

ণের নির্দেশানুসারে এই সেনাপতি শুদ্ধবংশীয় বলিয়া পরিচিত ^{১৭৬}। আদৌ রুহদ্রথের সেনাপতি পশ্চাৎ মাগধ সিংহাসনের এই শুদ্ধবংশীয় প্রথম নৃপতিই পুষ্পমিত্র নামে সর্বত্র প্রসিদ্ধ ^{১৭৭}। পুরাণের নির্দেশানুসারে

১৭৬ “ * * তস্তাপ্যানু রুহদ্রথ নামা ভবিতা ।

* * * তেবামন্তে পৃথিবীং শুদ্ধা ভোক্ষ্যন্তি । ততঃ পুষ্পমিত্রঃ সেনাপতিঃ স্বামিনং হতা রাজ্যং করিষ্যতি ।”

বিষ্ণুপুরাণ । ৪ । ২৪ । ৮, ৯ ।

^{১৭৭} ডাক্তর বুলারের নির্দেশানুসারে এই শুদ্ধ বংশীয় নৃপতি পুষ্পমিত্র নামে প্রসিদ্ধ । Vide ‘Indan Antiquary’ Vol. II. P. 362.

পরন্তু কালিদাস প্রণীত (এই কালিদাস রঘুবংশাদির প্রণেতা কালিদাস কিনা তদ্বিষয় বিচার্য) মালবিকাগ্নিমিত্র নাটকে পুষ্পমিত্রের নাম দৃষ্ট হয় । অধ্যাপক লাসেনের মতে এই পুষ্পমিত্র অগ্নিমিত্র নামক স্বীয় তনয়ের সেনাপতি (Ind. Alter thumbsk: vol II P. P. 271, 346) । লাসেন বলেন, মালবিকাগ্নিমিত্রের পঞ্চমাস্কন্ধে ‘দেবস্য সেনাপতেঃ পুষ্পমিত্রস্য সকাশাং সোত্তরীয়-প্রাভূতকো লেখঃ প্রাপ্তঃ’ এই বাক্যের ‘দেব’ শব্দ অগ্নিমিত্রের ছোটক । কিন্তু পিতা স্বয়ং তনয়ের সেনাপতিত্ব গ্রহণ করিয়াছেন, এরূপ ঘটনা কোথাও ঐতিহ্যগোচর হয় না । উল্লিখিত বাক্যের ‘দেব’ ও ‘সেনাপতি’ উভয় শব্দই পুষ্পমিত্রকে নির্দেশ করিতেছে । ‘দেব’ শব্দ থাকাতে স্পষ্ট প্রতীত হইতেছে পুষ্পমিত্র রাজা ছিলেন । কারণ, রাজা ভিন্ন অত্ৰ কোন ব্যক্তিই ‘দেব’ শব্দ প্রয়োজিত হয় না (‘দেবঃ স্বামীতি নৃপতিভূতৈর্ভট্টৈতি চান্ধর্ম্যেঃ’) ডাক্তর হল সাহেব প্রকাশিত দশরূপের ১০৯ পৃষ্ঠা) । অপিচ পুষ্পমিত্র রুহদ্রথের সৈন্যধ্যক্ষ ছিলেন, সুতরাং তাঁহাকে সেনাপতি বলা অসঙ্গত নয় । বিশেষতঃ মালবিকাগ্নিমিত্রে স্পষ্টই লিখিত আছে, অগ্নিমিত্রের সেনাপতি

পূর্বোক্ত মৌর্যবংশীয় দশ জন নৃপতি ১৩৭ বৎসর রাজ্যভোগ করেন^{১৭৮} । সর্ব প্রথম নৃপতি চপ্রভুপ্তের

বীরসেন । বিদিশা এই অগ্নিমিত্রের রাজধানী ছিল । এদিকে পুষ্পমিত্রের রাজধানী পাটলীপুত্র । পুষ্পমিত্র বিদিশায় কখন রাজত্ব করেন নাই । কারণ, মালবিকাগ্নিমিত্রে লিখিত আছে, পুষ্পমিত্র বিদিশানগরে পত্র পাঠাইয়া অগ্নিমিত্রকে অশ্বমেধ যজ্ঞস্থলে সস্ত্রীক উপস্থিত হইতে অনুরোধ করিয়াছিলেন । যদি বিদিশাই পুষ্পমিত্রের রাজধানী হইত, তাহাহইলে তিনি কখনও বিদিশায় পত্র পাঠাইয়া অগ্নিমিত্রকে আহ্বান করিতেন না । এতদ্বারা স্পষ্ট প্রতীত হইতেছে, পুষ্পমিত্র স্বতনয় অগ্নিমিত্রকে বিদিশার শাসন-ভার দিয়া স্বয়ং পাটলীপুত্র নগরে রাজত্ব করিয়াছিলেন । পুষ্পমিত্র যে রাজা ছিলেন, তাহা অশ্বমেধ যজ্ঞানুষ্ঠানের বর্ণনায় দৃঢ়তর হইতেছে । স্বাধীন নরপতি ভিন্ন অন্য কাহারও এই যজ্ঞানুষ্ঠানের অধিকার নাই । বোধ হয় পঞ্জলি পুষ্পমিত্রের এই অশ্বমেধ যজ্ঞের সম্বন্ধেই পাণিনির ৩।২।১২৩ সংখ্যক সূত্রের ভাষ্যে ‘ইহা পুষ্পমিত্রং যাজরামঃ’ এই উহারণটী নিবন্ধ করিয়া গিয়াছেন । Comp: “Indian Antiquary” Vol. I. P. 301.

১৭৮ ‘এবং মৌর্য্য দশ ভূপত্যো ভবিষ্যন্তি অক শতং সপ্ত-ত্রিশতুত্তরম্’ । বিষ্ণুপুরাণ । ৪।২৪।৮ ।

বায়ুপুরাণানুসারে মৌর্য্যবংশীয় নয় জন নৃপতি ১৩৭ বৎসর কাল রাজত্ব করেন :—

‘ইত্যোতে নব মৌর্য্যাসু যে ভোক্ষ্যন্তি বশুক্করাম্ ।

সপ্তত্রিশশ্চতং পূর্ণং তেভ্যঃ শুভো ভবিষ্যতি ॥’

কিন্তু মৎস্য ভাগবত ও বিষ্ণুপুরাণে দশ জন মৌর্য্যবংশীয়ের রাজত্বকাল ১৩৭ বৎসর নিরূপিত হইরাছে । See Wilson’s ‘Vishnupurana’ Vol. IV. P. 190. Comp: Asiatic Dissertation. Vol. I. P. 315. Turnour’s Mahawanso. Introduction. P. XV, Indian Antiquary. Vol. I. P. 302.

রাজত্বকাল খ্রীঃ পূঃ ৩১৫ (পৌরাণিক মতে খ্রীঃ পূঃ ২৮৩) অব্দ নিরূপিত হইরাছে ^{১৭০} । স্মৃতরাং এই গণনানুসারে পুষ্পমিত্রের রাজত্ব খ্রীঃ পূঃ ১৭৮ অব্দে আরম্ভ হয় । মৎস্য ও ব্রহ্মাণ্ড পুরাণানুসারে ইনি ষড়ধিক ত্রিংশৎ বর্ষকাল রাজত্ব করেন ^{১৭১} । অতএব খ্রীঃ পূঃ ১৭৮ হইতে ১৪২ অব্দ পর্যন্ত পুষ্পমিত্রের রাজত্বকাল নিরূপিত হইতেছে । পতঞ্জলি যে ইহারই মধ্যবর্তী সময়ে পাণিনির ৩।২।১২৩ সংখ্যক সূত্রের ভাষ্য লিখিয়াছিলেন, ইহা অবশ্যই প্রমাণ-সঙ্গত বলিয়া বিবেচিত হইতে পারে ।

এদিকে অধ্যাপক লামেনের নির্দেশানুসারে সুপ্রসিদ্ধ গ্রীকরাজ দেমেত্রিয়স্ খ্রীঃ পূঃ ২০৫-১৬৫ অব্দের মধ্যবর্তী সময়ে বাহুলীকের সিংহাসনে অধিষ্ঠিত ছিলেন । এই দেমেত্রিয়স্ কর্তৃকই যে সাক্তে ও মাধ্যমিকদিগের অধ্যুষিত জন-পদ আক্রান্ত হইয়াছিল, তাহা আমরা স্থলান্তরে প্রতিপন্ন করিয়াছি । ডাক্তার কার্ণও স্বপ্রকাশিত রূহং সংহিতার ভূমিকায় এই মত প্রকাশ করিয়াছেন ^{১৭২} । দেমেত্রিয়সের রাজত্ব

^{১৭০} Vide S. W. Jones's 'chronology of the Hindus' in Asiatic Dissertation, Vol. I. P. 315. Comp: Wilson's 'Vishnupurana' Vol. IV. P. 187. As. Res. Vol. IX. P. 96.

^{১৭১} বাহু পুরাণে ইহার রাজত্বকাল ৬০ বৎসর নিরূপিত হইরাছে : Vide Wilson's Vishnupurana. Vol. IV. 190.

^{১৭২} Preface to the Brihat sambhita. Edited by Dr. H. Kern, P. 39.

শেষ হইবার ত্রয়োদশ বর্ষ পূর্বে পুষ্পামিত্রের রাজত্ব আরম্ভ হয় । অতএব এই ত্রয়োদশ বর্ষের মধ্যেই দেমে-
ত্রিয়সু সাক্ষেত প্রভৃতি জন-পদ আক্রমণ করিয়াছি-
লেন । ডাক্তর কারণ খ্রীঃ পৃঃ ১৯৫ অব্দ এই আক্রম-
ণের সময় নির্দেশ করিয়াছেন ^{১৮২} । কিন্তু আমরা
ইহাতে আশ্বাবান্ হইতে পারিতেছি না । গার্গী-
সংহিতাতে লিখিত আছে, শালিশূকের পরে যবনগণ
সাক্ষেত প্রভৃতি জন-পদ আক্রমণ করে, এই শালি-
শূক মৌর্যবংশের সপ্তম নৃপতি । ডাক্তর কারণ
লিখিয়াছেন, শালিশূক খ্রীঃ পৃঃ ২২৬-১৭৮ অব্দের
মধ্যবর্তী সময়ে বর্তমান ছিলেন ^{১৮০} । যবনাক্রমণ খ্রীঃ
পৃঃ ১৯৫ অব্দ সজ্জাটিত হইলে গার্গীসংহিতার সহিত
উহার একতা রক্ষিত হয় না ^{১৮১} । আমাদিগের বিবেচনায়

^{১৮২} Ibid. P. 39.

^{১৮৩} Ibid. P. 39.

^{১৮৪} বায়ুপুরাণানুসারে চন্দ্রগুপ্ত ২৪ (মহাবংশের মতে ৩৪)
তৎপুত্র বিন্দুসার ২৫ ও তৎপুত্র অশোক বর্দ্ধন ৩৬ বৎসর রাজত্ব
করেন । খ্রীঃ পৃঃ ৩১৫ অব্দ চন্দ্রগুপ্তের রাজ্য প্রাপ্তির কাল
নির্দিষ্ট হইলে এই গণনানুসারে খ্রীঃ পৃঃ ২৬৬-২৩০ অব্দ অশো-
কের রাজত্ব সময় নিরূপিত হইতেছে । আবার পৌরাণিক মতে
চন্দ্রগুপ্ত খ্রীঃ পৃঃ ২৮৩ অব্দে মগধের সিংহাসনে অধিরোহন
করেন । এতদনুসারে খ্রীঃ পৃঃ ২৩৪--১৯৮ অব্দ পর্য্যন্ত অশোকের
রাজত্বকাল নির্দিষ্ট হইতেছে । বাহাইউক, এই অশোক বর্দ্ধনের
পর সুষা দশরথ ও সজ্জত নামে তিন জন রাজা রাজ্যভোগ
করেন । ইহার পর শালিশূকের রাজত্ব আরম্ভ হয় । সুতরাং

পুষ্পমিত্রের রাজত্বের প্রারম্ভে অর্থাৎ খ্রীঃ পূঃ ১৭৮
অর্কে দেমেত্রিয়স্ ভারত-দিগ্বিজয়ে প্ররম্ভ হইলেন।
এই ঘটনার সহিত পাণিনীয় ৩।২।১১১ সংখ্যক সূত্রে
পতঞ্জলি প্রদর্শিত দৃষ্টান্তদ্বয়ের বিলক্ষণ সামঞ্জস্য লক্ষিত
হইতেছে। সুতরাং পতঞ্জলি এই যবনাক্রমণ লক্ষ্য
করিয়াই যে ‘অরুণদ্যবনঃ সাক্যেতম্’ ও ‘অরুণদ্যবনো
মাধ্যমিকান্’ এই দৃষ্টান্তদ্বয় উপন্যস্ত করিয়াছেন,
তদ্বিষয়ে সংশয় হইতেছে না। অতএব এই সকল
প্রমাণানুসারে আমরা অনায়াসে নির্দেশ করিতে পারি
যে, পতঞ্জলি যবন-রাজ দেমেত্রিয়স্ ও শুঙ্গ নৃপতি
পুষ্পমিত্রের সমকালে অর্থাৎ খ্রীঃ পূঃ ১৯৫-১৪২ অর্কের
মধ্যবর্তী সময়ে বর্তমান ছিলেন এবং তিনি দেমেত্রিয়স্-
কৃত দিগ্ বিজয়ের সমকালে পাণিনীয় ৩।২।১১১
সংখ্যক সূত্রের ভাষ্য প্রণয়ন করেন। শাস্ত্রদর্শী
রামকৃষ্ণ গোপাল ভণ্ডারকর মহাভাষ্যে এই অংশের
রচনা-কাল খ্রীঃ পূঃ ১৪৪-১৪২ অব্দ নিরূপণ করিয়া-
ছেন, কিন্তু এই মত যে সমীচীন নহে তাহা আমরা
পূর্বে প্রদর্শন করিয়াছি।

আচার্য্য গোলড্‌ফুকার ও অধ্যাপক রামকৃষ্ণ গোপাল

খ্রীঃ পূঃ ১৯৫ অর্কের অব্যবহিত পূর্বে কি পরবর্তী সময়েই যে
শালিশুক মগধের সিংহাসন গ্রহণ করেন, তাহা উল্লিখিত দুই
গণনানুসারেই প্রতিপন্ন হইতেছে। Vide Wilson's "Vishnu-
purana" Vol. IV. P. 186-190.

ভণ্ডারকর পতঞ্জলির প্রদর্শিত যবনকে গ্রীকরাজ মেনান্দ্র বলিয়া নির্দেশ করিয়াছেন ^{১৬০}। কিন্তু তাঁহারা দেমেত্রিয়সের প্রতি কেন উপেক্ষা প্রদর্শন করিলেন, তাহা আমাদের ক্ষুদ্র বুদ্ধিতে প্রতিভাত হইতেছে না। স্ত্রাবোর নির্দেশানুসারে মেনান্দ্র ভারতবর্ষের অনেক স্থান অধিকার করেন বটে, কিন্তু বাহ্লীকস্থ গ্রীক রাজগণের মধ্যে দেমেত্রিয়সই ইহার পথ প্রদর্শক। পুরাত্ত পাঠে অবগত হওয়া যায়, দেমেত্রিয়স ভারতবর্ষের পূর্ব দিক পর্যন্ত স্বীয় অধিকার বিস্তার করিয়া ছিলেন ^{১৬১}। কালক্রমে আত্ম-বিদ্রোহিতা নিবন্ধন দেমেত্রিয়স রাজ্য ভ্রষ্ট হইলেন ও ইউক্রেতিদস বাহ্লীকের সিংহাসন অধিকার করেন ^{১৬২}। গার্গীসংহিতা-লিখিত যবন-দিগ্বিজয় রত্নান্তের সহিত ইহার বিশিষ্ট সামঞ্জস্য লক্ষিত হইতেছে ^{১৬৩}। পূর্বে প্রতিপন্ন হইয়াছে যে, মগধরাজ পুষ্পমিত্রের রাজত্বকালেই পতঞ্জলি মহা-

^{১৬০} Goldstucker's Panini. P. 234. Indian Antiquary. Vol. I. P. 302.

^{১৬১} Vide Elphinstone's History of India P. 267.

^{১৬২} Ibid P. 267.

^{১৬৩} গার্গী সংহিতাতে স্পষ্ট লিখিত আছে, এই যুদ্ধ-দুর্ঘটন যবন রাজগণের মধ্যে পরিশেষে নিশ্চয়ই আত্ম-চক্রোখিত ভীষণ যুদ্ধ সমুপস্থিত হইবে। তথাপি,

‘তেষামন্তোত্তমংভাবা (?) ভবিষ্যন্তি ন সংশয়ঃ।

আত্মচক্রোখিতং ঘোরং যুদ্ধং পরমদাক্ষণ্যম্ ॥’

ভাষ্য প্রণয়ন করেন। দেমেত্রিয়সের বাহুল্যিক-শাসন সময়েই পুষ্পমিত্রের মাগধ রাজত্ব সমধিক প্রসিদ্ধ হইয়াছিল। অতএব দেমেত্রিয়সকেই পতঞ্জলির উদাহৃত সাক্ত ও মাধ্যমিক-বিজয়ী যবন বলিয়া নির্দেশ করা অধিকতর সঙ্গত।

অধ্যাপক বেবের যেরূপ অদ্ভুত যুক্তি সহকারে পতঞ্জলির আধুনিকত্ব প্রতিপন্ন করিয়াছেন, তাহা যথা স্থলে উল্লিখিত হইয়াছে। বেবের-প্রদর্শিত যুক্তি কত দূর ফলোপধায়িনী একবার তাহা বিচার করিয়া দেখা উচিত হইতেছে। বেবের পতঞ্জলির প্রদর্শিত ‘যবন’ শব্দ অভিন্নম্ব্যুর পূর্ববর্তী কনিষ্কের নির্দেশক বলিয়াছেন। আর্যেতর জাতি সমূহ যে স্লেচ্ছ, যবন প্রভৃতি নামে বিশেষিত হইয়া থাকে তাহা আমরা অস্বীকার করিতেছি না। কিন্তু রাজতরঙ্গিনীকার কহলন কনিষ্ক প্রভৃতিকে তুরুক্ষ বংশসম্ভূত বলিয়া নির্দেশ করিয়াছেন^{১৮২}। পতঞ্জলি যদি তদানীন্তন সময়ে বর্তমান থাকিতেন, তাহা হইলে তিনি অবশ্যই যবনের পরিবর্তে ‘তুরুক্ষ’

১৮২ ‘অথাভবন্ স্বনামাক্ষপুত্রত্রয়বিধায়িনঃ।

হৃক্ষ-জুক্ষ-কনিষ্কাখ্যাত্রয় স্তত্রৈব পার্থিবাঃ ॥

* * * *

তে তুরুক্ষাযয়োদ্ভূতা অপি পুণ্যাত্রয়া হৃপাঃ।

শুঙ্কলেত্রাদিদেদেশু মঠচৈত্যাди চক্রিরে ॥’

রাজতরঙ্গিনী। ১। ১৬৮, ১৭০।

শব্দ প্রয়োগ করিয়া যাইতেন সন্দেহ নাই । বিশেষতঃ কনিষ্ক বৌদ্ধদিগের পৃষ্ঠ-পূরক ছিলেন, তিনি যে বেবে-রের নির্দিষ্ট মাধ্যমিক সম্প্রদায়ের প্রতি অত্যাচার করি-বেন তাহা সম্ভাবিত নহে । পরন্তু ইতিহাসে কনিষ্ক তাদৃশ দিগ্‌বিজয় কুশল বলিয়া বর্ণিত হয়েন নাই, সুতরাং তৎকর্তৃক অযোধ্যা-বিজয় সম্ভবপর বোধ হয় না । বেবের লিখিয়াছেন, কনিষ্ক বৌদ্ধ ধর্মের উৎসাহ-দাতা হইবার পূর্বে তৎপ্রতি অসম্ভাব প্রদর্শন করিয়াছিলেন । এক্রপ যুক্তি অতীত মতের সমর্থনকারিণী নয় । ঈদৃশ কু-কিনী কল্পনার আশ্রয়-গ্রাহী না হইয়া ঘটনা বিশেষের সহিত ঐতিহাসিক সত্যের সামঞ্জস্য রক্ষণই সর্বতো-ভাবে বিধেয় ।

রাজতরঙ্গিনীতে লিখিত আছে, অভিমন্যুর রাজত্ব-সময়ে চন্দ্রাচার্য্য প্রভৃতি কর্তৃক পাতঞ্জল মহাত্ম্য কাশ্মীর দেশে নীত হয় ১০০ । এই অভিমন্যু কনিষ্কের পরে কাশ্মীরের শাসন দণ্ড গ্রহণ করেন । অধ্যাপক লাসেন কনিষ্ক ও অভিমন্যুর রাজত্বকাল ক্রমান্বয়ে খ্রীষ্টীয় ১০-৪০ ও ৪০-৬৫ অঙ্ক স্থির করিয়াছেন । বেবেরের নির্দেশানুসারে কনিষ্কের রাজত্ব সময়ে অর্থাৎ খ্রীষ্টীয় ২৫ অঙ্কে মহাত্ম্য প্রণীত হইলে

১০০ চন্দ্রাচার্য্যাদিভিলক্স । দেশঃ তন্মাত্তদাগমঃ ।

প্রবর্তিতং মহাত্ম্যং ঋক্ বাকরণং কৃতং ॥

রাজতরঙ্গিনী । ১ । ১৭৬ ।

বিংশতি কি পঞ্চবিংশতি বর্ষের মধ্যে তাহা এত দূর গৌরব সহকারে কাশ্মীর দেশে নীত হওয়া সম্ভব-পর বোধ হয় না । এই সমস্ত কারণে আমরা বেবেরের মতে আস্থাবান্ না হইয়া মতান্তরের আশ্রয় গ্রহণ করিতে বাধ্য হইয়াছি ।

নাগোজী ভট্টের মতে পতঞ্জলির মাতার নাম গৌণিকা ^{১১১} । কিম্বদন্তী অনুসারে পূর্ব ভারতবর্ষের ‘গোনর্দ’ নামক স্থান তাঁহার জন্ম-ভূমি । এতন্নিবন্ধন পতঞ্জলি ‘গোনর্দীয়’ নামেও অভিহিত হইয়া থাকেন ^{১১২} ।

জন-প্রবাদে যে ‘গোনর্দ’ পতঞ্জলির জন্ম-ভূমি বলিয়া উল্লিখিত হয়, তাহার অবস্থান-সন্নিবেশ অদ্যাপি সূক্ষ্মরূপে নির্ণীত হয় নাই । অধ্যাপক রামকৃষ্ণ গোপাল ভগ্নারকর এই স্থান বর্তমান গোণ্ডার সহিত অভিন্ন জ্ঞান করিয়াছেন ^{১১৩} । ‘গোণ্ডা’ অযোধ্যা হইতে ২০ মাইল উত্তর পশ্চিমে অবস্থিত । প্রাকৃত ব্যাকরণের নিয়মানুসারে সংস্কৃত ‘র্দ’ শব্দ ‘দ্দ’ অথবা কখন কখন

^{১১১} ‘১ । ৪ । ৫১ । গৌণিকাপুত্রো ভাষ্যকার ইত্যাহঃ ।’
নাগোজী ভট্ট ।

^{১১২} ১ । ১ । ২১ । ‘গোনর্দীয়স্থাহ । কৈরট :—ভাষ্যকার-স্থাহ । নাগোজী ভট্ট :—গোনর্দীয়পদং ব্যাচক্ষে । ভাষ্য-কার ইতি ।

^{১১৩} Indian Antiquary. Vol. II. p. 70.

‘ড্‌ড’তে পরিণত হইয়া থাকে^{১২৪}। সূতরাং প্রাকৃত ভাষায় ‘গোনর্দ্দ’ ‘গোনড্‌ড’ বলিয়াও উচ্চারিত হয়। কালক্রমে এই ‘গোনড্‌ড’ লৌকিক-উচ্চারণ-বৈষম্য বশতঃ গোণ্ডা-রূপ ধারণ করিয়াছে। জেনারেল কানিংহাম লিখিয়াছেন, ‘গোণ্ডা’ নাম সংস্কৃত গোঁড় হইতে উদ্ভূত হইয়াছে^{১২৫}। কিন্তু প্রাকৃত ব্যাকরণ অনুসারে ঈদৃশ অনুমানের কোন সার্থকতা উপলব্ধ হয় না। সম্ভবতঃ সংস্কৃত গোনর্দ্দই কালক্রমে গোণ্ডা নামে পরিণত হইয়াছে। এরূপ হইলে পতঞ্জলিকে এই স্থানের অধিবাসী বলিয়াই বোধ হয়। কাশিকা রীতিতে পাণিনির ১।১।৭৫ সংখ্যক সূত্রের উদাহরণ স্বরূপ ‘গোনর্দ্দীয়’ ‘ভোজকটীয়’ প্রভৃতি কতিপয় পদ প্রদর্শিত হইয়াছে। উক্ত সূত্রানুসারে এই ‘গোনর্দ্দ’ প্রভৃতি প্রাচ্য দেশের নির্দেশ বাচক। পূর্বে উল্লিখিত হইয়াছে, ‘গোনর্দ্দীয়’ পতঞ্জলির নামান্তর। সূতরাং পতঞ্জলি প্রাচ্য বৈয়াকরণ বলিয়া প্রসিদ্ধ^{১২৬}।

অধ্যাপক বেবের এই মতের অনুমোদন করেন

^{১২৪} ই, বি, কাউএল সাহেব-প্রকাশিত প্রাকৃতপ্রকাশের ২১ পৃষ্ঠা দেখ।

^{১২৫} Cunningham's 'Ancient Geography of India.' P. 408, and Arch. Surv. Vol. I. P. 327.

^{১২৬} ১।১।৭৫ : এত্ প্রাচ্য দেশে। কাশিকা :—এণীপ-চনীঃ। গোনর্দ্দীয়ঃ। ভোজকটীয়ঃ। গোনরীয়ঃ।

নাই । মহাত্মায্যের এক স্থলে লিখিত আছে, ‘ব্যব-
হিতেহপি পূর্বশব্দো বর্ততে তদ্যথা পূর্বং মথুরায়াঃ
পাটলীপুত্রম্ ।’ বেবের এই বাক্য লক্ষ্য করিয়া বলিয়া-
ছেন, ‘পূর্ব’ শব্দ ব্যবহিত অর্থাৎ ‘দূরতা’ অর্থ দ্যোতক ।
তিনি এই সংস্কৃত ব্যাক্যার্কের এইরূপ অর্থ করিয়াছেন,
‘পাটলীপুত্র মথুরার অগ্রে অবস্থিত । ইহাতে স্পষ্ট
প্রতীত হইতেছে, বক্তা পাটলীপুত্রের পরবর্তী কোন
স্থানে থাকিয়া এই বাক্যটির উল্লেখ করিয়াছেন ।
এ স্থলে পতঞ্জলি বক্তা । সুতরাং পতঞ্জলি মথুরার
পূর্ব দিকবর্তী কোন স্থানে অধিবাস করিতেন । কারণ
পতঞ্জলি প্রাচ্য বৈয়াকরণ বলিয়া প্রসিদ্ধ ১১৭ ।’ বেবে-
রের এই ব্যাখ্যা নিরবচ্ছিন্ন স্বকপোলকল্পিত ।
‘ব্যবহিত’ শব্দ দূরতা অর্থ-প্রকাশক নহে । ইহা
‘মধ্যবর্তী কোন বিষয় দ্বারা পৃথগ্ভূত’ অর্থে প্রয়ো-
জিত হইয়া থাকে । যেমন, কলিকাতা হইতে লণ্ডন
কতিপয় সমুদ্র, দেশ, নদী প্রভৃতি দ্বারা ব্যবহিত ।
‘রামায়ণ’ শব্দের আদ্যক্ষর ‘রা’ ও শেষাক্ষর ‘ণ’ মথা-
ক্রমে ‘মা ও য়’ অক্ষরদ্বয় দ্বারা ব্যবহিত । এস্থলে
‘ব্যবহিত’ শব্দ দূরতা অর্থ বহন করিতেছে না ।
প্রত্যুত ‘কলিকাতা’ ও ‘লণ্ডন’ মধ্যবর্তী সাগর প্রভৃতি
দ্বারা এবং ‘রা’ ও ‘ণ’ মধ্যবর্তী ‘মা’ ও ‘য়’ অক্ষর
দ্বারা পৃথকভূত এইরূপ অর্থই প্রকাশ করিতেছে ।

অতএব পতঞ্জলির উক্ত বাক্যে কেবল ইহাই প্রতীত হইতেছে যে, মথুরা ও পাটলীপুত্র মধ্যবর্তী কতিপয় স্থান দ্বারা পৃথগ্ভূত। সুতরাং সাধারণতঃ ‘পূর্বঃ মথুরায়াঃ পাটলীপুত্রম্’ এই বাক্য, পাটলীপুত্র মথুরার পূর্ববর্তী, এই অর্থেরই প্রকাশক। অতএব পতঞ্জলি পাটলীপুত্রের পূর্বদিকবর্তী দেশের অধিবাসী ছিলেন, এতদ্বারা তাহার সমর্থন হইতেছে না। পতঞ্জলি বৈয়াকরণ ব্যাখ্যায় প্রসঙ্গ-সঙ্গতি ক্রমে একটা উদাহরণ প্রদর্শন করিয়াছেন মাত্র। ‘ঘোটক শকটের অগ্রে অবস্থিত আছে’ এই কথা বলিলে বক্তা শকটের পশ্চাৎ ভাগে আছেন, ইহা কখনও প্রকাশ পায় না। ‘পূর্ব শব্দ’ যে অগ্রবর্তিতার দ্যোতক তাহা অস্বীকার্য্য নহে। কিন্তু যখন স্থানাদির অবস্থান-সম্বিবেশের প্রসঙ্গে ‘পূর্ব’ শব্দ প্রয়োজিত হয়, তখন উহা স্বনাম-প্রসিদ্ধ সূর্য্যোদয়ের দিকই প্রকাশ করিয়া থাকে। পূর্বে প্রদর্শিত হইয়াছে, ‘গৌনর্দ’ অযোধ্যার উত্তর পশ্চিমে অবস্থিত। কিন্তু এদিকে পতঞ্জলি প্রাচ্য বৈয়াকরণ বলিয়া সর্বত্র প্রসিদ্ধ। পাটলীপুত্রের পূর্ব দিকবর্তী না হইলে তাহার প্রাচ্যত্ব রক্ষিত হয় না, এই আপত্তি উত্থাপিত হইতে পারে। কিন্তু অতিনিবেশ সহকারে বিবেচনা করিয়া দেখিলে এ আপত্তি নিতান্ত অকিঞ্চিৎকর বলিয়া প্রতিপন্ন হইবে। ‘প্রাগ্দেশ’ ‘উদগ্দেশ’ প্রভৃতি কএকটি নির্দ্ধারিত সংজ্ঞা মাত্র।

অমর সিংহ স্বপ্রণীত কোষে শরাবতীর ^{১২৮} দক্ষিণ-পূর্ব প্রদেশকে ‘প্রাগ্দেশ’ নামে নির্দেশ করিয়াছেন ^{১২৯} । এই প্রাগ্দেশ-বাসিগণই প্রাচ্য নামে প্রসিদ্ধ । সুতরাং পতঞ্জলি অযোধ্যার উত্তর পশ্চিম-দেশস্থ হইলেও তাঁহাকে ‘প্রাচ্য’ বলা যাইতে পারে । শব্দ বিদ্যার প্রমাণানুসারে ইহা অপসিদ্ধান্ত বলিয়া পরিগণিত হইবে না ^{১৩০} ।

কৈয়ট কতিপয় স্থলে পতঞ্জলিকে ‘আচার্য্য দেশীয়’ বলিয়াছেন । গোলড্‌ফুকের ও বেবেরের মতানুসারে

^{১২৮} শরাবতী স্বনাম প্রসিদ্ধ নদী । অমর কোষে এই নদীর উল্লেখ দৃষ্ট হয় (‘শরাবতী বেত্রবতী চন্দ্রভাগা সরস্বতী কাবেরী সরিতোহিত্যশ্চ সমুদ্রঃ সিদ্ধুসঙ্গমঃ ॥’ অমর কোষ) । মেজর উইল্‌ফোর্ড সাহেব বলেন, এই নদী গঙ্গার উত্তরে অবস্থিত ছিল । রোহিলখণ্ডস্থ বদায়ুন বিভাগে ইহার অবস্থান-সন্নিবেশ অনুমিত হইয়াছে । Vide Wilford's ‘Ancient Geography of India’ in As. Res. Vol. XIV. P. 409-410.

রঘুবংশে শরাবতী নামে একটি নগরেরও নির্দেশ আছে । যথা ;

স নিবেশ্ত কুশাবত্যাং ত্রিপুনাগাকুশং কুশম্ ।

শরাবত্যাং সত্যং স্বর্ভৈর্জনিতাঞ্চলবৎ লবং ॥

রঘুবংশ । ১৫ । ১৭ ॥

^{১২৯} ‘লোকোহিত্যং ভারতং বর্ষং শরাবত্যাঙ্কু যোহিবধেঃ ।

দেশঃ প্রাগ্‌দক্ষিণঃ প্রাচ্য উদীচ্যঃ পশ্চিমোত্তরঃ ॥’

অমরকোষ ।

^{১৩০} Indian Antiquary. Vol. II. P. 239.

আচার্য্যদেশীয়েৱ অৰ্থ ‘আচার্য্যেৱ দেশস্থ ব্যক্তি’ এৱং
এই আচার্য্য কাত্যায়নেৱ নিৰ্দেশ বাচক। পতঞ্জলি
প্রাচ্য দেশীয়; সুতরাং এই সিদ্ধান্তানুসারে কাত্যা-
য়নও তদ্দেশ-সম্বৃত। কিন্তু কাত্যায়ন যে দাক্ষিণাত্য-
বাসী, তাহা পূৰ্বে প্রতিপন্ন হইয়াছে। গোলড্‌ফুৰ
ও বেবের ‘আচার্য্যদেশীয়’ শব্দেৱ যে অৰ্থ নিৰ্দেশ
করিয়াছেন, তাহা বিশুদ্ধ যুক্তিৱ অনুমোদিত বোধ হয়
না। এস্থলে আচার্য্যদেশীয়েৱ অৰ্থ কনিষ্ঠাচার্য্য।
পাণিনিৱ ৫।৩।৬৭ সংখ্যক সূত্রানুসারে এই অৰ্থ
সিদ্ধ হইয়া থাকে। বস্তুতঃ পতঞ্জলি যখন পাণিনি
ও কাত্যায়নেৱ পৱৰ্ত্তী এৱং তৃতীয় ব্যাকরণাচার্য্য
বলিয়া প্রসিদ্ধ, তখন কৈয়ট যে তাঁহাকে কনিষ্ঠাচার্য্য
নামে বিশেষিত কৰিবেন, তাহা অসম্ভৱ বোধ হয় না।

প্রথিত আছে, পতঞ্জলি ক্রিয়ংকাল কাশ্মীর দেশে
বাস করিয়াছিলেন। মহাভাষ্য ব্যতীত তৎপ্রণীত
পাণিনীয় ব্যাকরণেৱ কতকগুলি ব্যৰ্থিক আছে। এ
গুলি ‘ইক্তি’ নামে প্রসিদ্ধ।

পতঞ্জলি স্বীয় ভাষ্যে অসাধারণ বিচার-নৈপুণ্য
প্রদৰ্শন করিয়াছেন। কাত্যায়নকৃত পাণিনি-সমালোচ-
নেৱ বৈধাবৈধতা নিরূপণার্থই মহাভাষ্য প্রণীত হই-
য়াছে। পাণিনিৱ অষ্টাধ্যায়ী সূত্রপাঠ ও কাত্যায়নেৱ
ব্যৰ্থিক প্রণীত হইবার পৰে সংস্কৃত ব্যাকরণেৱ যে
অঙ্গহীনতা ছিল, পতঞ্জলি স্বীয় ভাষ্য প্রচার করিয়া

তাহার সম্পূর্ণ প্রতীকার করিয়াছেন। বস্তুতঃ পাতঞ্জল মহাতাষ্যের নিমিত্তই সংস্কৃত ব্যাকরণ পূর্ণাবয়ব ও গুণ-বহুল হইয়া পৃথিবীস্থ সমুদয় জাতির ব্যাকরণ-শ্রেণীর মধ্যে সর্বোচ্চ স্থান পরিগ্রহ করিয়াছে।

কৈয়ট-কৃত ভাষ্যপ্রদীপ নামে মহাতাষ্যের একখানি টীকা বিদ্যমান আছে। আবার নাগোজী ভট্ট ভাষ্যপ্রদীপোদ্যত নামে কৈয়ট-প্রণীত ভাষ্য প্রদীপের আর একখানি টীকা প্রণয়ন করিয়া গিয়াছেন। কালক্রমে পরবর্তী বৈয়াকরণবৃহৎ এই ব্যাখ্যাগ্রন্থ সমূহ অবলম্বন পূর্বক অনেক গুলি টীকা ও উপটীকার সৃষ্টি করিয়াছেন। মহাতাষ্যকার পতঞ্জলি ব্যতীত সংস্কৃত সাহিত্যে অন্য একজন পতঞ্জলির নাম দৃষ্ট হয়। ইনি যোগদর্শন নামক প্রসিদ্ধ দর্শন শাস্ত্রের প্রণেতা। এই পাঞ্জতল দর্শন সেশ্বর সাংখ্য দর্শন নামেও কথিত হইয়া থাকে।

ভর্তৃহরি-প্রণীত বাক্যপদীয় (বাক্যপ্রদীপ) নামে মহাতাষ্য-সংক্রান্ত আর একখানি টীকা আছে। ঐতদ্ব্যতীত কতকগুলি ছন্দোময়ী রচনা দৃষ্ট হয়। ইহা 'কারিকা' নামে আখ্যাত। সাধারণে ভর্তৃ-হরিকেই এই কারিকা সমূহের রচয়িতা বলিয়া থাকেন। বাক্যপদীয়ের দ্বিতীয় কাণ্ডে লিখিত আছে, ভগবান্ পতঞ্জলি ব্যাড়ি প্রণীত 'সংগ্রহ' বিলুপ্ত-প্রায় হইয়া সবার্ত্তিক পানিনীর সূত্রের মহাতাষ্য

প্রণয়ন করেন। কালক্রমে অকৃতবুদ্ধি লোকদিগের
আলস্য দোষ-প্রযুক্ত এই মহাতাষ্যেরও বিলোপ-দশা
সমুপস্থিত হয়, কেবল এক খানি পুস্তক দাক্ষিণাত্যে
সংরক্ষিত নিকটে থাকে। চন্দ্রাচার্য্য প্রভৃতি পৰ্ব্বত
হইতে এই মূল পুস্তক সংগ্রহ পূৰ্ব্বক গ্রন্থান্তরে লিপি-
বদ্ধ করিয়া প্রচারিত করেন। তত্ৰুহরি এই চন্দ্রাচার্য্য ও
বম্মুরাত প্রভৃতির আদেশে মহাতাষ্যের তাৎপর্য্য-
জ্ঞাপিকা কারিকা প্রণয়ন পূৰ্ব্বক বাক্যপদীয় নামক
ব্যাক্যাগ্রন্থ নিবদ্ধ করেন ১১২।

২০১ প্রায়ণ সংক্ষেপকটীনস্পরিজ্ঞাপরিগ্রহান্ ।

সংপ্রাপ্য বৈয়াকরণান্ সংগ্রহেহস্তমুপাগতে ॥

কৃতেহথ পতঞ্জলিনা গুরুণা তীর্থদর্শিনা ।

সর্বেষাং শ্রায়বীজমাং মহাতাষ্যে নিবন্ধনে ॥

অলঙ্ঘ্যাগাধে গান্ধীর্ষ্যাহুতান ইব সৌষ্ঠবাং ।

অশ্মিন্নকৃতবুদ্ধীনাং নৈবাবাস্থিত নিশ্চয়ঃ ॥

যঃ পতঞ্জলিশিষ্যোভ্যো ভ্রষ্টৌ ব্যাকরণাগমঃ ।

কালেন দাক্ষিণাত্যেষু গ্রন্থমাত্রৈ ব্যবস্থিতঃ ॥

পৰ্ব্বতাদাগমং লব্ধ্বা ভাষ্য-বীজানুসারিতিঃ ।

স নীতো বহুশাখীঃ চন্দ্রাচার্য্যাদিভিঃ পুনঃ ॥

* * * * *

আচার্য্যবম্মুরাতেন শ্রায়মার্গান্ বিচিন্ত্য চ ।

প্রণীতো বিধিবচ্চায়ং মম ব্যাকরণাগমঃ ॥

ময়াপি গুরুনির্দেশান্তাষ্যামায়াবিলুপ্তয়ে ।

কাণ্ডত্রয়ক্রমেণায়ং নিবন্ধঃ পরিকীর্তিতঃ ॥

বাক্যপদীয় ।

আচার্য্য গোলডষ্টুকের ভর্তৃহরিকে কারিকা সমূহের রচয়িতা বলিয়া স্বীকার করেন নাই। তাঁহার মতে কারিকাগুলি বিভিন্ন ব্যক্তি কর্তৃক প্রণীত ও মহাতাষ্যে নিবদ্ধ হইয়াছে ২০২।

এপর্য্যন্ত পাণিনি কাত্যায়ন ও পতঞ্জলির বিষয় যতদূর অবগত হওয়া গিয়াছে, আমরা তাহারই সার সঙ্কলন করিয়া বঙ্গীয় পাঠক-সমাজে এই পুস্তক উপস্থাপিত করিলাম। প্রস্তাব-প্রতিপাদ্য বিষয় পরস্পার সংগ্রহে যত্নের ক্রটি হয় নাই; ঘটনাস্তরাগত কুট তর্কের মীমাংসাতেও যথাসাধ্য প্রয়াস বিহিত হইয়াছে। এরূপ কষ্ট-প্রসূত সংগ্রহ সহৃদয়গণের চিত্তহারী হইলেই সমুদয় পরিশ্রম সফল মনে করিব।

সকলের রুচি সমান নহে। বিভিন্ন প্রকৃতি অনুসারে লোকে বিভিন্ন রুচির অধিকারী হইয়া থাকে। কেহ উত্তাল-তরঙ্গমালা-সমাকীর্ণ জলধির ফেণায়িত অটুহাস্ত অথবা হিমাদ্রির অভ্রংলিহ শৃঙ্গ-শোভিত মেঘ-পটলের ভীষণ নীলিমা দর্শনে প্রীত হয়; কেহবা ঈদৃশ ভয়ঙ্কর দৃশ্য হইতে শত হস্ত দূরে থাকিয়া মল্ল-বাতান্দোলিত বল্লীরাজির অঙ্গ-বিলাস, অথবা ভ্রমর-

চুস্থিত প্রভাত-কমলের লাভণ্য দেখিয়া চিত্ত পরিতৃপ্ত করে। গ্রন্থাদির পাঠেও এইরূপ রুচিগত বৈষম্য লক্ষিত হইয়া থাকে। কেহ অমৃতময় কাব্য অথবা গবেষণা-পূর্ণ পুরাত্ত প্যাঠে আমোদিত হয়েন, কেহ বা তৎসমুদয় পরিত্যাগ করিয়া জুগুপ্সতি নাটকাদি লইয়া সময় ক্ষেপণ করিয়া থাকেন। ঈদৃশ রুচি-বৈষম্য নিবন্ধন অসম্মদেশে নাটকাদির ঘেরূপ বহুল প্রচার হইয়া উঠিয়াছে, তাহা সহৃদয় পাঠকবর্গের অবিদিত নাই। এই নাটকাদির অধিকাংশই কুরুচি ও কুভাবের উদ্দীপক। রসভাব-সমন্বিত নাটক অতি অল্পই বাঙ্গালীর লেখনী হইতে বিনির্গত হইয়াছে। ঊনবিংশ শতাব্দীর সভ্যতা-শ্রোতে প্রক্ষালিত হইয়াও অদ্যাপি বঙ্গ দেশের রুচি পরিমার্জিত হয় নাই। যে পঞ্চ দ্বিতীয় চার্লসের রাজত্ব সময়ে ইংলণ্ডীয়গণের হৃদয় মলিন করিয়াছিল, তাহাই এক্ষণে বাঙ্গালী-সমাজের মহিমা বিস্তার করিতেছে। ইহা বঙ্গ দেশের অনঙ্গ কলঙ্কের বিষয়, সন্দেহ নাই।

নিয়তি-নেমির অধোগমন নিবারণে কেহই সমর্থ নহে। যে আর্য্য জাতি একদা অতুল সাহস ও বিক্রম প্রভাবে ভূমণ্ডলে অক্ষয় কীর্তি লাভ করিয়াছিল, এক্ষণে সেই জাতি অবনত মস্তকে অপরের পাদাভিষাত সহ্য করিতেছে। সে সাহস, সে বীর্যবত্তা, সে রণোন্মাদ এক্ষণে কেবল আতিথানিক শব্দে পরিণত হইয়াছে।

আর্য্য জাতির এই তেজস্বিতার সঙ্গে সঙ্গে মনস্বিতাও অন্তর্হিত হইয়াছে। পূর্ব্বের ন্যায় মনীষী বুধগণ আর্য্য-জাতির গৌরব-রক্ষার্থ জন্ম পরিগ্রহ করিতেছেন না। যে বিষয়গুলি অদ্যাপি তালপত্রে সংরক্ষিত আছে, ইদানীন্তন আর্য্য-গৌরবস্পর্কী ব্যক্তিগণ শিশিরকালে গলদঘর্ষ-কলেবর হইয়াও তাদৃশ কোন বিষয় লিপিবদ্ধ করিতে সমর্থ হইতেছেন না। আর্য্যজাতি বস্তুতঃই এক্ষণে অপদার্থ ও হতমান হইয়া কলঙ্কের ডালি বহন করিতেছে।

পৌর্ণমাসী রজনীর নীলিম-রঞ্জিত গগনের প্রতি দৃষ্টিপাত কর, আনন্দ-হিল্লোলে তোমার হৃদয় উচ্ছসিত হইবে। শত শত হীরক খণ্ডের মধ্যবর্তী চন্দ্রমার হাস্য দেখিয়া তুমিও হাসিতে থাকিবে। যদি কবি হও, অগংখ্য ফেণবিন্দু-পরিশোভিত অনন্ত বিস্তীর্ণ সুনীল বারিধির সহিত এই অনন্ত নীলাকাশের তুলনা করিবে। প্রকৃতি যেখানে এইরূপ কমণীয় শোভার ভাণ্ডার সজ্জিত করিয়া রাখিয়াছে, সেই খানেই তোমার নেত্র প্রধাবিত হয়। “দ্বিব্য লাভণ্য-শোভিত” পূর্ণচন্দ্র অমৃতরসবর্ষী কিরণে চতুর্দিক্ হাস্তময় করে, তুমি তাহা অনিমিষ লোচনে দেখিয়া অপার আনন্দ অনুভব কর। বলয় সমীরণ স্পর্শে স্পর্শে মধুগন্ধ হরণ করিয়া তোমার দেহ-বক্ষি আলিঙ্গন করে, তুমি তাহাতে পরিতুষ্ট হও, সায়াংকালীন দীপ-শ্রেণী সহস্রধা বিকসিত হইয়া তম-

ঙ্গিনী-হৃদয়ে নাচিতে নাচিতে ক্রীড়া করে, অমনি তোমার নয়ন-যুগল তাহার সহিত রঞ্জুবদ্ধ হয়। কিন্তু লোকারণ্যের অভূপূর্ব সৌন্দর্য্য তোমার হৃদয় আকর্ষণ করে না, উহাতে যে জাতীয় জীবনের সজীবতা সম্পাদন করে, তাহা তুমি একবারও ভাবিয়া দেখ না। প্রতীপ বায়ুর উচ্ছ্বাসে শ্রোতস্বতী বীচি-মালায় পরিশোভিত হয়, তুমি তাহা দেখিবা মাত্র ভয়-বিকম্পিত হইয়া নয়ন মুদ্রিত কর, উহা যে অসীম জড় জগতের অসীম শক্তি বিকাশ করিতেছে, তাহা ভাবিয়া তোমার হৃদয় আনন্দে উদ্বেল হয় না। তুমি নিজ্জীব ভারতের নিজ্জীব সন্তান; তোমার অধিক দূরে উঠিবার সাধ্য নাই। তুমি কোমলতা-মিশ্র সৌন্দর্য্যের রসাস্বাদনেই ব্যাসক্ত থাক, অনন্ত জড়শক্তির গুরুত্বাবধারণে তোমার প্রয়োজন নাই। আশু সুখ-প্রদ নাটক উপন্যাসেই তোমার উৎসাহ ও সুখ। ভারত-গৌরবের নিদানভূত পূর্ব পুরুষ-দিগের মহিমার মূল্যবোধে তোমার উৎসাহ ও সুখ হওয়া সম্ভবপর নয়।

আর্য্য বাসভূমি যদি সভ্যতালোকে উদ্দীপিত না হইত, আর্য্যগণ যদি একদা পৃথিবীর মধ্যে সর্ব্বশ্রেষ্ঠ জাতি বলিয়া পরিগণিত না হইতেন, তাহা হইলে ইদানীন্তন তদ্বংশীয় দিগের এইরূপ জাড্য-দোষ সহনীয় হইত। কিন্তু প্রাচীন আর্য্যগণের সভ্যতা ও মনস্বিতা স্মরণ করিয়া এক্ষণে তৎসন্তানদিগের ঈদৃশ শোচনীয়

অধঃপতন দর্শনে কে না ব্যথিত-চিন্ত হইবেন ? এবং কে বা না ইহাদিগকে অমানুষ-প্রকৃতি বলিয়া শতবার দ্বিষ্কার প্রদান করিবেন ? আমাদিগের এমনই দুর্ভাগ্য যে, যাঁহাদিগের জন্য আমরা অদ্যাপি সভ্য-সমাজে সম্মান সহকারে পরিগৃহীত হইতেছি—যাঁহাদিগের মহিমা প্রভাবে অদ্যাপি ভারতবর্ষ ইতিহাস-ক্ষেত্রের শীর্ষ স্থানে বিরাজমান রহিয়াছে, তাঁহাদিগের বিষয় একবারও অনুসন্ধান করি না। বাল্মীকি প্রভৃতি যে এ দেশের কবি, পাণিনি প্রভৃতি যে এদেশের বৈয়াকরণ, রূহস্পতি প্রভৃতি যে এদেশের উপদেষ্টা, শঙ্করাচার্য্য প্রভৃতি যে এদেশের ধর্মপ্রচারক, তাহা আমরা বিস্মৃত হইয়াছি। বিলুপ্ত গৌরবের উদ্ধার সাধনার্থ অতীত-সাক্ষী ইতিহাসকে সাক্ষী মানিতেও আমাদিগের প্রবৃত্তি হয় না। যদি দেহের প্রত্যেক স্থানে তাড়িত বেগ প্রয়োজিত হয়, তাহা হইলেও আমাদিগের এই জড়তা অবিলুপ্ত থাকিবে। এরূপ নিশ্চেষ্ট ও নিষ্ক্রিয় ভারতবর্ষের পৃথিবীর মানচিত্র হইতে অন্তহিত হওয়াই বিধেয়।

যে ইউরোপ খণ্ড প্রাচ্য বিজ্ঞানালোকে উদ্ভাসিত হইয়াছে, সেই ইউরোপের পণ্ডিতদিগকে আমরা অভিবাদন করি। তাঁহাদিগের অবিচলিত যত্নে ভারতের আশা পুনর্জীবিত হইতেছে। এই পণ্ডিতদিগের অনুকরণে এক্ষণে অনেকে শাস্ত্রানুশীলনে প্রবৃত্ত

হইতেছেন । রুচির ঈদৃশ পরিবর্তন দর্শনেই আমার এই স্বর সমুখিত হইয়াছে । এরূপ ক্ষীণ ধ্বনি এক্ষণে বঙ্গীয় পাঠকবর্গের প্রতীবিররে প্রবিক্ট হইলেই চরিতার্থ হইব । ‘পণ্ডিতগণ বক্তার তারতম্য বিবেচনা করেন না, তাঁহারা তদীয় বচনের গুণগ্রাহী মাত্র ।’ ইহাতে আশা করি, আমার স্বর কেবল প্রতিধ্বনি মাত্রে পর্য্যবসিত হইবে না ।



সমাপ্ত ।

পারিশিষ্ট ।

৯৭ পৃষ্ঠা ।

মাহেশ ব্যাকরণ সম্বন্ধে একটী অদ্ভুত কিম্বদন্তী প্রচলিত আছে । উহা এই স্থলে যথাযথ বিবৃত হইল মহামহোপাধ্যায় পাণিনি স্বীয় অষ্টাধ্যায়ী সূত্রপাঠের রচনাকালে মহর্ষি কৃষ্ণ দ্বৈপায়ন বেদব্যাস-প্রণীত পুরাণের পদসমূহ ব্যাকরণ ভুষ্ণ বলিয়া খণ্ডন করিতে প্রবৃত্ত হওয়াতে একদা নিশীথ সময়ে স্বপ্নে দেখিলেন, যেন একজন তেজস্বী মহাপুরুষ নিতান্ত রোষ-কষায়িত লোচনে তাঁহাকে জিজ্ঞাসা করিতেছেন :—

“যান্ম্যজ্জহার মাহেশাদ্ ব্যাসো ব্যাকরণার্ণবাৎ ।

কিন্তানি পদরত্নানি সন্তি পাণিনি-গোম্পাদে ॥

বেদব্যাস অর্ণব স্বরূপ মাহেশ ব্যাকরণ হইতে যে সমস্ত পদরত্ন উদ্ধার করিয়াছেন, গোম্পাদ স্বরূপ পাণিনি ব্যাকরণে কি তৎসমুদয় বিদ্যমান আছে ?”

মধুসূদন সরস্বতী পাণিনি ব্যাকরণকেই মাহেশ ব্যাকরণ বলিয়াছেন । কিন্তু কলাপ ব্যাকরণের মতে মাহেশ ব্যাকরণ পাণিনি-ব্যাকরণ হইতে স্বতন্ত্র । যাহা-ইউক এ পর্যন্ত মাহেশ ব্যাকরণ আমাদিগের দৃষ্টি-পথবর্তী হয় নাই, সুতরাং উহার অস্তিত্ব সম্বন্ধেও অসম্বন্ধ হইতে পারি না ।

১১৭ পৃষ্ঠা।

রামকৃষ্ণ গোপাল ভণ্ডারকর যে বাক্যটি (যথা লৌকিক-বৈদিকেষু) বার্তিকের মধ্যে পরিগণিত করিয়াছেন, অধ্যাপক বেবের তাহা পতঞ্জলির উদাহরণ বিশেষ বলিয়া উল্লেখ করিয়াছেন। অর্থাৎ পতঞ্জলি দাক্ষিণাত্য-বাসিদিগের শব্দ প্রয়োগ প্রদর্শনার্থই ‘যথা লৌকিক-বৈদিকেষু’ এই বাক্যটি উপন্যস্ত করিয়াছেন। বেবের ইহার অনুরূপ অন্য একটা বাক্য পাতঞ্জল মহাভাষ্য হইতে উদ্ধৃত করিয়া স্বমতের সমর্থন করিয়াছেন; যথা; “অস্তি চ লোকে সরসী শব্দস্য প্রবৃতিঃ। দক্ষিণাপথে হি মহাস্তি সরাসি সরস্য ইত্যুচ্যন্তে (লোকে সরসী শব্দের প্রয়োগ দৃষ্ট হয়। দক্ষিণ-দেশে ‘মহৎ সরোবর’ এই বাক্যে ‘সরস্য’ পদ প্রয়োজিত হইয়া থাকে)।” এতদ্বারা প্রতিপন্ন হইতেছে, দক্ষিণদেশ-প্রচলিত বাক্যের উদাহরণ প্রদর্শনার্থই পতঞ্জলি ‘সরস্য’ পদের ন্যায় ‘লৌকিক-বৈদিকেষু’ পদদ্বয়ের প্রয়োগ করিয়া গিয়াছেন। কিন্তু ভণ্ডারকর ইহার পোষকতা করেন নাই। বস্তুতঃ মহাভাষ্যে যখন “যথা লৌকিক-বৈদিকেষু” এই বাক্যটি ব্যাখ্যাত ও সমালোচিত হইয়াছে তখন উহা বার্তিকের মধ্যে পরিগণিত করাই বিধেয়। বার্তিকের দোষ গুণ বিচারার্থই পতঞ্জলির মহাভাষ্য প্রণীত হইয়াছে। বিশেষতঃ নাগোজী ভট্ট ইহার পূর্ববর্তী এইরূপ আর দুটি

বাক্য (১ সিদ্ধে শব্দার্থ-সম্বন্ধে, ২ লোকতোহর্থ-প্রযুক্তে শব্দ-প্রয়োগে শাস্ত্রেণ ধর্মনিয়মঃ) বার্তিকের মধ্যে নিবেশিত করিয়াছেন । প্রথম ও দ্বিতীয়টী যখন বার্তিকে স্থান লাভ করিল, তৃতীয়টী কেন উহার মধ্যে পারিগণিত হইবে না * ?

১২৬ পৃষ্ঠা ।

মাধ্যমিক — ব্যাকরণানুসারে মধ্যম শব্দ হইতে ‘মাধ্য-মিক’ পদ (মধ্যম + ষিক) সিদ্ধ হইয়াছে । আমরা সিংহ স্বপ্রণীত কোষে মধ্যদেশকেই ‘মধ্যম’ নামে উল্লেখ করিয়াছেন † । সুতরাং মধ্যদেশ-বাসিগণ যে ‘মাধ্য-মিক’ নামে অভিহিত হইয়া থাকে, তদ্বিষয়ে সন্দিহান হইতে হয় না ।

১৩৭ পৃষ্ঠা ।

মৌক্ষমূলর মহাভাষ্যের সময়-নির্ণয়-প্রসঙ্গে বলিয়াছেন, ‘পতঞ্জলি কোন সময়ে স্বীয় ভাষ্য প্রণয়ন করেন তাহা নিরূপণ করা অসম্ভাবিত । কিন্তু কেহ কেহ পতঞ্জলিকে পিঙ্গল নামে নির্দেশ করিয়া থাকেন ।

* Vide Indian Antiquary. Vol. II. P P. 208, 239.

† ‘প্রত্যন্তো মেচ্ছদেশঃ আং মধ্যদেশস্ত মধ্যমঃ’ ॥ আমরা কোষ ।

ষড় গুরুশিষ্যের মতে এই পিঙ্গল পাণিনির অনুজ * ।
 এতদনুসারে বোধ হয় খ্রীঃ পূঃ তৃতীয় শতাব্দীতে
 মহাভাষ্য প্রণীত হইয়াছিল । কিন্তু পিঙ্গল ও পত-
 ঙ্গলি যে অভিন্ন ব্যক্তি তাহা সম্ভাবিত বলিয়া পরি-
 গণিত হওয়া দুৰূহ । সুতরাং এতদ্বিষয়কে অন্যান্য গণ-
 নার মূল ভিত্তি করা যুক্তি-সিদ্ধ বোধ হয় না † ।

আমরা এস্থলে মোক্ষমূলরের লিখন-ভঙ্গী প্রদর্শন
 করিলাম মাত্র । পতঙ্গলির সম্বন্ধে আমাদিগের যাহা
 বক্তব্য, যথাস্থলে তাহা বিবৃত হইয়াছে ।



* 'তথ্যচ সূত্রে হি ভগবতা পিঙ্গলেন পাণিনিসুজেন ।'

† Max Müllers "Ancient sanskrit Literature." P. 244.

জয়দেব-চরিত

অর্থাৎ

সুপ্রসিদ্ধ গীতগোবিন্দ-প্রণেতা জয়দেব
গোস্বামীর জীবন-বৃত্তান্ত ।

মূল্য ১০ ছয় আনা । ডাক মাশুল ১০ এক আনা ।

কলিকাতা সংস্কৃত প্রেস্ ডিপজিটরী, ক্যানিং লাইব্রেরী
ও হিন্দু হোস্টেল এবং ঢাকা এন্, কে, চার্টার্ড
এণ্ড কোম্পানীর পুস্তকালয়ে প্রাপ্য ।

সহচর ।

২৪এ ভাদ্র, ১২৮০ ।

“আমরা বিশেষ আন্তরিক সহকারে পুস্তক খানি পাঠ করি-
য়াছি । লেখক একজন যথার্থ পণ্ডিত এবং তাঁহার প্রগাঢ় অনু-
সন্ধান আছে, তাহা এই ক্ষুদ্র গ্রন্থ খানির প্রতি পত্রে প্রকাশ
করিতেছে । * * * তরসা করি অস্ত অস্ত লেখক এই প্রকার
প্রগাঢ় অনুসন্ধানী হইয়া পুস্তক লিখিতে আরম্ভ করিবেন । * *
জয়দেবের জীবন চরিতে রজনীকান্ত গুপ্ত যে প্রকার প্রশালী
অবলম্বন করিয়াছেন, এতদেশীয় মোকেরা তাহা করেন ইহা
প্রার্থনীয় । * * রজনী বাবু চেষ্টা করিলে একজন প্রধান ত্রৈলোক্য
লেখক হইতে পারেন । * * এ প্রকার লেখকের সংখ্যা যত
বৃদ্ধি হয় ততই দেশের মঙ্গল ।”

মোমপ্রকাশ ।

৩১এ ভাদ্র, ১২৮০ ।

“জয়দেব-চরিত-লেখক এই ক্ষুদ্র গ্রন্থ খানি রচনার্থ গোচর অসম্ভবান করিয়া নানাপ্রকার প্রমাণ সংগ্রহের যে প্রকার পরি-
শ্রম স্বীকার করিয়াছেন তাহাতে তাঁহার ভূরি প্রশংসা করিতে
হয় । তিনি যে সময়ে এই গ্রন্থ খানি মুদ্রিত করেন, তখন তিনি
মৃত ছিলেন না । অতঃপূর্বে অবস্থায় এ প্রকার গ্রন্থের প্রচার আরও
অধিকতর প্রশংসার বিষয় । গ্রন্থের লেখাটী বাঙ্গালা ভাষার
রীতি-বিশুদ্ধ হইয়াছে । * * এখানি বাঙ্গালা ভাষার একখানি
পাঠ্য গ্রন্থ হইল ।”

ভারত-সংস্কারক ।

৪ঠা ও ১১ই আশ্বিন, ১২৮০ ।

“এ পুস্তক খানি বিশেষ পাণ্ডিত্য-পূর্ণ এবং প্রশংসনীয় ।
* * জীবনী লেখক যত দূর পর্যন্ত জয়দেবের জীবনকাল নির্ণয়
আলোচনায় প্ররক্ত ছিলেন, তদ্ব্যতীত তাঁহার সত্য নির্ণয়ার্থ আন্তরিক
চেষ্টা দেখিয়া আমরা গৌরবের সহ্য ক্রমশই বর্ধিত হইয়াছিলাম । * *
রজনী বাবুর গ্রন্থ খানি অতি বিশুদ্ধ বাঙ্গালার রচিত । আমরা
এই পুস্তক খানি আভ্যাসিত পাঠ করিয়া পর নাই আশ্চর্য্যিত
ও সন্তোষ লাভ করিয়াছি । ইচ্ছা করি, রজনী বাবু আরো
লাভ করিয়া উত্তরোত্তর শ্রমের বদ সাহিত্যের জীবন সাধন
করুন ।”

